



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines



Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





38

1442

1797

James Castles copy of
Buchanans Palms
Stewarton 8th of January
Anno Domini 1803.

DS

1442

1797

James Cook's bag

Stewarton 23rd January

1801

D. Young

From his Friend

James Cook

GEORGH BUCHANANI SCOTI,

POETARUM SUI SEculi FACILE PRINCIPIS,

1644] PARAPHRASIS 1385

PSALMORUM DAVIDIS

POETICA.

AD OPTIMAM EDITIONEM
THOMÆ RUDDIMANNI, A. M.
SUMMO STUDIO RECOGNITA ET CASTIGATA.

PRÆMISSA EST ACCURATIOR QUAM ANTEHAC
CARMINUM EXPLICATIO.

GLASGUA:


IN ÆDIBUS ACADEMICIS,

EXCUDERAT JACOBUS MUNDELL, ACADEMIÆ TYPOGRAPHUS,

EDINEBURGI:

PROSTANT APUD J. DICKSON, J. FAIRBAIRN, A. CONSTABLE,
ET J. MUNDELL & SOC.

1797.



Gift
Tappan Press. Inc.
3-18-1932

AD

MARIAM

ILLUSTRISSIMAM SCOTORUM REGINAM,
GEORGII BUCHANANI

EPIGRAMMA,

NYMPHA, Caledoniæ quæ nunc feliciter oræ
Missa per innumeros sceptræ tueris avos :
Quæ fortem antevenis meritis, virtutibus annos,
Sexum animis, morum nobilitate genus :
Accipe (sed facilis) cultu donata Latino
Carmina, fatidici nobile regis opus.
Illa quidem, Cirrha procul et Permesside lympa,
Penè sub Arctoi fidere nata poli :
Non tamen ausus eram malè natum exponere fœtum,
Ne mihi displiceant quæ placuere tibi.
Nam quod ab ingenio domini sperare nequibant,
Debebunt genio forsitan illa tuo.

CARMINUM GENERA

QUIBUS IN HOC OPERE PORTA USUS EST.

CARMINUM in Psalmorum Paraphrasi occurrentium genera sunt undetriginta.

I. Genus monocolon. Versus sunt Heroici hexametri, sex regionibus constantes, quarum sextam Spondæus, quintam Dactylus, quatuor reliquas indiscriminatim Dactylus aut Spondæus obtinet, hoc modo ;

1	2	3	4	5	6
--	--vv	--	--	--vv	--
--vv	--	--vv	--vv		

Eo utitur Psal. 1. 18. 45. 78. 85. 89. 104. 107. 132. 135.

II. Dicolon distrophon, ad imitationem Horatii lib. 5. Od. 16. vel potius Prudentii, hymno 9. *πρίξις σιφαιῶν*. Versus prior est hexameter heroicus modo memoratus. Posterior Iambicus Hipponactæus trimeter acatalectus, constans sex pedibus, quorum ultimus semper est Iambus, [sive Pyrrhichius] secundus et quartus Iambus, et ejus loco haud raro Tribrachys : locis autem imparibus, i. e. primo, tertio et quinto, præter Iambum, Spondæum etiam, Anapæstum, Dactylum aut Tribrachym recepit ; juxta hoc schema ;

1	2	3	4	5	6
v-	v-	v-	v-	v-	v-
vv-	vvv	-vv	vvv	vy-	vv
-		-		-	
-vv		vvv		-vv	
vvv		vv-		vvv	

Eo utitur Psal. 2. 20. 24. 57. 60. 69. 83. 93. 95. 97. 108. 109. 118. 126. 136. 147.

III. Dicolon distrophon, ad exemplum Horatii lib. 5, Od. 1. Martial. lib. 1, Ep. 50. Prudentii secunda præfat. Apotheoseos, Auson. Epig. 26. Primus quisque versus est Iambicus fenarius acatalectus, cujus modo in II. genere meminimus. Secundus vero est Iambicus dimeter, seu quaternarius, acatalectus, constans quatuor pedibus, quorum ultimum constituit Iambus [vel Pyrrhichius;] secundum Iambus, vel ejus compar Tribrachys; primum et tertium Iambus, Spondæus, Anapæstus, Dactylus aut Trybrachys. Quanquam Buchananus nunquam, quod meminerim, tertio loco Tribrachym aut Dactylum usurpat. Ceteram dimetros quibus ille usus est, hoc modo metiri possis;

I	2	3	4
v-	v-	v-	v-
--	vvv	--	vv
vv-		vv-	
vvv			
vv			

Eo utitur Psal. 3. 6. 10. 24. 22. 27. 34. 38. 39. 41. 44. 48. 53. 62. 74. 76. 79. 87. 92. 110. 112. 113. 120. 127. 133. 134. 139. 141.

IV. Dicolon distrophon, quale est Horat. lib. 1. Od. 7. Versus prior est hexameter heroicus, ut supra. Posterior Alcmanius Dactylicus tetrameter acatalectus, quatuor ultimos habens pedes carminis herbici, hoc modo;

1	2	3	4
--	vv	vv	--
vv	--		

Eo utitur Psal. 4. 11-13.

V. Dicolon tetrastrophon, quale est Catulli carmen 11. Horat. lib. 1. Od. 2. Statii Silv. 4. carm. 7. Prudentii Cathemerin. Hymn. 8. &c. Versus primus, secundus, et tertius, Sapphicus hendecasyllabus pentameter acatalectus, constans Trochæo, Spondæo,

Dactylo, et duobus Trochæis [vel ultimo Spondæo,] hoc modo ;

1	2	3	4	5
-v	--	-vv	-v	-v

Quartus autem quisque est Adonius pentasyllabus dimeter acatalectus, constans Dactylo et Spondæo, seu duobus postremis carminis heroici pedibus, hoc modo ;

1	2
-vv	--

Eo utitur Psal. 5. 17. 51. 55. 65. 67. 72. 90. 101. 103.

VI. Tricolon tetraastrophon, ad exemplum Horatii lib. 1. Od. 9. quibusdam carmen Horatianum appellatum. Versus primus et secundus est Dactylicus Alcaicus acatalectus, constans ex penthemimeri Iambica, i. e. Spondæo vel Iambo, (sed sæpius Spondæo), Iambo, et cæsura, seu syllaba longa, deinde duobus Dactylis (vel ultimo Amphimacro, sive Cretico,) hoc modo ;

1	2	3	4
--	v-	-vv	-vv
v-			v-

Tertius est Iambicus Archilochius dimeter hypercatalectus : pes primus et tertius Spondæus, et nonnunquam Iambus ; primus quidem rarius, tertius vero rarissime, secundus et quartus semper Iambus, cum syllaba in fine residua, hoc modo ;

1	2	3	4	5
--	v-	--	v-	-
v-		v-		v

Quartus est Dactylicus Alcaicus, vel, ut alii nominant, Pindaricus, in quo duos Dactylos continuos sequuntur duo Trochæi [vel ultimus Spondæus,] hoc modo ;

1	2	3	4
-vv	-vv	-v	-v

Eo utitur Psal. 7. 11. 15. 19. 30. 46. 50. 56. 58. 77. 82. 91. 123. 125. 140. 146.

VII. Dicolon distrophon. Versus primus Sapphicus, de quo in V. genere; secundus Iambicus dimeter, de quo in III. genere supra egimus.

Eo utitur Psal. 8.

VIII. Tricolon tetrastrophon, ad imitationem Horatii lib. 1. Od. 5. Versus primus et secundus est Asclepiadæus, Choriambicus tetrameter acatalectus, qui quatuor habet regiones, quarum primam Spondæus, secundam et tertiam Choriambus, quartam Iambus [seu Pyrrhichius] obtinet; hoc modo;

1	2	3	4
--	-vv	-vv	v-
			vv

Alii autem metiuntur per Spondæum, Dactylum et cæsura, seu syllabam longam, ac deinde duos Dactylos, vel ultimum Amphimacrum, hoc modo;

1	2	3	4
--	-vv	-vv	-vv
		-v-	

Tertius est Pherecratus heroicus, trimeter acatalectus, constans Spondæo, Dactylo et Spondæo, hoc modo;

1	2	3
--	-vv	--

Quartus denique est Glyconius Choriambicus trimeter acatalectus, constans Spondæo, Choriambico et Iambo [seu Pyrrhichio,] hoc modo;

1	2	3
--	-vv	v- vel vv

Eo utitur Psal. 9. 64. 84. 130.

IX. Dicolon distrophon, quale est Horatii lib. 4. Od. 7. Prior quisque versus est hexameter heroicus, de quo supra. Alter vero Archiloeus Dactylicus dimeter hypercatalectus, vel, ut alii volunt, penthemimeris heroica, constans duobus Dactylis et syllaba, hoc modo;

I 2
-vv -vv
Eo utitur Psal. 12.

X. Monocolon. Versus Iambicus dimeter, cuius in tertio genere meminimus. In hoc imitatus est Prudentium hymno 1. Cathemerinon, &c. Sedulium hymno ultimo, hymnosque complures Ecclesiasticos: et, quemadmodum illi, ita Psalmi hoc genere carminis compositi per tetrasticha progrediuntur.

Eo utitur Psal. 13. 31. 37. 47. 52. 54. 59. 86. 96. 98. 117. 148. 149. 150.

XI. Dicolon distrophon, ad exemplum Horatii lib. 1. Od. 3. Versus prior est Glyconius trimeter; posterior Asclepiadeus tetrameter; de utroque hactenus in VIII. genere dictum est.

Eo utitur Psal. 14. 35. 43.

XII. Tricolon tristrophon, quali utitur Prudentius Præfat. Cathemer. Primus quisque versus est Glyconius trimeter, secundus Asclepiadeus tetrameter, de quibus modo, et in VIII. genere egimus. Tertius autem quisque est Choriambicus Alcaicus pentameter acatalectus, qui constat e Spondeo, tribus Choriambis, et Iambo [sive Pyrrhichio,] hoc modo;

I	2	3	4	5
--	-vv-	-vv-	-vv-	v-
				vv

Eo utitur Psal. 16.

XIII. Dicolon tetrastrophon, quale est Horatii lib. 1. carm. 6. Versus primus, secundus et tertius Asclepiadeus tetrameter, quartus vero Glyconius trimeter, de quibus superius egimus in genere VIII.

Eo utitur Psal. 23. 42. 75. 99. 102. 144.

XIV. Monocolon. Versus Iambicus Hipponacteus trimeter acatalectus, ad exemplum Horatii lib. 5. Epod. 17. Catulli car. 20. Prudentii Cathemerinon hymn. 7. &c. De eo supra in genere II.

Eo utitur Psal. 25. 94. 106.

XV. Monocolon, quale est Stat. 4. Sil. 5. Claudiani carmen Fesceninum in nuptias Honorii et Mariæ, Prudentii hymn. 14. περί σφαιῶν Versus Dactylicus Alcaicus acatalectus, quem in VI. genere explicavimus. Hic quoque observandum (quod de Iambicis dimetris supra monuimus) puros hosce Alcaicos in tetrasticha semper divisos esse.

Eo utitur Psal. 26. 29. 32. 49. 61. 71. 73. 143.

XVI. Monocolon, quale est Horatii lib. 1. Od. 1. Prudentii hymn. 5. Cathem. Versus est Asclepiadeus tetrameter (de quo supra genere VIII.) Notandum vero Buchananum (ad exemplum Prudentii) Asclepiadeos hosce quaternos junxisse.

Eo utitur Psal. 28. 40. 80.

XVII. Dicolon distrophon, quo Boet. lib. 2. metr. 3. imitatur. Versus primus est Sapphicus pentameter, de quo supra in genere V. Alter est Glyconius trimeter, de quo in genere VIII. diximus.

Eo utitur Psal. 33. 70. 121. 142.

XVIII. Dicolon distrophon, ad exemplum Boëtii lib. 3. met. 3. Versus primus est Iambicus trimeter, cujus in II. carminis genere meminimus. Secundus vero est pentameter Elegiacus acatalectus, cujus prima et secunda sedes indifferenter Spondæum vel Dactylum recipit, tertia semper postulat Spondæum, quarta et quinta Anapæstum; hoc modo;

1	2	3	4	5
-vv	-	--	vv-	vv-
--	-vv			

Vel, ut aliis placet, versu in duo quasi membra diviso, post Dactylum aut Spondæum prima et secunda regione indiscriminatim positum, sequitur cæsura penthemimeris, qui primam partem terminat: alterum autem membrum post duos Dactylos altera itidem cæsura clauditur, hoc modo;

I	2	3	4
-vv	-	-vv	-vv
-	-vv		

Eo utitur Psal. 36. 63.

XIX. Dicolon, tristrophon. Versus primus et secundus est Trochaicus Alcmanius dimeter, seu quaternarius, acatalectus, constans quatuor pedibus, quorum primus et tertius, seu loci impares, Buchananano semper est Trochæus, secundus præter Trochæum Spondæum etiam, ejusque compares Anapæstum et Dactylum recipit, quartus demique est Trochæus [vel Spondæus,] hoc modo ;

I	2	3	4
-v	-	-v	-v
	-v		-
	vv		
	-vv		

Versus autem tertius est Trochaicus Euripidæus dimeter catalectus, qui eisdem habet pedes quoad duo priores, præter ultimum, qui postrema syllaba detruncatur, hoc modo :

I	2	3	4
-v	-v	-v	v
	-		-
	vv		

Alii metiuntur tanquam Iambicum dimetrum cuius initio desit syllaba, hoc modo ;

I	2	3	4
-v	-v	-v	-v
	-		-
	vv		

Eo utitur Psal. 66.

XX. Dicolon distrophon. Versus prior heroicus hexameter, de quo in I. genere. Posterior Anapæsticus Parthenæus dimeter catalectus ; qui constat tribus pedibus, quorum primus et secundus Anapæstum vel Spondæum indifferenter recipit, tertius solum Anapæstum, ac deinde superest syllaba, hoc modo ;

I	2	3
vv-	vv-	vv-

Vel potius est posterior pars carminis hexametri heroici, cujus primus pes una syllaba mutilus est, semimetro tantum superstiti, *h. e.* syllaba longa, vel duabus brevibus, cui deinde tres ultimi pedes carminis hexametri subjunguntur, hoc modo;

$\frac{1}{2}$	2	3	4
-	-vv	-vv	-
vv			

Eo utitur Psal. 68.

XXI. Dicolon distrophon, ut Horatii lib. 5. Epod. 14. Aufonii Epist. 10. Primus quisque versus est heroicus hexameter, secundus autem Iambicus dimeter: quorum supra in I. et III. metrorum generibus meminimus.

Eo utitur Psal. 81.

XXII. Dicolon distrophon. Carmen est Elegiacum omnibus notum, ex hexametro et pentametro junctis conflatum: de hoc in XVIII. de illo in I. genere superius egimus.

Eo utitur Psal. 88. 114. 137.

XXIII. Dicolon distrophon. Primus quisque versus est Trochaicus Euripideus dimeter, de quo in genere XIX. dictum est. In illo autem versiculo, *Agite festis laudibus*, Trochæi vicem occupat Tribrachys. Secundus autem est Iambicus dimeter, quem in III. genere enarravimus.

Eo utitur Psal. 100.

XXIV. Monocolon, quali usi sunt Plaut. Teren. Seneca, &c. Prudent. Cathem. hymn. 9. Aufon. dict. Solon. veteris illius carminis cui titulus est *Perviligiam Veneris*, auctor; Venant. Fortunat. Hymn. de cruce Domini, &c. Versus est Trochaicus octonarius catalectus, constans septem Trochæis et sylla-

ba, recepto tamen in locis imparibus Tribrachi; in paribus vero, præter Tribrachyn, Spondæo etiam, Dactylo et Anapæsto, hoc modo;

I	2	3	4	5	6	7	8
-v	-v	-v	-v	-v	-v	-v	-
vuv	vuv	vuv	-	vuv	vuv		v
	-		-vv		-		
	vv-				vv-		
	-vv				-vv		

Eo utitur Psal. 105. 119. 124. 129.

XXV. Monocolon, quali utitur Boet. lib. 1. met. 5. et Seneca passim in choris. Versus est Anapæsticus Pindaricus dimeter acatalectus, constans quatuor pedibus, in quorum singulis recipit Anapæstum; cuius tamen vices promiscue suppleant Spondæus, et Dactylus, [et ultimo etiam loco interdum Tribrachys, Amphimacer, vel Trochæus], hoc modo;

I	2	3	4
vv-	vv-	vv-	vv-
-	-	-vv	-
-vv	-vv	-	-vv
			vuv
			-v-
			-v

Eo utitur Psal. 113.

XXVI. Dicolon tetraästrophon, ad exemplum fere Catulli, carmine 34. Primi tres versus sunt Choriambici Glyconii trimetri acatalecti, Spondæo, Choriambo et Pyrrhichio [vel Iambo] constantes; sed loco Spondæi interdum recipiunt Trochæum, hoc modo;

I	2	3
-	-vv-	vv
-v		v-

Quartus autem quisque est Pherecratius heroicus trimeter acatalectus, constans Spondæo, Dactylo et Spondæo, hoc modo;

I 2 3

-vv-

Eo utitur Psal. 116. 122. 128.

XXVII. Monocolon, ad exemplum Prudentii hymno 6. Cathem. Versus est Iambicus Anacreontius dimeter catalectus, qui constat tribus Iambis et syllaba, recepto tamen sapissime in prima sede etiam Spondæo, hoc modo;

I 2 3
v- v- v-

Eo utitur Psal. 131.

XXVIII. Tricolon tristrophon, quale est Horatii lib. 5. Od. 13. Primus quisque versus est heroicus hexameter, de quo in primo genere: secundus autem est Iambicus dimeter, de quo in genere III. egimus. Tertius vero est penthemimeris heroica, constans duobus Daçtylis et syllaba, cujus in genere IX. meminimus.

Eo utitur Psal. 138.

XXIX. Tricolon tristrophon, idem fere cum præcedente, nisi quod ordo paulum fit inversus: nam qui illic secundum locum tenebant, hic tertium, et e contrario, versus occupavere: cæterum Horatii Epod. 11. per omnia, simile est, præterquam quod illi primus versus est Iambicus senarius, Buchananano autem hexameter heroicus: secundus vero utrique est penthemimeris heroica: tertius denique Iambicus dimeter.

Eo utitur Psal. 145.

GEORGHII BUCHANANI

IN

PSALMOS DAVIDIS

PARAPHRASIS.

LIBER PRIMUS.

PSALMUS I.

- 1 **F**ELIX ille animi, quem non de tramite recto
Impia sacrilegæ flexit contagio turbæ :
Non iter erroris tenuit, fessorve cathedræ
Pestiferæ, facilem dedit irrisoribus aurem ;
- 2 Sed vitæ rimatur iter melioris, et altâ
Mente Dei leges noctesque diesque revolvit.
- 3 Ille, velut riguæ quæ margine confita ripæ est
Arbor, erit : quam non violento Sirius æstu
Exurit, non torret hiems ; sed prodiga læto h ?
Proventu beat agricolam : nec, flore caduco
Arridens, blandâ dominum spe lactat inanem.
- 4 Non ita divini gens nescia fœderis, exlex,
Contemtrixque poli : subito sed turbine rapti
Pulveris instar erunt, volucris quem concita gyro
Aura levis torquet vacuo ludibria cœlo.
- 5 Ergo ubi veridicus iudex in nube serenâ
Dicere jus veniet, scelerisque coarguet orbem,
Non coram impietas mœstos attollere vultus,
Nec misera audebit iustæ se adjungere turbæ.

...carent um
...curvique secuta
...peribit.

...tumultu?

...manibus?

...[truces?

...adversum

...aiunt,

...

...potestas,

...

...

...

...Regem,

...

...per orbem.

...Filius

...daboque

...regas,

...

...ferreo:

...frangasque re-

...[belles,

...potestas,

...

...verum:

...gaudiis

...reverentia vestris;

...amplectamini:

...exerceat ira,

...nam, quum brevi

...scietis

...in illo qui locant.

PSAL. III.

- 1 **H**EU quanta numero viribusque factio
Me vexat odiis impiis !
Quàm perditorum firma conspiratio
Conjurat in meum caput !
- 2 Et asseverant spem salutis in Deo
Superesse jam nullam mihi ;
- 3 Quum tu sub umbra, præliantem me tui
Tam sæpe scuti texeris :
Quum laudis auctor sis meæ, quum gloriâ
Meum coronas verticem.
- 4 Quum nocte Dominus invocantem me, suæ
De monte sancto exaudiat,
- 5 Curis solutus et recumbo et dormio,
Resurgo liber a metu.
- 6 Domino excubante, nec meum formidine
Pectus movebunt agmina
Numerosa, nec si sæva feritas omnium
Conjuret in me gentium.
- 7 Tu, Domine, in aciem dactor, ut me liberes,
Prodibis : hostium omnium
Malasque franges, impiorum et conteres
Dentes potenti dexterâ.
- 8 At tu, salutis una spes, populum tuum
Bonitate solitâ amplectere.

PSAL. IV.

- 1 **O**PATER, O hominum divûmque æternâ potestas,
Sinceræ mihi conscie mentis,
Qui mihi consilii que inopi, incertoque salutis,
Imploranti rebus in arctis,
Tutum pandis iter, latumque educis in æquor :
Nunc obfesso fraude malignâ,
Da mihi te facilem, et justis bonus annue votis,
Non durâ placabilis aura.

- 2 O hominum cæcæ mentes, quo me usque relicto
 Intenti mendacibus umbris,
 Sollicita in vanas torquetis pectora curas ?
- 3 Tandem credite vera monenti :
 Quem Deus electum miro dignatur honore,
 Per discrimina cuncta tuetur.
 Me Dominus clamantem ad se, auxiliumque ro-
 Mitis et exorabilis audit. [gantem,
- 4 Ergo Dei, miseri, nunc saltem agnoscite numen,
 Et vitiis absistite pravis :
 Vobiscum in tacito per noctem expendite lecto
 Longi dicta ac facta diei.
- 5 Non pecudum fibris Domino sed mente litatur
 Innocuâ : si admoveris aris
 Hanc, poteris sperare animi securus ab alto
 Dextrâ munera larga benignâ.
- 6 Poscit opes modò degeneres pars maxima vulgi,
 Hæc animos vota una fatigant.
 At tu me placido tantum bonus aspice vultu ;
 Aura tui jucunda favoris
- 7 Me super irradiet ; sat amico te mihi felix.
 Alter frugibus horrea stipet,
 Impleat et multas generoso nectare cellas,
 Et congesto gaudeat auro :
- 8 Ast ego curarum vacuus de nocte recumbam,
 Et sine sollicitudine somnos
 Accipiam ; tu securam mihi robore mentem,
 Tu certa spe pectora firmas.

PSAL. V.

- 4 O POTENS rerum Deus, aure leni
 Mitis exaudi mea verba, mientis
 Mente non durâ tetricusque tristes.
 Percipe questus.
- 2 Adspice attentus mihi quanta tendat

Vox latus : quando mihi rex Deusque
Solutus es, solum veneror precorque
Rebus in arctis.

3 Mane clamantem Deus æquus audi.
Nam tuum castâ prece non inanem
Spem fovens, nomen jubar ante Eoum
Mane ciebo.

4 Tu Deus, lætus pietate vera,
Impii ritus scelus execraris ;
Nec frui pravi studiosâ mens te
Speret amico.

5 Vis tuos vultus metuit, nefasque :
6 Hostis es fraudum et cupidæ cruoris
Cædis : audacem simulare linguam
Falsa recides.

7 At tua fretus bonitate sacrum
Limen accedam, tua templa inibo :
Rite adorabo tua sancta castis
Numina votis.

8 Tu mihi, ut casses fugiam dolosos
Hostium, lumen Deus æquitatis
Dux tuæ præfer, dubioque cæcos
Dirige gressus.

9 Hostium verum fugit ora, pectus
Incolit fraus spurcitæque : guttur
Tetrius putri est quod hiat recludens
Funera busto.

Lingua adulatrix tacito veneno
Blandiens, cæcos meditatur ictus.

10 O Deus, rerum O pater alme, gentem
Perde nefandam.

Redde conatus, Pater alme, vanos ;
Quique te linquunt, scelerum suorum
Sentiant pœnas meritas, ab ima
Stirpe recisi :

- 11 Sed tua semper bonitate tuti
 Gaudeant qui spem posuere in uno
 Te sibi certam impavidi, tuumque
 Nomen adorant.
- 12 Namque tu rectos animique puros
 Largâ opum dextrâ recreas benignus,
 Et tui, tanquam clypeo, favoris
 Protegis umbrâ.

PSAL. VI.

- 1 **D**UM fervet ira, Domine, dum mens æstuat,
 Ne me merentem corripe:
 Dum sævientis flagrat in cursu furor,
 Exigere pœnas abstine.
- 2 O parce, parce: languor ægrum conficit:
 Manum salutarem admove.
 Corpus, solutis ossium compagibus,
 Enerve vires deferunt.
- 3 Mentemque graviter mœror angit turbidam,
 Quo me usque miserum negliges?
- 4 Quo me usque linques? jam revertè, ac libera
 Ægrum inferum de faucibus.
- 5 Ubi læva duram mors manum injecit semel,
 Quis amplius meminit tui?
 Quis mortis altâ subrutus caligine
 Nomen celebrabit tuum?
- 6 De nocte pectus anxium suspiriis
 Pulsans, gemenque, lacryma
 Lavo cubile: strata fletuum madent
 Rorata largis imbribus.
- 7 Caligat acies luminum, doloribus
 Hebetata longis: hostium
 Interque risus et dolos emarcuit
 Color vigorque corporis.
- 8 At tu sceleribus turba gaudens impiis,

Faceſſe, ſpem pone irritam :

Lamenta Dominus et meorum ſletuum

Placatus audiit ſonum.

9 Dominus benignus ſupplicem me exaudiit,
Orationique annuit :

10 Subitus ut hoſtes obruat pudor meos,
Vultusque confundat rubor ;

Trifti repente ut palleant infamia,

Fugamque turpem mœreant.

PSAL. VII.

1 In te ſalutis ſpem poſui meæ,
Servator orbis : faucibus hoſtium

Me libera, qui mente ſavâ

Interitum mihi moliuntur.

2 Si nemo vindex aſſerat, ut leo

Imbelle crudus dilaniat pecus,

Sic me ſerus diſcerpet hoſtis,

Innocui ſitiens cruoris.

3 Si verus index me meritò arguit,

Nec falſa mendax crimina texuit ;

4 Si damna tranquillo creavi ;

Promerito male ni peperci ;

5 Me perſequatur dum capiat ſequens,

Captumque ſternat, ſtratum et humi pede

Conculcet, et ſceptri ſuperbum

Proterat abjiciatque faſtum.

6 Exſurge, juſtas te furor impius

Meorum in iras excitet hoſtium :

Exſurge, promiſſamque redde

Perfidix, Deus, ultionem.

7 Exſurge, terris luceat omnibus

Auguſta majeſtas tua ; te ſuum

Accurrat agnoſcatque regem

Concilium populi, patremque.

- 8 O qui, potenti sceptrâ tenens manu,
Gentes per omnes crimina vindicas,
Me vindica, si rite pœnas
Ore pio innocuoque posco.
- 9 O iuste Iudex, cordis in intimo
Quem nil recessu præterit abditum,
Frange impios ausus malorum;
Fulci animos refoveque iustos.
- 10 Securus hostes nil metuo, Deo
Custode, quem simplex animi iuvat
- 11 Candor: pios servat, malisque
Exitium assidue minatur.
- 12 Si perstet hostis, jam gladium tenet,
Jam tendit arcum promptus, et arripit
- 13 Ferales telum, et igne sævo
Lethiferas acuit sagittas.
- 14 En, qui nefandum parturiit scelus,
Concepit ærumnam, pariet velut
Quæ vana per somnum inquietas
Ludificant simulacra mentes.
- 15 Fodit dolosam, ut me caperet, scrobem;
Incautus in fossam ipse suam ruit:
- 16 In verticem ipsius recurret
Pernicies, recidentque fraudes.
- 17 Ergo expeditus fraudibus et metu,
Rerum Parentis iustitiam canam,
Nomenque sanctum; gratiasque
Lætus agam, repetamque laudes.

PSAL. VIII.

- 1 GENTIS humanæ pater atque custos,
Quam sancta majestas tui
Nominis terras stupefecit omnes,
Sol quas recurrens adspicit!
Et super cœli radiantis orbis

Tua magnitudo se extulit.

- 2 Quam pia mundum tueare cura,
Lactentis ævi infantia
Prodit : ut linguas temere obstrepentum
Tibi refutes hostium ;
Hostium, quorum vomit os furorem
In te, sititque sanguinem.
- 3 Luce quum cœlos vitreâ serenos,
Pollentis opera dexteræ,
Cerno ; quum lunam, nitidasque stellas
Per te creatas conspicio ;
- 4 Quantulus (mecum tacitus revolvo)
Homo est, ut ejus sis memor !
Quantula humanæ est sobolis propago,
Dignere ut illam visere !
- 5 Hunc Deo æqualem prope reddidisti ;
Ornasti honore et gloria ;
- 6 Et tuæ dexteræ super univërſa
Opera creasti principem :
Cuncta vitalis quibus haustus auræ est,
Illi dedisti sub pedes.
- 7 Huic boves parent et oves, pecusque
Quodcunque campis pascitur ;
- 8 Quique pennarum celeri volatu
Metitur ales aëra ;
Quique pinnarum celeri natatu
Piscis pererrat æquora.
- 9 Gentis humanæ pater atque custos,
Quam sancta majestas tui
Nominis terras stupefecit omnes,
Sol quas recurrens adspicit !

PSAL. IX.

- 1 **R**ERUM certa salus, te cano : gratias
Exsolvo meritis ex animo tibi ;

Et miranda futuris

Pandam facta nepotibus.

- 2 Tutus præsidio nil metuum tuo :
Lætus læta canam sed tibi carmina ;

Te laudabo supremi

Æternum ætheris arbitrum.

- 3 Spes hostis temere elatus in improbas,
Conversus trepida tergâ dedit fugâ,

Et virtute potentis

Dexteræ pectus abiit tuæ.

- 4 Tu vindex cupidos exitii mei
Perdis ; tu trepido præsidium es reo ;

Tu litem mihi iudex

Ex alto dirimis throno :

- 5 Tu gentis validò robore barbaræ
Compescis furias ; destruis impios,

Ut nec nomina seris

Narret fama nepotibus.

- 6 En, hostis tumidæ quo recidunt minæ !
En, qui sterpit humi funditus oppida,

Et prostrata perennis

Condit nube silentii !

- 7 At rerum Dominus perpetuus thronum
Fixit perpetuum justitiæ sibi ;

Orbem ut legibus æquis,

Ut juste populos regat.

- 9 Quum vis incubuit foeta superbia
Infreni, miseris præsidium pates ;

Tuti pandis asyli

Arcem rebus in asperis.

- 10 In te uno meritò spem solidam locant,
Qui novère tuum nomen, et ultimo

Ut discrimine amicos

Nunquam destituas tuos.

- 11 Ergo arcis merita laude Sioniz

Custodem Dominum pangite ; consili
Decreta ardua gentes
Late ferte per exteras.

- 12 Vindex innocui sanguinis expetit
Poenas ; vi tenues nec finit opprimi
Impuni ; applicat aurem
Clamantium querimoniis.
- 13 Afflictas bonus O res propius meas
Contemplare, odiis quem petit improbis,
Vis hostilis ; et atræ
Mortis faucibus eripe :

- 14 Ut, qua mole Sion crescit in æthera
Late conspicua, laudibus efferam
Te, lætusque salutem
Acceptam referam tibi.

- 15 Demersit merito fraus sua perfidas
Gentes exitio : quæis alios plagis
Irretire parabant,
Hædere impliciti pedes.

- 16 O miranda Dei judicis æquitas !
Fraudis fraude sua prenditur artifex.
O res pectoris altis
Condenda in penetralibus !

- 17 Sic est ; interitu devorat impios
Improvisa dies ; immemores Dei
Gentes mors inopina
Æternis tenebris premit.

- 18 At confusa Deo nuda modestia
Æternum Domini non animo exeidet,
Nec læto miserorum
Spes frustrabitur exitu.

- 19 Rerum surge Parens, neu sine ut impotens
Adversus tenues crescat homunculus ;
Et juris preme frenis
Gentes, arbiter, impias.

- 20 Circumfiste tuæ mole potentiaë,
Terroremque feris mentibusingere :
Agnoscat male firmam
Sortem gens hominum suam.

PSAL. X.

- 1 **Q**UONAM usque, custos gentis humanæ, tuos
In rebus arctis negliges ?
2 Quonam aberis usque, dum pios tyrannide
Premit arroganter impius ?
O si scelestum vergat in caput scelus,
Suisque pereat artibus !
3 Dum mentis explet per nefas libidinem,
Sic gloriatur impius ;
Sic gaudet in se, sempiternum ceu decus
Rectis pararit artibus.
4 Æqui atque iniqui negligit discrimina
Infrenis arrogantia,
Suæque plaudit suaviter prudentiaë,
Nullum esse quod putet Deum.
5 Felicitatis somnio indulget suæ,
Quod cuncta cedant prosperè ;
Nec te futurum cogitat vel iudicem,
Vel perpetrati vindicem.
6 Hostes minoris æstimat nihilo suos,
Sic ipse secum computans,
Incommodi expers ad senectam usque ultimam
Securus ævum transigam ;
Non cura lætis ulla sese gaudiis,
Non ægritudo interferet.
7 Os execranda despuit convicia,
Spumatque probris et dolis ;
Bonis labores continenter pestilens
Lingua et dolores parturit.
8 Circa viarum compita insidias locat,

- Ut innocentem clam involet ;
Intentus oculis intuetur acribus
In transeuntes pauperes.
- 9 Qualis cruentus subter alta delitet
Spelæa conditus leo ;
Sic, e latebris, corde trepido palpitans,
Infirmioribus imminet ;
Et occupatos multinodis nexibus
Nassæ involutos attrahit,
- 10 Malisque subigit ; et tenebris occulit
Crudelitatem callidus :
Ah, strage quanta transeuntes perculit,
Grassatus istis artibus !
- 11 Sic deinde secum colligit male credulus,
Hæc prorsus ignorat Deus ;
Avertit ora rebus humanis sua,
Fandi et nefandi, negligens.
- 12 Exsurge, Domine, tolle in altum dexteram,
Librata fige vulnera ;
Ope destitutos ne pios silentio
Oblivioso defere.
- 13 Tene impiorum pervicax vefania
Sic audeat contemnere,
Secreta secum corde tacito ut murmuret,
Humana non curat Deus ?
- 14 Cernis profecto cuncta, cernis ; et tuam
Scelestinus in manum cadet ;
Ut te labores et dolores pauperum
Non præterire intelligat :
Tibi relictus est inops atque innocens ;
Tu tutor orbos protegis,
- 15 Tu frange vires impii, violentiam
Tu mentis improbæ doma ;
A stirpe cæsa donec impietas simul
Eliminetur et impius.

- 16 Tum firma Dominus seculorum in secula
Sceptra obtinebis imperi,
Gentesque terræ finibus procul tuæ
Exterminabis impias.
- 17 Hæc vota duris obruti laboribus,
Has supplices fundunt preces;
Animosque stimulis incitati talibus,
Te lacrymantes postulant;
- 18 Pupillum et inopem ut vindices potentium
Ab impotenti audacia;
Homo ut feroces spiritus ponat, suæ
Infirmitatis conscius.

PSAL. XI.

- 1 Q UUM spe salutis non dubiâ fruar,
Deoque fidam, vos mihi dicitis,
Faceſſe rupes in remotas,
Antevolans pavidas volucres.
- 2 Intendit arcum, en aspicias, impius,
Nervo sagittas admovet, ut petat
Incogitantes e latebris
Innocuos animique rectos.
- 3 At tu potenti, Rex bone, dexterâ
Domas rebelles, et facis irrita
Decreta vefani furoris
Contra humiles, male nil merentes.
- 4 Æterna cœli templa colens Deus,
Et lucido aſtrorum in folio ſedens,
Humana per terras acutis
Facta oculis ſpeculatur omnes.
- 5 Non juſtus illum, non latet impius
Cuncta intuentem; ſed ſtudio ad neſas
Pronos maligno juſtus orbis
Ex animo moderator odit.
- 6 Super ſceleſtos retia depluet;

Ignes remisso sulphure flammeos
 Ad impios eliminandos
 Fulmineæ rapiunt procellæ.

- 7 Justosque justus justitiæ parens
 Amore sancto amplectitur unice,
 Et fraudis ignaram ante vultus
 Assidue vidit æquitatem.

PSAL. XII.

- 1 **A**FFER opem, servator, opem fer; pulsa recessit
 Intemerata fides:
- 2 Nuda fides hominum fugit commercia; vana
 Cum socio loquitur
 Quisque suo, blandâ exercens mendacia linguâ,
 Corde scelus meditans.
- 3 Ora Deus fraudum dulci medicata veneno
 Conterat, et penitus
 Grandiloquam ex ima linguam radice revellat;
- 4 Quique pudore carent,
 Dicere nec metuunt, Falsa ad perjuriam linguas
 Fortiter intrepidi
 Assuescamus, et os, age, confirmemus ad omne
 Flagitium: neque enim
 Oris fræna mei, linguæve repagula quenquam
 Me nisi habere puto.
- 5 At Dominus planctus miserorum, et dura seren-
 Aure trahens gemitus, [tûm
 Surgam, ait, atque inopem tutâ ut respiret in arce,
 Infidiisque procul, [fideli
- 6 Secutum statuam. Hæc Dominus: quod ab ore
 Cunque fluit Domini
 Auro purius est, auro quod fusile fecit
 Septima flamma coquens,
 Dum sæx in fumos exploratore camino
 Crassa abit et cineres.

- 7 Polliciti memor ergo malæ mala toxica linguæ,
 Sancte parens, inhiibe ;
 Pestiferâ de gente hominum nos, optime custos,
 Affere perpetuò.
- 8 Nam late impietas grassatur libera, passim
 Omnia plena malis,
 Quum penes injustos jus est, et iussa malorum
 Sunt metuenda bonis.

PSAL. XIII.

1. **Q**UOUSQUE, rector unice,
 Me destitutum negliges ?
 An sempiternâ me obrutum
 Oblivione deferes ?
 Quousque vultum amabilem
 Iratus abicondes mihi ?
- 2 Quousque curæ turbidæ
 Mentis quietem distrahent ?
 Quousque cor cruciabitur
 Mœroris æstu fluctuans ?
 Quousque, me prostrato, aget
 Hostis triumphos insolens ?
- 3 Regnator orbis, adspice ;
 Opem fer, et lucem tuam
 Infunde : ne mors lumina
 Somno perenni sopiat :
- 4 Ne jactet hostis arrogans
 Me viribus fractum suis ;
 Ne me perosi perfidi
 Meo dolore gaudeant.
- 5 Tu me salutis recreas.
- 6 Spe, largus auxili : tuum,
 Salute partâ, laudibus,
 Rex magne, nomen efferam.

PSAL. XIV.

- 1 **S**ECUM infania callide,
Indulgens vitiis, sic loquitur; Deum
Formido sibi credula
Commenta est hominum, quum temerario
Casu fors ferat omnia.
Ergo flagitiis se penitus dedit.
Secura impietas Dei;
Nec quisquam ex animo recta sequi studet.
- 2 De templo æthereo Deus
Ad curas hominum lumina verterat,
Si quis non stolide improbus
Ad cultum revocet pectora nūminis:
- 3 Omnes in scelera omnia
Conjurasse putes; fœda, nefaria,
Detestandaque perpetrant;
Nec cuiquam est studium recta capeffere.
- 4 Nam qui recta capefferent,
Quem sanis aditum consiliis darent,
Quorum nequitia et scelus
Infecere animos? qui populum meum,
Ceum prædam fera, devorant;
Nec rerum Dominum mente colunt Deum.
- 5 Ast illos gelido metu
Horror concutiet, justitiæ Deus
Quum patronus opem feret
- 6 Infonti: increpitans talibus impios;
Vobis ludibrio fuit
Infontum pietas: vos inopum pium
Risistis studium, preces,
Spes lentas, trepidas sollicitudines:
At, cui fidit inops, Deus
Spes et vota bonos duceat ad exitus.
- 7 O si mittat opem suis
Speratam Deus e rupe Sioniâ:

Nam quum vincula ruperit,
 Exsolvetque suos, pectore libero
 Gaudebunt Abrahamidæ,
 Et iustâ Ifacidæ lætitiâ frement.

PSAL. XV.

- 1 **S**ANCTÆ Sionis templa quis incolet,
 Rex magne, tecum? quem statues tuum
 Sanctum super montem, ut malorum
 Liber agat placidam quietem?
- 2 Quem fraudis expers simplicitas juvat,
 Urgetque rectum propositi tenax;
 Nec mente sævus grata blandam
 Edocuit simulare linguam;
- 3 Nec ore mendax exitiabilis
 Concinnat artes, nec mala proximis
 Excogitat, nec dulcē amicum
 Opprobriis maculat pudendis.
- 4 Qui fastuosum despicit impium,
 Dei timentem suspicit et pium;
 Tenaxque promissi, fidemque
 Indocilis temerare pactam;
- 5 Qui non egenos scœnore perdidit,
 Non innocentes munere prodidit:
 In monte sancto, hæc qui peregit,
 Perpetuâ requiē fruetur.

PSAL. XVI.

- 1 **O**RERUM, fator, et salus
 Humani generis certa, periculis,
 Qui te respicit unum, famulum instantibus eripe.
- 2 Te servus Dominum libens
 Agnosco, et populis prædico: sed tibi
 Omni ex parte beato officiis nil opus est meis,
- 3 Ergo illuc animum appuli,

Ut gentem studio prosequerer pio,
 Quam tu ex omnibus unam populis forte receperas.

4 Ast filii immemores tui

Defecere : novos quisque sibi deos
 Effinxere, colentes animi ludicra somnia.

Horum sanguineas dapes

Non libabo, epulas respuo ; nomina

Testis nunquam adhibebo, aut fidei foedera san-

5 At fortis populum meae [ciens.

Defendet Domini perpetuus favor,
 Mercedemque laborum cumulatam dabit affatim.

6 O pulchra agricolatio !

O præclara mei fors patrimonii ! [tas !

Ut florum undique ridens animum pascit amœni-

7 Immortalis honor Deo

Æterno, monitu cujus ago dies,

Arcanisque per umbram stimulos pectora motibus.

8 Quicquid melior, aut gero,

Præsentem Dominum conspicio : is mihi

Semper dexter adhæret, stabili ne movear gradu.

9 Pulsat pectora gaudio

Cor læto trepidum ; lingua tuas avet

Laudes promere ; corpus tacite spes bona recreat.

10 Nam nec degere tartari

Permites animam sub tenebris meam,

Aut ut putre cadaver resolutum in cineres fluat.

11 Tu vitæ referas viam ;

De vultu fluvii lætitiæ tuo

Manant ; tu tribuis manificæ gaudia dextræ.

PSAL. XVII.

1 Æquus exaudi, bone rector orbis,

Æqua poscentem : tibi quas profundit

Lingua non mendax, cape non iniqua

Aure querelas.

2 Ad tuum læsus fugio tribunal,
Et fidem appello; mihi cognitorem
Te peto; oppressos oculis benignis
Adspice justos.

3 Sæpe per solas tacitæ tenebras
Noctis arcanos mihi cogitatus
Cautus inspexti, trepidoque corda
Turbida motu.
Sæpe, ceu flammis, animum probasti
Casibus duris, neque comperisti
Conscium fraudis scelerumque, fonti
Sæva minantem.

4 Os fuit concors animo, sonusque
Sensui: legum monitis tuarum
Pectus innixum scelera impiosque
Horruit ausus.

5 Hac viâ gressus rege per tuarum
Orbitam legum, dubio vacillent
Ne pedes lapsu, instabilesque turbent
Lubrica plantas.

6 Te voco, duris ad opem periclis
Sæpe tentatam fugio, precantis
Admove attentam miseris benignus
Questibus aurem.

7 Tu bonus fulci tibi quæ salutem
Spemque committunt: tibi contumacis
Spiritus cordis tetricus refrena
Vindice dextrâ.

8 Me velut pupillam oculi tenellam
Providus munf; procul impiorum
Impetu, alarum trepidum tuarum
Conde sub umbrâ.

9 Nam meæ vitæ manus impiorum

10 Imminet: vallant opibus, superbis
Intonant linguis, mala dira sævâ

Voce minantur.

11 Obsident cunctos aditus viarum ;
Commoda observant loca, destinantque
Ad meam cædem, facinusque patrant
Mentibus absens :

12 Qualis in prædam leo fertur irâ
Fervidus, qualis catulus leonis
Lacte depulsus speculatur alto
Abditus antro.

13 Surge, conatus, pater, anteverte
Impios, stratoque in humum tyranno,
Me tuo, quo nunc furit ille sævus,
Eripe ferro.

14 Neu sine ut me vi premat impotentium
Divitum fastus ; quibus una cura est,
Dum licet, blandæ illecebras caducas
Carpere vitæ.

His opes terris penitus refoffis
De penu fundis locuplete, ventri
Sufficis fruges, hilarasque multâ
Prole penates.

15 Puritas vitæ mihi te tueri
Corporis vinclis tribuet soluto :
Illa lux verè faciet me ab omni
Parte beatum :

Lux voluptatum cumulata cunctis
Gaudiis, quum se sine nube menti
Pura majestas dabit intuendam
Lumine puro.

PSAL. XVIII.

1 **T**e, Deus alme, colam ; te toto pectore amabo,
2 Sancte parens ; mea vis, mea sola potentia,
Præsidium, spes, et rebus solamen in arctis. [turris,
Tu clypeus, tu tela mihi, tu certa salutis

Anchora, tu statio tuti placidissima portus.

3 Nam simulatque tuas in laudes ora resolvō,
Te venerans, pacemque petens, inimica faceffunt
Arma; falas, placidisque comes pax advolat alis.

4 Jam me lethiferis mors circumvolverat atra
Cassibus, obfessum jam me torrentibus orcus

5 Impediebat aquis; stygia jam compede vinctus
Hærebam, laqueoque pedem retinente trahebar.

6 Hic ego deprensus, supplexque humilisque vocavi
Voce Deum, et dubiis clamavi ad sidera rebus.

Ille super folio residens flammantis olympi
Audiit orantem: postquam pervenit in altum
Clamor, et attentas advertit questibus aures;

7 Protinus e vultu Domini conterrita tellus
Intremuit, montesque cavâ compage solutâ
Nutârunt, penitusque imis fremuere cavernis

8 Fumeus afflatu de naribus æstus anhelō
Undabat; rapidæ contorto vertice flammæ
Ore fluunt, vivâque animant attacta favillâ.

9 Utque suum Dominum terræ demittat in orbem,
Leniter inclinat jussu fastigia cœlum;
Succedunt pedibus fuscæ caliginis umbræ.

10 Ille vehens curru volucris, cui flammæus ales
Lora tenens levibus ventorum adremigat alis;

11 Se circum furvo nebularum involvit amictu,
Prætenditque cavis piceas in nubibus undas.

12 Acribus ex oculis vibratæ spicula flammæ
Discutiunt tristes claro fulgore tenebras.
Inde ruit crepitans lapidosæ grandinis imber,
Discurfantque vagæ sinuosa volumina flammæ.

13 At vero ut sancto sermone silentia rupit,
Protinus horrifico tonitru cœlum omne remugit,
Grandinis et crebrâ tellus crepitante procellâ
Pulsa sonat, ruptisque micant e nubibus ignes;

14 Flammiferæque volant magnum per inane sagittæ,

- 15 Fulguraque ingeminant : laticum concussa lacunas
Pandit hians tellus, et fontibus ora relaxat ;
Succutiturque pavens, et fundamenta revelat,
Et referat chaos. Æterni sic vox tonat oris !
Sic formidandæ gravè spiritus infremit iræ !
- 16 Ille salutiferam porrexit ab æthere dextram,
Et me de rapidis pereuntem sustulit undis :
17 Hostibus eripuit validis, et acerba potentum
18 In me odia illudit : quum me studiosa nocendi
Temporibus duris cæcâ fraus arte petebat,
19 Auxilium tulit, et rebus patefecit in arctis
Latum iter, electumque a morte reduxit amicum.
- 20 Scilicet immunem sceleris mentemque manumque
Adspexit Deus, et merito dignatus honore est.
21 Quippe nec impietas, nec pravi credulus error
Avertère meos recto de tramite gressus.
- 22 Ante oculos mihi lex Domini, mihi iussa verenda
23 Semper erant animo præsentia ; simplice vero
Gaudebam, fraudisque illo sub teste voluntas
Libera, flagitium, et scelerum vitaverat artes.
- 24 Ergo mihi integræ fructum hunc decerpere vitæ
Munificus dedit ; et, qui conspicit omnia, justus
Arbiter innocuam cumulavit munere vitam.
- 25 Quisque suis sibi te conformat moribus : erga
Innocuum innocuus ; te sentit amicus amicum ;
26 Inque bonos bonus es ; malè cautas cautior artes
27 Artibus eludis : duro in discrimine servas
Res humilis populi afflictas, oculique superbos
28 Dejicis elati fastus. Tu plebis ab imæ
Cœtibus ereptum celebri me in luce reponis ;
Illustrasque meas claro splendore tenebras.
- 29 Te duce perrumpo florentes ære phalanges,
Altaque turrigeri supero fastigia muri.
- 30 Scilicet, ut, sanctus Deus est, sua signa secutis
Sancta salutiferæ pandit compendia vitæ.

Illius æterno quicumque effluxit ab ore
Sermo repurgato flammis sincerior auro est :
Ille suo clypeo fidâ spe pectora fulta
Protegit, adversisque vetat succumbere rebus.

- 31 Dicite, qui colitis picti ludibria trunci,
Aut ebur in varias aut saxa excisa figuras ;
Ecquis in æthereo rerum moderatur olympo
Fræna alius Dominus ? quis terræ temperat orbem
Alter, et invictâ quæ vult facit omnia dextrâ ?
- 32 Ille Deus vivâ mihi vi corroborat artus,
Ostenditque viam maculosâ labe carentem.
- 33 Me pedibus fecit celeri contendere ceruo,
Et procul a sævis subduxit in alta periclis ;
- 34 Et tractare manu duro in discrimine belli
Arma dedit facili, solidoque ex ære rigentem
Flectere, et inflexum confringere viribus arcum.
- 35 Ille salutiferi totum munimine scuti
Me tegit, et dextrâ nutantem fulcit et auget
- 36 Largus opis ; perque insidiis obseffa viarum
Pandit iter tutum, prohibetque per invia plantas
- 37 Offenso titubare gradu. Te persequor hostes
Auspice, disiectos comprehendo ; nec ante revertor
Quam cecidere animi fractâ virtute minaces,
- 38 Affusique cadant pedibus, ne surgere possint
Rursus, et antiquas armis reparare ruinas.
- 39 Tu mihi diffundis vivum per membra vigorem,
Et validos crudo distendis robore nervos ;
Tu bellare doces ; tu me quicumque laceffit
- 40 Sternis humi ; trepidosque fugâ mihi disjicis hostes :
- 41 Clamantes nemo exaudit. Dominum prece poscunt
Auxilium ; averfam negat implorantibus aurem.
- 42 Hos ego, ceu versat boreæ violentia nubem
Pulveream, impello, et turbatis fervidus insto ;
Et pedibus premo, ceu cænium deforme lutosâ
- 43 Conteritur triviis. Tu me, sine nomine plebis

- Contemptu ereptum, populos frenare superbos
 44 Imperio facis; et famulas mihi tendere dextras
 Per longinqua jubes ignotas oppida gentes,
 Attonitas famæ novitate, et nomine tantum
 45 Audito: et blandis verba assentantia linguis
 Fingunt, nec tutis satis audent credere muris. [tum
 46 Laus, honor, imperium Domino, qui robore cinctus
 Me tegit, incolumemque rapit de morte propinquâ:
 47 Qui mihi perfidiam sceleratam ultricibus armis
 Frangere dat, populosque facit parere volentes;
 Securumque vetat belli trepidare tumultus:
 48 Qui mihi præsidio est, populi quum sæva rebellis
 Ira furit, mentisque malæ scelerata retundit
 49 Confilia. Ergo feram latè tua facta per urbes
 Finitimas; semperque meo celebrabere cantu,
 50 Sancte parens; regem qui dura per omnia tutum
 Esse jubes, cumulasque opibus; plenoque favore
 Ipsum, et perpetuum sobolem amplecteris in ævum.

PSAL. XIX.

- 1 **I**NSANIENTIS gens sapientiæ
 Addicta mentem erroribus impiis,
 Tot luce flammarum coruscum
 Cerne oculis animoque cælum;
 Hinc difce, prudens quam fuit artifex
 Qui templa olympi fornice flammeo
 Suspendit, et terræ capacem
 Et pelagi sinuavit arcum.
 2 Dies tenebras, et tenebræ diem
 Semper prementes perpetuâ vice,
 Non fortuito res caducas
 Ire monent per inane lapsu:
 Sed tota concors fabrica personat
 Dei tuentis cuncta potentiam,
 3 Non voce quæ paucorum ad aures

- Perveniat strepitu maligno ;
4 Nam nec remotis barbara finibus
Gens ulla terras incolit ultimas,
Quæ nesciat certâ meantis
Lege poli stabilem tenorem.
Quis nocte clarâ lumine flammeo
Semper micantes non stupeat globos ?
5 Aut manè castris prodeuntem
Quum rutilo vidit axe solem ?
Sive ille Eöis fluctibus exserit
Vultus decoros, sponfus uti novus
Auro refulgens, gemmeâque
Tempora conspicuus coronâ :
Seu quum fugacem præcipitans diem
Curru citato tempora dividit,
Artusque viresque impetumque
Centimano similis giganti.
6 Abusque Eöo cardine ad ultimam
Metam occidentis sidera permeans
Obliqua, vitali calore
Cuncta creatque fovetque alitque.
7 Sed ordo rerum et conspicuus decor
Non sic tuentûm lumina detinent,
Divina ut arcanis habenis
Lex animos ad honesta flectit.
Promissa fraudis nescia lubricæ
Splendore veri pectora roborant.
8 Hac plectitur culpa æquitate, ut
Pœna juvet, recreetque damnum.
Puro recludunt lumine lumina
9 Præcepta : puro religio nitet
Verenda cultu, quam nec annis
Cuncta domans minuit vetustas.
10 Decreta fas et conscia veritas
Astans tabellis servat alienæis,

Jucundiora melle, et auro
Et nitidis potiora gemmis.

- 11 Signata claustris pectoris intimi
Servus tuetur jugiter hæc tuus;
Non infcius custodientem
Quam maneat numerosa merces.
- 12 Errata mentis quis meminit vagæ?
Quæ deprehendet vis sapientiæ?
Ergo repurga quas refudit
Clam maculas finibus error:
- 13 Fac regna cordis ne sibi vindicet
Vis impotentis dira superbiæ;
Sic me malorum e maximorum
Compedibus facile explicabis.
- 14 Quæ lingua fundit verba, quod in sinu
Secum volutat mens tacito, accipe
Placatus, O nostræ salutis
Arx, Dominus, Deus et Redemptor.

PSAL. XX.

- 1 CUNCTA licet ferro latè populetur et igni
Infana gentis barbaræ crudelitas,
Tu ne cede malis, sed contra audentior ito;
Moderator orbis audiet preces tuas:
Utque bonus dubiis Jacobum ad sidera rebus
Cum voce palmas proferentem exaudiit;
- 2 Anquet oranti, et te majestate verendi
Nominis ab hoste sospitem tuebitur:
Ex adyto sacro arcanis tibi viribus artus
Firmabit, animum de Sione fulciet:
- 3 Vota secundabit, memori tua munera mente
Servabit: omnis perlitabit victima;
Protinus in cineres depasta holocausta resolvet
In astra volvens flamma lucem splendidam.
- 4 Ille aderit cœptis, casusque in prospera vertet,

Eventa finget omnia ex sententia.

- 5 Jam tibi plaudemus reduci, auctoremque salutis
Patrium canemus patrio ritu Deum : ' [bunt,
Cuncta Deo grates fora, compita, templa sona-
Nomenque sanctam prosequentur laudibus :
Annuet ille pio quæcunque rogabitur ore,
Lætumque precibus exitum iustis dabit.
- 6 Quin (scio, nec fallax animum mihi decipit omen)
Regem reducet sospitem Dominus suum ;
Mittet opem, sancti referans sacraria cœli,
Et præpotenti proteget te dexterâ.
- 7 Gloria sit Syriæ, turmas numerare curules,
Axesque curvis asperare falcibus ;
Fidat equis, lateque vagis discursset habenis,
Sonante Perles arva findens ungulâ :
Hi currus et equos jactent ; nos rebus in arctis
Dei potentis nomen invocabimus.
- 8 Illis nec currus, nec vis præstabit equorum,
Ne scindat uncis vultur artus unguibus :
Nos humiles favor æthereus penitusque jacentes
Tollet, suoque sustinebit numine.
- 9 Tu servator, opem fer ; tu si respicis, arma
Nec socia cupimus, nec timemus hostica.
Respiciet, populique sui Rex optimus, omni
Vocatus horâ, facilis audiet preces.

PSAL. XXI.

- 1 Q uod hoste victo rex triumphat gaudio,
Curis solutus anxiiis,
Tibi id. fatetur, Rex beate cœlitum,
Debere : tu laboribus
Vires ferendis, tu dedisti e prælio
Redire duro sospitem.
- 2 Nullam repulsam, vocæ quum te supplices
Rogaret, unquam adhuc tulit :

- Nil in latebris pectoris reconditis
Spe concupivit irritâ.
3 Et vota supra, et ante vota, hunc omnibus
Vitæ beâsti commodis ;
Gemmis coronam ferre et auro splendidam
Sacro dedisti vertici.
4 Vitam poposcit ; mortis illi est addita
Immunis immortalitas.
5 Tu claritatis auctor illi es, inclytâ
Per te refulget gloriâ.
6 Felicitatis ei favor dedit tuus
Exemplar ut sit posteris ;
Mensura voti ut matribus sit, quum bene
Blandis precantur liberis.
7 Tu nempe spes et anchora es fiducia ;
Tu portus in rebus malis :
Te fretus uno, firmus omnem perferet
Sortis procellam turbidâ.
8 Tu perduelles comprehendes, tu manu
Pœnas reposces vindice.
9 Ceu flamma clausis æstuans fornacibus
Antiqua silvæ brachia
Vorat ; furoris sic tui nefarios
Afflatus hostes hauriet.
10 A stirpe totam demetes propaginem
Semenque gentis impiæ.
11 Te namque contra moliuntur abditam
Fraudem scelusque perfidi ;
Et mente pravâ vota versant irrita,
Et spes inanes concoquunt.
12 Te persequente, pallidi in fugam ruent,
Inhonestâ tergo vulnera
Ferent ; in ora, fata dum vitant fugâ,
Rursus sagittas diriges.
13 O qui potenti fræna rerum dexterâ

• Versas perennis arbiter,
 Exsurge, vires fac tuas ut hostium
 Agnoscat insolentia :
 Tum te piorum turba festis cantibus
 Orbis parentem concinet,
 Votis tuorum supplicum placabilem,
 Malisque formidabilem.

PSAL. XXII.

- 1 CUR me relinquis, O Deus? Deus meus,
 Cur me relinquis? irrita
- 2 Heu verba fundo : luce seu terras dies
 Retegit, vocantem me dies
 Frustra intuetur ; sive nox silentibus
 Terram tenebris obruit,
 Nox me vocantem nulla non audit, meo
 Nox nulla questu non sonat.
- 3 Tu sanctus ille civitatis incolae es
 Sanctæ ; Isaci nepotibus
- 4 Tu carmen es ; tu fida spes majoribus
 Nostri : salutem qui suam
 Tibi credidere, a te salutis compotes
- 5 Abiere ; salvi gratias
 Egere, duris qui tuam in malis opem
 Petiere ; qui tuam in fidem
 Se dedidere, non tulere dedecus,
 Non hostium ludibria.
- 6 At vermis ego sum, non homo ; sum fabula
 Vulgi, infimorum opprobrium :
- 7 Nam turba nostris obvia illudit malis,
 Nutatque, nictatque, et caput
 Motat, labella exporrigit ; ludibria
 Verbis acerbat asperis,
- 8 En ille Domino carus, en fiducia
 Securus ille numinis :

- Nunc fervet illum, nunc periculis eruat,
Quem tanto amore amplectitur.
- 9 O Domine, tu me protinus suscepas
Alvo parentis editum ;
De te pependi spe, parentis pendulus
Infans adhuc ad ubera.
- 10 Abusque partu tu Deus meus ; tuus
Ex matris alvo me favor
- 11 Est prosequutus : ultimo in discrimine
Jam ne recede longius ;
Discrimen instat ultimum, mortis metu
Cessere amici territi.
- 12 Tauri efferati, tauri obesi me undique
13 Circumdedere ; faucibus
Hiant, leonum more rugientium,
Quos incitat spes et fames.
- 14 Rivi cruoris corpus omne perluunt
Exsanguē ; laxat artuum
Compago nexus ; pectus intra liquitur,
Ut sole eera, cor metu.
- 15 Exaruerē testæ adinstar coctilis
Defecta membra viribus ;
Rigens adhæsit lingua siccis faucibus ;
Jam sto sepulchri ad aggerem.
- 16 Me rabidi ab omni parte latratu canes
Urgent, petuntque dentibus :
Mihi pessimorum sæva conspiratio
Manusque fodit et pedes ;
- 17 Et ossa numerant, ossa tralucentia
Per corporis tensi cutem.
Tormenta postquam euncta consumsit furor,
Animus adhuc irâ tumens
Se pascit, oculos fatiat, et fruitur meis
Læto in malis spectaculo.
- 18 Partiti amictus sunt meos, tunica mee

Fectere fortes arbitras.

- 19 Tu, Domine, saltem ne recede, ne malis
In ultimis me desere :

Tu robur unus, tu mea es potentia ;
Accurre, festinus meæ

- Succurre vitæ, destitutum ab omnibus
20 Defende : sævorum hostium

Ferrum cruentum pelle ; vim rabidam canum

- 21 Inhibe ; leonum spumeos

Compesce rictus ; cornua unicornium
Confringe ; serva supplicem.

- 22 Tum morte victâ sospes auxilio tuo,
Narrabo fratribus tuum

Nomen ; piorum prædicabo cœtibus
Robur, fidem, constantiam.

- 23 O mente purâ qui Deum colitis, Deum
Laudate puris cantibus :

Semen Jacobi, magnitudinem Dei
Celebrate festis laudibus :

Erga fideles numinis clementiam
Agnosce, proles Isaci.

- 24 Non sprevit inopis ille solitudinem,
Non pauperum fastidio

Avertit ora ; me vocantem exaudiit,
Vitæque dulci reddidit.

- 25 Ergo per oras ultimas mundi tuas
Sonabo laudes ; gentibus

Te prædicabo ; vota te timentium
Præsente solvam ecclesiâ.

- 26 Edet modesta turba fraudis nescia
Vocata sacras ad dapes,

Epulisque functa, ac satura. dulei nectare,
Laudabit auctorem Deum ;

Deum sonabit, qui wigore flammeæ
In corda se quærentium

- Se tantus infert, mortis ut procul metu
Perennè viva gaudeant.
- 27 Ergo excitata tam novo spectaculo
Tellus ab oris ultimis,
Quacunque colitur, colla sub Domini jugum
Submittet; illi servient,
Præque Domino supplicabunt omnium
Omnes familiæ gentium.
- 28 Nam sempiterno jure Domino competit
Regnum triformis machinæ:
Ille universis imperabit gentibus.
- 29 Rerum potentes illius
Mensæ accubabunt, et sacri convivii
Dapibus referti sub jugum
Cedent volentes: flectet illi poplitem
Pauper sepulchri in limine,
Qui membra fessis artubus languentia
Fugiente vitâ vix trahit.
- 30 Illumque longâ posterî propagine
31 Colent; suisque posteris
Per longa deinceps nunciabunt secula
In me favorem numinis.
Hoc semen illi serviet, gens illius
In posterum hæc censebitur.

PSAL. XXIII.

- 1 Quid frustra rabidi me petitis canes?
Livor, propositum cur premis improbum?
Sicut pastor ovem, me Dominus regit;
Nil deerit penitus mihi.
- 2 Per campi viridis mitia pabula,
Quæ veris teneri pingit amœnitas,
Nunc pascor placidè; nunc saturum latus
Fessus molliter explico.
- 3 Puræ rivus aquæ leniter astrepens

Membris restituit robora languidis,
Et blando recreat fomite spiritus
Solis sub face torridâ.

Saltus quum peteret mens vaga devios,
Errorum teneras illecebras sequens,
Retraxit miserans denuo me bonus
Pastor justitiæ in viam.

4 Nec si per trepidas luctificâ manu
Intentet tenebras mors mihi vulnera,
Formidem duce te pergere ; me pedo
Securum facies tuo.

5 Tu mensas epulis accumulas, merum
Tu plenis pateris sufficis, et caput
Unguento exhilaras : conficit æmulos,
Dum spectant, dolor anxius.

6 Me nunquam bonitas destituet tua,
Profususque bonis perpetuò favor ;
Et non sollicitæ longa domi tuæ
Vitæ tempora transigam.

PSAL. XXIV.

- 1 **T**OTA quidem Domini terra est, et quicquid u-
Vel parca celat, vel benigna sufficit ; [bique
Quique colunt montesque feros, camposque fe-
Urbesque sanctis temperatas legibus. [races,
2 Ille super pelagus solidum connexuit orbem,
Stabilis ut undas inter instabiles foret,
Et toties rapidis pulsatus fluctibus, omnes
Compage firmâ sustineret impetus.
3 Cuncta igitur Domini meritò sunt ; sed tamen
Sedem sibi ille dedicavit propriam. [unam
Ecquis eo scandet ? cuive hæc permissa potestas,
Loco ut beatum sistat in sancto gradum ?
4 Cui manus et mens est insons, nec vana volutat
Animo, nec ulli damna perjurus dedit.

- 5 Huic Dominus donabit opes ; hunc numine dex-
 A vi procacique eruet calumniâ. [tro
- 6 Hæc vera est pietas, hac itur ad æthera, veri
 Sic intueri numinis vultum licet.
- 7 Eia aditus referate, fores age pandite, portæ,
 Portæ perennes sempiternæ regię ;
 Claustra revellite, limina pandite, magnus ut in-
 Rex ille, multâ clarus ille gloriâ. [tret
- 8 Quis novus hic sanctis succedit sedibus hospes ?
 Quis iste multâ est inclytus Rex gloriâ ?
 Ille potens latè Dominus dextrâque opibusque,
 Belloque multâ nobilis victoriâ.
- 9 Eia aditus referate, fores age pandite, portæ,
 Portæ perennes sempiternæ regię ;
 Claustra revellite, limina pandite, magnus ut in-
 Rex ille, multâ clarus ille gloriâ. [tret
- 10 Quis novus hic sanctis succedit sedibus hospes ?
 Quis iste multâ est inclytus Rex gloriâ ?
 Ille potens armis numerofoque agmine ductor,
 Hic ille multâ est inclytus Rex gloriâ.

PSAL. XXV.

- 1 Hic fidat armis, plebe se clientium
 Defendat alter, militumque copiis :
 A te, Creator orbis, uno spes mea
 Pendet, malisque in rebus unum respicit.
- 2 Tu, sancte genitor, effice insolentibus
 Ne spes inanes risui sint hostibus.
- 3 Sic me pudore liberabis ; nec rubor
 Confundet ora cæteris, in te suæ
 Qui collocârunt anchoram fiduciæ.
 Frustrêtur illos spes, et irritæ spei
 Pudor dolorque torqueat, qui sordium
 Amore sese sordibus contaminant,
 Bonosque nullâ provocati injuriâ

- 4 Vexare gaudent. Mihi per anfractus vagos
Vitæ, salebras inter et tenebras, iter
- 5 Ostende rectum ; et erutum sequacibus
Erroris undis, prævio lucis tuæ
Splendore, deduc veritatis in viam :
Te nempe ab uno pendeo spe, te Deum
Unum et salutis columen agnosco meæ.
- 6, 7 Si torta vitiis fortè morum regula
Deflexit, error si fefellit lubricus,
Fracta illecebris si voluptatis malis
Incauta vitiis se juvena polluit ;
Benignitatis tu tuæ memor tamen,
Et lenitatis, (qui parentes mollibus
Frænans habenis, usque ab incunabulis
Orbis, paternâ es usus indulgentiâ)
Miserere ; nostris quod negares moribus,
Tuæ negare non potes clementiæ.
- 8 Nec denegabis, nec precantes bona bonus
Vacuos repelles ; nec viam poscentibus
Rectam aberis unquam recti et æqui regula,
- 9 Tu mitis animi amplecteris modestiam,
Docesque recti et improbi discrimina.
Tu dux comesque tuta per compendia
Ducis carentem fraude mansuetudinem.
- 10 Peccata bonus et facilis oblivisceris ;
Promissa solvis liberali dexterâ :
Minuitque pœnas mitis indulgentia,
Fidesque dictis stabilis erga omnes adest
Qui pacta sacri fœderis non negligunt.
- 11 Hanc ut nepotum secla. mansuetudinem
Noscant, tuique nominis se gloria
Late per omnes fundat orbis angulos,
Ignosce nostris mitis erratis parens,
Quæ multa inussit ægritudo, et impotens
Amor, regique contumax ira, et dolor,

Errorque veri non acutus arbiter.

- 12 O ter beatum, mente qui purâ Deum
Veneratur; illi, quaecunque amplectitur
Vitæ institutum, dux adest semper Deus,
Rectorque, et omnes actiones prosperat.
- 13 Securus animus anxio procul metu
Cunctis fructur affluenter copius;
Stirpisque series longa firmabit domum,
Genusque multâ floridum propagine
Opes paternas ad nepotes transferet.
- 14 Quin et piorum meatibus mysteria;
Contemta pravis, impiè sapientibus
Occulta, Dominus luce proferet suâ;
Et sacrosancti foederis scientiam,
(Quæ sola vitæ dux beatæ et regula est.)
- 15 Docebit. Ergo, Rex beate cœlitum,
Te mente solum quero, nusquam lumina
Abs te reflecto; tu pedes solus meos
Hostis dolosis crues e retibus.
- 16 O sancte custos hominum, amico lumine
In me intueri, et destitutum ab omnibus
Inopemque sanctâ me tuere dexterâ:
- 17 Curisque, mentem quæ perarant plurimæ,
Novisque semper differunt doloribus,
- 18 Exsolve: poenis usque et usque immanibus
Exercitato, et obruto laboribus,
Ignosce: culpas mitis obliviscere.
- 19 Heu quanta vis me factionis impiæ
Persequitur armis! quanta me crudelitas
Inexpiato querit odio perdere!
- 20 Tu me periculis libera: tu protege
Ejus salutem ab hostium ludibrio,
Omnem salutis qui locavit spem suæ
- 21 In te, nec aliis fidit opibus quam suæ
Integritatique et tuæ clementiæ.

- 22 Gens quæ tuarum jussa legum amplectitur,
Fac undequaque tuta sit te vindice.

PSAL. XXVI.

- 1 **M**E vi tyrannus persequitur palam,
Me clam malignâ fraude calumnia :
Te, qui latebras pectoris inspicis,
Appello; rerum conditor optime.
Mens fraudis experts, et manus innocens,
A vique pura et flagitio ; in Deo
Spes fixa, fortis qui violentiâ
Me sævientis non finet opprimi.
- 2 Renesque flammis et penetralia
Scrutare cordis, cæcæque sensuum
Arcana, fufum eeu calidis focis
Explorat aurum callidus artifex :
- 3 Mentem videbis munificentia
Quæ dona nunquam non meminit tuæ ;
Actæque leges puriter ad tuas
Vitæ carentem flexibus orbitam.
- 4 Procul faceffat, nec socium sibi
Me vana speret lingua : procul domo
Nostrâ recedat qui didicit suos
Fucare, sensus pectore subdolo.
- 5 Odi scelestum concilia, impios
Cæctus veneno pejus abominor ;
Quorum resultant pectora gaudio,
Quum perpetrârunt facta nefaria.
- 6 Sed mente pravi non sibi conscia,
Lotusque puris fontibus, ad tuas
Aras adibo, lætus et offeram
Lætæ choreæ dux tibi victimas.
- 7 Te nostra pangent tympana, te lyra ;
Te vox, canoro confona tympano
Lyraque, cœtuque in celebri tua

Miranda pandet facta nepotibus.

- 8 Tectumque, nomen quo canitur tuum,
Ædemque, numen qua colitur tuum,
Mens ardet : absentem retrahunt tuæ
Quæ templa celant pignora gloriæ.
- 9 Hæc ossa tellus ne sine ut obruat
Inter cruentos barbara barbaros ;
- 10 Qui fraudulentâ mente coquunt scelus,
Captant avarâ munera dexterâ.
- 11 Ego institutum carpere tramitem
Pergam innocenter : tu propius meis
Aurem benignus questibus admove,
Ac me periculis tristibus assere.
- 12 Per plana firmo quod gradior pede,
Quod recta sector, muneris est tui :
Ergo salutis te columen meæ
Cœtu in celebri laudibus efferam.

PSAL. XXVII.

- 1 **D**EUS in tenebris quum mihi præluceat,
Vitamque muniat meam,
Quæ vis aperta terreâ me ? quæ mihi
Fraus cæca sit formidini ?
- 2 Adversus unum quum scelestâ factio
Cunctas parâsset copias,
Dolosa letho quæ tetenderant meo
Ipsi incidere in retia.
- 3 Si comminentur castra, si minacibus
Infesta telis agmina,
Securus animi specto castra, prælia
Timore liber intuo.
- 4 Unum expetivi, et usque et usque id expetam,
Curis ut exemptus malis,
Sim sacrosanctæ semper ædis incola,
Augusta mirer atria,

Deoque laudes personem, artus dum regit
Vitalis auræ spiritus.

5 Tum me sub umbrâ conditum tentori
Celabit, et periculis

Procul remotum, rupis abruptæ velut
In arce positum, muniêt ;

6 Ac ne relictum nunc quidem impiæ finet
Vi factionis opprimi :

Victorque solvam vota, nec victoriæ
Auctor mihi tacere.

7 Audi invocantem supplicem, et fractum malis
Bonus favensque subleva :

8 Te mens anhelat, vultus ad vultum tuum
Intentus usque respicit :

9 Ne conde vultûs lumen a me amabilis,
Neu me in tenebris desere.

Servum per iram ne sine opprimi tuum ;
Vitamque, quam debet tibi,

Tuere ab hoste, et e periculis eripe,
O spes salutis unica.

10 Me cari amici, me propinqui, me pater,
Me blanda mater liquerat :

At non reliquit, qui pios in asperis
Non deferit rebus, Deus.

11 Parens benigne, me vias doce tuas,
Rectaque deduc semitâ :

Ne vis metusque ab hoste me deterritum
De calle recti detrahaat.

12 Ne me impiorum obnoxium libidini
Relinque. Testes impii

Fingunt malignè falsa de me crimina,
Armantque se mendaciis.

13 Mens victa tantis jam fatisceret malis,
Ni spes foveret me tuâ

Benignitatis, post labores anxios

Mox affuturum gaudium.

- 14 Vivusque vivos inter ipse commoda
Vitæ beatæ præstolor.

In rebus ergo turbidis ne concide,

Sed fortis usque sustine :

Te roborabit Dominus, et cor fulciet ;

Tu fortis usque sustine.

PSAL. XXVIII.

- 1 **P**RINCEPS stelliferis altior orbibus,
Vitæ præsidium et certa salus meæ,
Aurem suppliciis da facilem meis,
Ne fiam simili busta petentibus.

- 2 Audi vota, parens, quæ tibi profero
Supplex cum gemitu, brachia porrigens
Ad cælum tremulis pervigil ignibus,
Cælum templa tuæ conscia gloriæ.

- 3 Ne me connumera cœtibus impiis,
Neu tanquam socium plecte nocentibus ;
Quorum blanditiis illita mollibus
Lingua est, mens gelido livida toxico.

- 4 Illis nequitiae præmia sint suæ,
Et merces studiis æqua nefariis :
Pro semente legant semina, pessimis
Dignum consiliis supplicium luant.

- 5 Non his consilii provida vis tui,
(Qui me conspicuis tollis honoribus,)
Infectæve manus a scelere avocat,
Aut infecta odiis pectora mitigat.

Ergo nec series longa propaginis
Florebit, patrias nec soboles opes
Longæva accipiet ; sed celeri genus
Clades exitio proruēt ac domum.

- 6 Laus rerum Domino, qui precibus meis
7 Se non difficilem præbuit. Hinc meæ

Vires ; hic clypeus rebus in asperis :
Hinc spes, auxilium hinc non dubium in malis.

Hinc cor gestit ovans ; carminibus tuas

8 Laudes ora sonant, qui populum tuum
In rebus trepidis protegis, et tuum
Regem ex insidiis omnibus eripis.

9 Custodi populum, Rex hominum, tuum :
Hebri fac soboles largiter omnibus
Vitæ continuo fructibus affluat,
Donec perpetuum sol referet diem.

PSAL. XXIX.

1 SEU dives auro es, sive opibus potens,
Seu Marte partâ clarus adoreâ,
Agnosce numen gratus, et huc refer
Quæcunque lætum ducis ad exitum.

2 Huic pange laudes, et prece supplice
Rerum parentem concilia ; et Dei
Nutu regentis stelliferam domum
Dignare justis nomen honoribus.

3 Cujus liquentes vox gravidâ pluit
De nube rores, terrificos ciet
Cœlo tumultus cum tonitru, maris
Turbata ventis concitat æquora :

4 Vox dignitatis plena, nec irritæ
Unquam ad patrandum jussa potentæ ;

5 Nudare cedris seu Libanum juvat,
Celsasque ventis sternere fraxinos ;

6 Seu vincta faxis saxa revellere,
Notisque montes sedibus erutos
Versare, taurum ut verna per avia
Vexat juventæ læta protervitas.

7 Ad vocis ictum nubibus exsilit

8 Elifus ignis ; tesqua Arabum tremunt ;

9. Færæ pavescunt ; ante diem fluunt

Partus acerbi ; robora concidunt.

Quæcunque templis cælum habet aureo,

Quæcunque tellus dædalâ sustinet,

Quæ celat undis æquet in abditis,

Dei fatentur cuncta potentiam.

10 A voce vindex pontus inhortuit,

Undisque montes obruit, arbiter

Æterne rerum, quum libuit tibi

Delere gentes fluctibus impias.

11 Te dante vires, non opibus feros.

Horremus hostes, non numero graves :

Te dante pacem, progeniem Isaci

Cornu beabit divite copia.

PSAL. XXX.

1 **T**E nostra semper carmina, te lyra
Sonabit, orbis conditor optime :

De faucibus lethi imminentis

Incolomis tibi vota reddam.

Per te superbus nec lacrymis meis

Insultat hostis, nec fruitur malis :

2 Te rebus, incertus salutis,

Auxilium in dubiis poposci.

Per te receptis viribus haurio

Vitalis auræ lumen amabile :

3 Nec inferum sub nocte longâ

Et tenebris jaceo sepulchri.

4 O turba puris dedita ritibus

Sacrisque castis, tollite laudibus.

Placabilem votis parentem,

Et memori celebrate plectro.

5 Vanescit iræ vindicis impetus

Bullæ fugacis more : Dei favor

Bonis manu vitam benignâ

Tristitiæ vacuum rependit.

- Si fortè fero vespere fletibus
 Vultus rigamur, mox redit aureâ
 • Cum luce risusque, et jacentes
 Exhilarans animos voluptas.
- 6 Pacis beatæ cum fruerer bonis,
 Mecum loquebar, De stabili gradu
 Felicitatis nulla fortis
 Me dubiæ quatiet procella.
- 7 Te dante vires, divitias, decus,
 Te montis instar mœnibus æneis
 Firmante regnum, vanum alebat
 Credulitas mihi blanda fastum:
 Tu, me relicto stultitiæ meæ,
 Dextram retraxti; retro abiit, domum
 Repente turbatam relinquens,
 Sors levibus malefida pennis.
- 8 O præses orbis, pectore supplice
 Mox te vocavi, te lacrymis madens
- 9 Opem poposci: Quid profusus
 Profuerit tibi sanguis? inquam;
 Quis mortis usus nostræ erit? An tuas
 Laudes sonabunt, factaque posteris
 Miranda muti prædicabunt
 Sub gelido cineres sepulchro?
- 10 Placatus aurem da facilem meis
 Votis, severos neu querimoniis
 Averte vultus; pelle membris
 Pestiferi mala dura morbi.
- 11 Tu supplicanti protinus admoves
 Aurem benignus: pro lacrymis mihi
 Risum reducis, pro dolore
 Lætitiâque alacremque plausum.
- 12 Te semper ergo carmina, te lyræ
 Nostræ sonabunt: vox tibi serviet

Dicata, præbebitque nostris
Materiam tua laus canentis.

PSAL. XXXI.

- 1 **I**N te locavi spem meam,
Rerum creator optime:
At tu benignus prospice,
Ne spei pudeat irrita.
O iuste vindex, fraudibus
Ab hostium me vindica:
2 Audi benignus supplicem;
Da promptus abjecto manum.
Me rupe serva ut inviâ
Clausum, vel arce æhenea;
3 Tu rupis es mihi invia
Munimen, arx æhenea.
Ergo, ut timori mentibus
Nomen tuum sit impletis,
4 Præi viam mihi; abditis
Me libera de cassibus.
5 Tu robur es meum, tuæ
Commendo vitam dexterae:
Me libera pacti Deus
Tenax, memorque fœderum.
6 Qui vana stulti somnia
Sectantur, odi pessimè.
Tu certa spes mihi es, metæ
Tu portus es fiducia.
7 Inter labores asperos
Lumen tuæ clementiæ
Fulgens, repente turbidum
Perfudit animum gaudio.
8 Quum me tyrannis impotens
Urgeret hostis impij,
Jamjam imminentiis pallidis

Lethi explicasti faucibus.

9 Miserere fracti toti malis;

Tot obruti doloribus :

Caligat oculus, mens stupet,

Mœrore corpus tabuit.

10 Caduca vita elabitur

Mœrore fracta et luctibus ;

Interque clades aridis

Fluxère vires ossibus.

11 Me ridet hostis, et meis

Insultat insolens malis :

Horrent propinqui, cæteri

Vitant metu periculi.

12 E proximorum mentibus

Obliteror, ceu mortuus :

Contemptior sum civibus

Quam lamna testæ fictilis.

13 Me multitudo opprobriis

Coram laceffit asperis :

Vim machinatur in meam

Jurata mortem factio.

14 Ego interim fiduciâ

Opis tuæ, dolos, minas,

Injurias, et hostium

Contemno contumelias.

15 Tu fila vitæ temperas

Meæ, regisque tempora :

Tu me impiorum libera

Ab hostium tyrannide.

16 Ostende vultum amabilem

Servo bonus tuo et favens :

Et me tuere, quâ soles

Semper tuos, elementia.

17 Ne fit pudori quod tuam

Imploro opem : pudor malis

Confundat, et silentium.

Longum sepulchris sopiat.

18 Assueta vox mendacio

Sit muta, vox procaciter

Solita bonos laceffere,

Et arroganter spernere.

19 O quanta te colentibus

Et quot redundant commoda !

Quot, teste mundo, prosperis

Auges tuos successibus !

20 Hos protegis reconditos

Procul a minis potentium,

Tuâque munis in domo

Linguae veneno ab impia.

21 Tibi perennis gratia.

Sit, rector orbis, qui velut

Munitâ in arce me procul

Periculis submoveras.

22 Exspes, inops vitam fugâ

Quum vix tuerer anxiam,

Mecum ipse dixi ; Jam truci

Reliquit hosti me Deus.

At tu nec in periculis

Oblitus extremis mei,

Aurem benignam supplici.

Ac invocanti admoveras.

23 Ergo Patrem rerum optimunt

Amate candidi et pii,

Qui fastuosos deprimit,

Et obsequentes erigit.

24 Qui spem locatis in Deo,

Constanter illi fidite,

Nec robur animi concedat

Sortis procellâ turbidæ.

PSAL. XXXII.

- 1 **O** TER beatum cui Patris optimi
Noxas remisit lethiferae favor,
Cui foeda morum flagitia obruit
Oblivioso tecta silentio !
- 2 O ter beatum, cui bonus Arbiter
Non imputavit lubrica deviae
Errata vitae, nec reperit dolum
Caeco in recessu pectoris abditum !
- 3 Donec fovebam sub tacito sinu
Morbum, solutis languidus ossibus
Artus trahebam ; luctificus dolor
Questum ciebat non patiens tegi.
- 4 Tu me premebas prævalidâ manu
Infestus, atris seu tenebris diem
Nox condidisset, seu roseâ dies
Orbem recurrens luce retexerat.
- Sic decolorem tabificus cutem
Mœror coquebat ; sic macie dolor
Siccabat artus, messis ut Africæ
Cancris per æstum mitius areat.
- 5 Tum mente versâ vulnera protuli,
Tibi renudavi vitium meum,
Fraudem retexi ; ac tu mihi protinus
Noxâ soluto conciliatus es.
- 6 Qui mentis ergo pura sacraria
Servare quærit, te præcè supplice
Placet ; nec orbem pontus ut obruat,
Formidet æstus lethiferi minas.
- 7 Tu me periculis eripis asperis
Tutela præfens : tu mihi gaudia
Toto refundis corpore, ut hostium
Qui vincla fracto carcere depulit.
- 8 Nec fat ; Tenebras pectoris auferam,
Inquis ; beatæ quâ ferat orbita

Monstrabo vitæ, nec procul a tuâ
Unquam reflectam lumina gressibus.

9 Mulis equisque ne similis modo

Sis, bruta quorum pectora gratiam

Non mutuam novere, sed asperis

Fracti lupatis, servitium ferunt.

10 Multa obstinatum nequitiam manent

Tormenta: purâ qui Dominum fide

Orabit, huic pacem et veniam dabit;

Non durus unquam parcere supplici.

11 Recti tenaces simplicis, et quibus

Est grata fraudum nescia veritas,

Favente læti numine, gestibus

Et voce vestrum pandite gaudium.

PSAL. XXXIII.

1 Vos quibus puræ est amor æquitatis,
Læti pangite carmine

Orbis auctorem Dominum: æquitatis

Hoc carmen decet æmulos.

2 Tinniat blando chelys hunc susurro,

Hunc vocalia nabilia;

Docta bis quinque resonare nervis,

Hic artem manus approbet.

3 Huic novos cantus meditemur; uni

Læti clangite buccinâ.

4 Nam fides dictis rata veritasque est,

Et factis comes æquitas.

5 Quippe qui justus est et amator æqui, et

Veri fallere nescii;

Perque terrarum sola vasta notæ

Cunctis munificentia.

6 Is suo verbo sinuavit orbem

Lucentem nitidi ætheris;

Quicquid et puris radiis renidet

- Campi ætheris igneis.
7 Littus arstavit maris inquieti,
Compressitque licentiam;
Et penu clausas sinuavit undas,
Unde in tempore promeret.
8 Hunc et occasus metuant, et ortus;
Hunc unum Dominum colat,
Quisquis extremos ubicunque fines
Terre aut æquoris accolit:
9 Cujus a nutu viget interitque
Quodcunque interit aut viget,
Cujus immotis tremefacta parent
Cuncta obnoxia legibus.
10 Qui malas artes populi profani
Ludit callidior suis;
Et suo injustæ scelerata turbæ
Fraudat consilia exitu.
11 At quod arcanâ sibi mente rerum
Auctor proposuit semel,
Dum dies et nox referent se in orbem,
Usque immobile permanet.
12 O quater, plusquam quater O beatos,
Patronus quibus est Deus!
Quos sibi excepit, propriamque sortem
Quos dici voluit suam!
13 Despicit mundi Pater e beatâ
Cœli stelliferi domo,
14 Eque tranquillis adytis labores
Et curas hominum videt:
15 Quippe qui cecos animi recessus
Humani fabricaverit;
Nec quod arcano latet in recessu
Clausum pectoris hunc latet.
16 Sperat incassum numero tyrannus
Se tutum fore militum:

- Sperat incassum validis lacertis
 Se miles fore sospitem :
 17 Sæpe spem fallit præeuntis Euros
 Bellatoris equi fuga :
 18 At Deus justos oculo irretorto
 Semper respicit et pios ;
 19 Mortis ut vertat jacula imminentis,
 Diram et sævitiam famis.
 20 Una spes nobis opis hinc, ab uno
 Certum præsidium in malis.
 21 Ille perfundet sibi dedicata
 Dulci pectora gaudio ;
 22 Ille fidentum sibi spes precesque
 Lætum ducet ad exitum.

PSAL. XXXIV.

- 1 SEU læta fors me foverit, seu tristior
 Vexarit, omni tempore
 Laudabo Dominum ; semper illius meum
 Os personabit laudibus.
 2 Mihi hæc voluptas, hoc erit solatium,
 Mihi hoc levamen in malis :
 Meoque turba tristis exemplo suas
 Solabitur molestias.
 3 Unà, agite, cuncti prosequamur laudibus
 Nomenque numenque illius.
 4 Ille in periculis me vocantem exaudivit,
 Statimque reppulit metum.
 5 Qui cuncta ad illum consilia referunt sua,
 Læto his nitentes gaudio
 Vultus renident, nec repulsæ infamia
 Robore confundet genas.
 6 En, pauper iste quum vocaret, omnibus
 Hunc eruit periculis.
 7 Dominum timentum castra munit Angelus

- Demissus ad custodiam ;
Et imminentes arcet hostes, et pios
A vi tuetur impiâ.
- 8 Facite periculum, jam scietis quàm Dei
Immensa sit benignitas ;
Quàm sint beati, spes in illo qui suas
Omnes opesque collocant.
- 9 Gens sancta Dominum colite ; nil deerit Deum
Fideliter colentibus.
- 10 Violenta feritas sentiet famem ; bonis
Cuncta affluenter suppetent.
- 11 Adeste filii, audite, vobis numinis
Verum timorem ut indicem.
- 12 Quicumque curis liberam et longam cupis
Vitam beatus ducere ;
- 13 Linguae refræna virus, os nefariâ
A fraude purum contine ;
- 14 Capeffe recta, curva vita, dilige
Tranquilla pacis otia.
- 15 Deus innocentes adspicitque, et commodat
Attentus aures ad preces :
- 16 Torvo scelestos intuetur lumine,
Et nomen etiam obliterat.
- 17 Justum invocantem Dominus audit, omnibus
Eum expedit periculis:
- 18 Quum spes labores deserit mortalium,
Afflicta quum molestiis
Succumbit oneri mens, Deus præsens adest,
Malasque curas diluit.
19. Justis labores suggerit semper piis
Iniqua fors conatibus :
- Sed, qui bonorum semper est custos, Deus
Sortis retundit spicula ;
- 20, 21 Et ossa servat ne terantur. Impios
Ulciscitur scelus suum ;

Et quisquis hostis est piorum, cum domo
A stirpe cæsus interit.

- 22 Animas tuetur se colentium Deus,
Nec rem domumque deserit.

PSAL. XXXV.

- 1 **R**ERUM sancte opifex ades,
Et patrocínio protege me tuo ;
Et retro refer in meos
Hostes perniciem quam mihi comparant.
- 2 Scutum cum jaculis cape ;
- 3 Ensem stringe ; meis hostibus obviam
Prodi : dic animæ meæ,
Secura auxilio nil metuas meo.
- 4 In vultus pudor hostium
Et turpis subeat dedecoris rubor ;
Fœdam corripiant fugam,
Cæcas infidias qui mihi præparant.
- 5 Ut sævus boreas levem
Raptat præcipiti turbine pulverem ;
Sic illos trepidâ fugâ
Vindex præcípites urgeat Angelus.
- 6 Sit cœno via lubrica,
Et cœlum tenebris lurida nox tegat ;
Et formidine pallidâ
Vindex præcípites comprimat Angelus.
- 7 Nam me fraude malâ suis
Conati immeritum prendere cassibus,
Et cæcam innocuo scrobem
- 8 Effodere : suis cassibus hæreant,
Et factam exitium in meum
Cæci et præcípites in foveam ruant.
- 9 Perfusa interea mihi
Dulci lætitiâ pectora gestient ;
Mens secura periculi

- Auctorem Dominum lætitiæ colet :
10 Et sensus animi indices
Clamabunt, Domino quis similis Deo,
Qui fastûs gravis improbâ
Defendet tenues a violentiâ,
Vexantemque opis indigos
Frangit sævitiam vindice dexterâ ?
11 Conjurata calumniâ
In me criminibus sævit atrocibus ;
Ignotum scelus in meam
12 Fingunt perniciem : quæ bene feceram,
Compensant odiis malis,
Et vitæ invigilant exitio meæ.
13 Illos tabificæ luis
Ægris visceribus quum dolor ureret,
Squalens veste ego lugubri,
Jejunâque fame pallidus et siti,
Et prostratus humi, Deum
Lenibam lacrymis et prece supplice,
14 Sic sincerus amici amor
Sub cari interitum luget amiculi ;
Sic fratrem gemit unicum
Frater ; sic pietas anxia filii
Maternum ad tumulum dolet.
15 Me fortuna gravi si tetigit manu,
Concurfant, mala gaudia
Inter se celebrant ; sæx populi coit ;
Incauto invidiam creant :
16 Proscinduntque avidâ me petulantia
Scurræ cum balatronibus ;
Dentem dente acuunt, et rabiem vomunt.
17 Quem finem patientiæ
Tam lentæ statues, O Pater optime ?
Arce hoc ludibrium, neque
Desertum rabidis trade leonibus :

- 18 Acceptum ut referam tibi
Quod vivo, et video lumen amabile ;
Et cœtu in celebri canam
Te, pronum auxilium ferre vocantibus.
- 19 Fac ne spēs alat improbas
Semper turba meis læta molestiis ;
Neu nutu ac oculis notet,
Exsultetque meis hostis atrox malis :
- 20 Qui sermonibus asperis
Insultat, trucibusque insidiis petit
Pacatum malè callidus,
Incautum ut tacitis illaqueet dolis.
- 21 Non diducere desinunt
Rictum risu : Oculis, euge, oculis diem
Lætum vidimus, inquirunt.
- 22 O qui luminibus cuncta tuentibus
Terras respicis, hæc vides ?
Ergo sepositâ protege me morâ.
- 23 Jam tandem evigila, et manu
Ultrice indomitam frange superbiam ;
- 24 Justo et supplicio preme
Vindex justè malos ; neu sine de meo
Luctu lætitiâ ferant :
- 25 Neu secum tacito pectore murmurent,
Evax, rectè habet ; omnia
Supra vota cadunt ; vicinus, en jacet.
- 26 Foedâ ignominiâ luant
Stultam lætitiâ ; dedecoris comes
Infamis pudor eluat
Importuna meis gaudia de malis.
- 27 At cordi quibus æquitas
Est nostra, ac animus nil sibi conscius,
Vitam tristitiâ procul
Lætam semper agant ; ac Dominum ferant
Cœli ad sidera laudibus,

- Qui curis famulos liberat anxiiis.
 28 Semper iustitiam mea.
 Custos sancte hominum, lingua canet tuam,
 Et præconia, dum mihi
 Impellet calidus pectora spiritus.

PSAL. XXXVI.

- 1 UT exta flammis mille sacrificiis cremes,
 Oscula des faxis, ingeminesque preces,
 Arasque donis largus accumules tuis,
 Non facies tamen ut te rear esse pium :
 Scelera reclamant, et negant te credere,
 Consilio mundum qui regat, esse Deum.
- 2 Utcunque coram blandiare, non tamen
 Impietas tacito pectore clausa latet :
 Erumpit ignis instar, ac tui trahit
 Secum odium, atque odii perniciem comitem.
- 3 Quodcunque loqueris fraude tinctum est ; respuis
 Auribus ingratis qui potiora monent.
- 4 Scelus nefandum nocte totâ cogitas :
 Recta fugis ; semper deteriora foves.
- 5 O magne Rector orbis, indulgentiæ
 Munera terra, fretum sentit, et astra, tuæ.
 Quæcunque cælum amplectitur, parentia
 Legibus ortâ vigent, lapsa caduntque tuis.
- 6 Modus æquitatis, et tuæ sapientiæ,
 Cunctaque quæ fecit, cunctaque facta regit,
 Longe nivosis montium fastigiis
 Altior est, vasti gurgitibusque freti.
 Humana gens hinc haurit auram et spiritum ;
 Nec pecudes curam præteriêre tuam.
- 7 Hinc cuncta vitæ suppetunt nobis bona,
 Dum mens corporeo carcere vincta latet ;
 Fœtus sub alis volucris ut tegit suis,
 Præsidii fugimus spe mala cuncta tui.

- 8 At exsul animus, morte liber, patriam
 Quum repetet limen fidereamque domum;
 Illinc egestas et dolores exulans;
 Nemo feret, votis non potera suis:
 Passim voluptas, pura passim gaudia;
 Delicias largo fluctine riuus agit.
- 9 Illic perenni vita fonte profuit,
 Vita gravis fati non refecanda manū.
 Illinc fatiscent mentium caligines, [emunt;
 Quæ modò sub tenebris pectora nostra pre-
 Vultuque radius purus effusus tuo,
 Lumine nos puræ cognitionis alet.
- 10 Benignitatis interim tuæ bonis,
 Qui te cognoscunt et tua facta, fove;
 Qui mente purâ veritatem diligunt,
 Justitiæ facias commoda ferre tuæ.
- 11 Me nec feroci calcet arrogans pede,
 Exigat aut tectis impia turba meis.
- 12 Qui scelere gaudent, scelere sic ruant suo,
 Perpetuò ut lapsos iusta ruina premat.

PSAL. XXXVII.

- 1 NE livor urat æmulus
 Te, si beatos videris
 Pravos, nec Euris iis opes
 Fugaciores invide.
- 2 Nam sic faceffit illico
 Umbratilis felicitas,
 Marcent comis arentibus
 Ut falce secta gramina.
- 3 At tu Dei fiducia
 Incumbe rectis artibus:
 Diuque terram ut incolas
 Donabit, ac te nutrit.
- 4 In hoc sit oblectatio,

In hoc voluptas unica :

Is te forebit iugiter,

Votique reddet competentem.

5 Committe vitam, rem, decus,

Illius uni arbitrio :

Animi tibi ex sententiâ

Confecta reddet omnia.

6 Illustis aurora ut jubar

Tua faciet ut sit æquitas :

Ut hæc virtus fit tua

Meridianâ clarior.

7 Perfer modeste quod tulit

Fortuna læva : non tamen

Irâ impiorum prosperas

Res cerne torvo lumine.

8 Compeſce bilem, noxia

Faceſſat indignatio :

Ne fors nefarium ad ſcelus

Impellat temulatio.

9 Eliminantur impii

Fumo levi velocius :

Terras modestus incolet,

Serisque linquet posteris.

10 Morare paullum, et impium

Nusquam videbis : adspice

Ædes, superbi vix heri

Agnoveris vestigium.

11 Modesta bonitas otio

Lætam senectam tranſiget,

Et incolenda hæredibus

Paterna linquet prædia.

12 Clam rete neſcit impius,

Boniſque concinnat dolos :

Et dente frendens livido,

Dolore et irâ ringitur.

- 13 Hæc cernit ex alto Deus,
Minaeque ridet irritas:
Quippe imminentem verticem
Cladem scelesto prospicit.
- 14 Ensemque stringet improbus,
Arcumque tendet, pauperes
Ut perdat, ac innoxios
Figat sagittis impiis:
- 15 Distriktus ensis in furiis
Domini redibit viscera;
Frangetur arcus lethifer,
Et frustra acuta spicula.
- 16 Præstat supellex sobria,
Rectæque pars recula;
Quam rapta per viam divitum
Fastidiosa copia.
- 17 Malè pars justus arbiter
Disperget, et potentiam
Franget scelesti: dexterâ
Justum suâ tuebitur.
- 18 Innoxios fovet Deus,
Ac rem tuetur: providet
Longæva ut usque in sæcula
Sit sempiterna hæreditas.
- 19 Seu pestis atra, seu furor
Turbabit orbem bellicus;
Nil deerit usque innoxio,
Famem nec ægram sentiet.
- 20 Sic hostis impius Dei
Perit repente funditus,
Adeps opimæ ut victimæ
Vanescit in fumos leves.
- 21 Nil donat, usque et foenerat
Injustus: at justo suâ
De forte superat paupere

Quod donet indigentibus.

22 Justorum amici prædiant.

Linquent suæ propagini:

At hostium radicitus

Semen peribit erutum.

23 Amatque justum, et dirigat

Ejus Deus vestigia:

24 Dextrâ ruentem sustinet,

Lapsumque dextrâ subleuat.

25 Puer fui, nunc sum senex,

Ope destitutum nec pium

Videre memini, nec stipem

Ejus petentes liberos.

26 Justus misertus pauperum

Dat usque et usque mutuum:

Seræ tamen propagini

Non larga deest opulentia.

27 Vita scelus nefarium,

Sectare recta: dum diem

Sol fundet aureum, tui

Terras nepotes incolent.

28 Deus æquitatem diligit,

Bonos nec unquam deserit:

At interibit funditus

A stirpe semen impii.

29 Justus beata jugera

Agri tenebit, et colet

Cum prole, donec ultimus

Instabit orbi terminus.

30 Sermo sapiens et æquitas

In ore semper est bonis:

31 In corde scripta lex Dei,

Ne pes labet, gressum regit.

32 Observat impius pium,

33 Ut perdat: ast illum Deus

Custodit, ante judicem
Tuetur a calumniâ.

34 Spem colloca in Deo, Dei
Sectare leges : et dabit
Dives potensque ut hostium
Cernas superstes exitum.

35 Vidi potentes impies,
Gravique fastu turgidos,
Virescere instar læræ
Amœna propter flumina.

36 Specto repente, en lubricam
Imago nusquam gloriæ :
Nusquam manent vestigia
Cunctis gravis potentiz.

37 Iusti intueri et integri
Vitæ statumque et ordinem,
Videbis alto in otio
Lætam senectam degere.

38 At prompta semper lædere
Prorsum interibit factio :
Vitamque claudet terminus
Dignus patrat is nequiter.

39 Justus salutis collocat
Omniem in Deo fiduciam ;
Qui fulcit æquos robore,
Adversa cum fors intonat.

40 Dominus petenti fert opem,
Et in periculis liberat
Ab impiis, qui se et suam
Illi salutem credidit.

PSAL. XXXVIII.

1 NE me furoris æstuante incendio,
Servator orbis, argue ;
Neu promerentem quamlibet pœnas graves

Pergas per iram plectere.

- 2 Hærent medullis penitus infixæ meis
Tuæ sagittæ dexteræ.

Iræ tuæ hinc me, et inde mentis conscie
Sic vis paventem percudit,

- 3 Ut nulla plagis faucii pars corporis
Non langueat lethalibus ;

Ossa ut solutis artuum compagibus
Sceleris venenum attraxerint ;

- 4 Sceleris, profundo quod meum seu gurgite
Caput resorbens obruit ;

Quod in alta rursus me renitentem, velut
Immane saxum degravat.

- 5 Veteris cicatrix vulneris recruduit,
Vomitque tabem luridam.

- 6 Afflictus, humilis, ultimis premor malis,
Luctu situque squalidus :

- 7 Clausumque cæcis fervet in præcordiis
Ulcus, nec ulla corporis

- 8 Expers doloris pars vacat. Sic debilis
Et fractus usque et usque sum,

Malis ut impar voce lamentabili
Cor ejuletque et rugiat.

- 9 Dominator orbis, vota nec animi mei,
Nec te latent suspiria.

- 10 Pavens tremensque turbidum cor palpitat ;
Defecta membra viribus

Torpore marcent languido ; noctem trahens
Caligat acies luminum,

- 11 Vicini, amici, et sanguinis communio
Quos propior admôrat mihi,

Procul abstiterê, fœditatem vulnerum
Vix sustinentes cernere.

- 12 At promptâ semper in meum exitium manus,
Molita vim nefariam,

- Dolosa tendit continenter retia,
 Fraudeſque verſat impias.
- 13, 14 Ceu mutus ore, ſurdus aure, ego interim
 Obtorpui ſilentio;
 Elinguis inſtar et ſtupentis; crimina
 Qui neſciat reſellere.
- 15 In te repōſta eſt ſpes mea : O rerum potens
 Rector benignus annue :
- 16 Ne riſus hoſti ſim ſuperbo, qui meis
 Inſultat inſolens malis;
 Qui, ſi vacillent lubrico lapſu pedes,
 Læto triumphat gaudio.
- 17 Ad perſerenda ſum paratus verbera;
 Vibice ſemper arca
 Cruenta turget exarati corporis
 Sulcis ſlagrorum grandibus.
- 18 Merui ſceleſtus, fateor, heu merui; nocens
 Do jure pœnas debitas:
- 19 Sed invaleſcit hoſtis atrox interim,
 Vireſque ſumit factio;
 Vivunt, vigentque, et immerentem injuriâ
- 20 Me proſequuntur: pro bono
 Malum rependunt; jugiter calumnias,
 Quia recta ſector, ingerunt.
- 21 Tu ne recede longius, neu deſeras
 Periculis in ultimis:
- 22 Accurre; dextram da ſalutarem, meæ
 Salutis auctor unice.

PSAL. XXXIX.

- 1 Q UUM ſævus hoſtis me meo lætus malo
 Laceraret conviciis,
 Mecum ipſe verbis abſtinere ab aſperis
 Et jurgiis decreveram.
- 2 Linguz obſeravi clauſtra fræno, pertinax

Obmutui silentio ;

Ac, temerè ne quid os mali profunderet,
Verbis bonis clausi exitum.

3 At, ignis instar, vetitus egrèdi dolor,
Exarsit intus acrius.

Tandem obstinatæ fræna pertinaciæ
Perfregit ira, ac talibus

4 Dominum rogavi : Mihi meæ vitæ modum
Qui sit futurus indica :

Quando evolabo liber hoc molestiæ
Fastidioso e carcere ?

5 Tu clausa nullo sæcla degis termino,
In te beatus ac potens :

At nos quod ævi vivimus pæne est nihil,
Ac pæne brevius quam nihil ;

6 Umbræ fugacis instar, atque imaginis
Quam reddit æquor vitreum :

Idque ipsum inani in vanitate, atque anxiiis
Ægrefcit in laboribus.

Animum libido torquet, inflat gaudium,
Spes tollit, ac timor premit.

Tumultuamur temerè ; congerimus bona
Incognitis hæredibus.

7 Quò me ergo vertam ? quis laboranti feret
Opem ? quis eximet malis ?

8 Spes omnis in te : miseris fontem meæ,
Peccata tolle noxia ;

Neve esse stultis me finas et improbis
Despectui et ludibrio.

9 Hostis protervi lingua me quum turpibus
Proscinderet conviciis ;

Obmutui, iræ vindices pœnas tute
Has esse gnarus scilicet.

10 Rector parensque gentis humanæ, tua
Paulisper aufer verbera :

Viresque Inquunt, vita nec semper novis
Plagis ferendis sufficit.

- 11 Te persequente scelera poenis, illico
Vigor decorque defluit,
Tineis peresce more vestis. O homo
Caduca res et futilis !
- 12 Parens benigne precibus aurem da meis :
Neu verba sperne supplicis ;
Neu lacrimanti averte vultus hospiti :
Namque hospes hanc terram colo ;
Nec ego, parentes nec mei certum locum
Habemus hic ; sed, in diem
Solliciti et horas, turbidas transégimus
Vitæ brevis molestias.
- 13 Igitur severam paullulum abstine manum, .
Fessum ut resumam spiritum ;
Mortis priusquam, reditus unde non patet,
Transmiserit me janua.

PSAL. XL.

- 1 Q UUM circumfremerent me timor et minæ,
Intentansque avidam mors fera dexteram,
Spes cœlestis opis, fera licet, tamen
Lenibat trepidam sollicitudinem.
- 2 Advertit Dominus, meque voragine
Cœnosa implicitum gurgitis extulit :
Ac, faxi solidis imposito jugis,
Monstravit facilem qua graderer viam.
- 3 Afflavitque novo pectora spiritu,
Suffecitque suæ materiæ novam
Laudis, quam canerem dulcè loquacibus
Nervis, ac numeris lenè sonantibus.
- Hæc cernant rapidæ qui violentiæ
Fati, vel dubijs casibus imputant
Eventa ; ac trepidi se Domini in fidem

Dent, qui stellifero regnat in æthere.

- 4 Felix qui stabili spe Dominum ac fide
Spectat, quem tumida pompa superbæ
Non ad se illecebris ducit inanibus,
Fallacique boni ludit imagine.

- 5 In nos, sancte parens, quot vigilantiz
Et quàm mira tuæ pignora suppetunt,
Quæ nec mens acie cernere languidâ
Possit, nec numero lingua retexere!

- 6 Aurem mæ tacitè vellis, et admones
Quòd labem sceleris nec pretium levet,
Nec sanguis pecudis nil meritæ eluat,
Nec consumpta focis expiet hostia.

- 7 Tum dixi, Venio, quod libet impera;
Adsum, sancte parens, jussa capeßere
Promptus, ceu tabulis scripta fidelibus
Edunt perpetui fata voluminis.

- 8 Huc mens, huc studium tendit, uti tuis
Conformem monitis quæ gero, quæ loquor,
Quæ mecum tacitus cogito: nam tua
Incisa est animo lex penitus meo.

- 9 Famam justitiæ per populos tuæ
Latè præco fero: nec labiis meis
Nec linguæ requies, omnibus ut tua
Terris (ipse vides) nota sit æquitas.

- 10 Nec justum tacui te mala plectere;
Promissique tenacem, et miseris opis
Largum: me bonitas indice gentibus
Cunctis facta palam est, et tua veritas.

- 11 Defendant igitur me bonitas tua,
Promissique fides fallere nescia:
Obsessumque malis innumeris tuâ
Me, rerum genitor, protege dextrâ.

- 12 Me pœnæ, capitis quæ superent pilos,
Omni ex parte premunt, quas neque luminis

In promptu est acie nōsse : animus stupet,
Curarum innumeris obrutus æstibus.

- 13 At tu, mundi opifex sancte, salutifer
Adsis; auxilium fer citò, et ultimis
Oppressum penitus subtrahere me malis,
Ut pravi pudeat consilii improbos.

- 14 Turpem ignominie tristitiam ferant,
Tendunt exitio qui laqueos meo;
Infamem referant consilii exitum,
Nostris qui capiunt lætitiā e malis.

- 15 Hunc fructum sceleris percipiant sui,
In fraudem ut recidant quam mihi struxerant:
Frustratus doleatque et rubeat, meas
Qui ridet lacrimas, et fruitur malis.

- 16 Qui credunt fidei se penitus tuæ,
Illos auxilii spes recreet tui:
Ac semper Domini nomen amabile
Certent tergeminis tollere honoribus.

- 17 Exspes, pauper, inops sim licet, at mihi
Custos rerum opifex pervigil excubat.
Vitæ O præsidium et certa salus meæ,
Adsis, neu trepidā me crucia morā.

PSAL. XLI.

- 1 **B**EATUS ille qui misertus pauperis,
Fert rebus in duris opem:
Nec arroganti despicit fastidio
Prostratum et oppressum malis.
Quem rere fractum, et penitus abjectum; Deus
Attollet, et solabitur.
- 2 Curā fidei Dominus illum muniēt,
Et e periculis eruet;
Interque vivos sospiti dabit frui
Vitæ beatæ commodis.
- 3 Artus cubili quum dolor prostraverit,

- Opem feretque, et lectulum
Versabit ; omnem prorsus ægritudinem
In dulce vertet gaudium.
- 4 Quum me doloris vis acerbi affligeret,
Opem poposci te, Deus :
Animæ medere faucibus, dixi, fui
Sceleris pudendo vulnere.
- 5 Dira imprecatur hostis, ac me devovet,
Lætus meis incommodis :
Quando interibit, inquit, et cum corpore
Nox una nomen obruet ?
- 6 Si fortè quis me visit horum, corporis
Animique morbis anxium,
Vultu dolorem fingit, ac suspiria
Læto trahit de pectore :
Foras profectus conditum in præcordiis
Repente virus evomit.
- 7 In me susurrat clanculum atque obmurmurat
Scelestæ conspiratio :
Clam machinantur sæva, in exitium meum
Consilia cuncta conferunt :
Secumque jactant ; Missa certè cœlitus
Nunc dira vis mali hunc ligat,
Prostratus hæret, lectulo affixus jacet,
Noctem trahens novissimam.
- 8 Quin et sodalis, et mihi mensâ et domo
Conjunctus, et cui maximè
Fidebam, ad hostes conferens sese meos,
In me ferox recalcitrât.
- 9 At tu salutis auctor et custos meæ,
Benignus in me respice :
Manum jacenti da salutarem, hostibus
Parem ut rependam gratiam.
- 10 Tui favoris pignus id certissimum
Erit mihi, et constantiæ

In me tuendo, quod malis lætus meis
Hostis ferox non gestiat.

- 12 Vires recepit corpus, innocentiam
Servavit animus, dexteram
Te porrigente, qui receperas tuam
Semper tuendum me in fidem.
- 13 Agnoscant orbis unicum et colat Deum,
Quem gens honorat Isaci;
Unumque laudet, temporum donec vices
Luces et umbræ dividant.

PSALMORUM

LIBER SECUNDUS.

PSAL. XLII.

- 1 **N**ON cervus fluvios sic avet algidos,
(Cervus turba canum quem premit) ut tui
Cor desiderio carpitur anxio,
Rerum conditor optime.
- 2 Huc me raptat amor dulcis, et impotens
Ardor ferre moras. O niveum diem
Qui templo reducem me statuet tuo!
O lucis jubar aureum!
- 3 Jejunos lacrimis pro dape se dolor
Pascit, turba meis obvia dum malis
Illudens rogat, Heus iste tuus Deus
Cur nunc deserit exfulem?
- 4 At rursus bonitas quum subiit tua,
Et menti auxilii certa fides tui
Illuxit trepidæ, temporis illius
Me consolor imagine:

Festis quum populus me reducem choris,
Fauſtisſque excipiet vocibus, et Dei,
Pompâ cum celebri, me comitabitur
Augusta ad penetralia.

5 Cur me ſollicitis teque doloribus,
Mens ægra, exanimas? pone metum, ac Deo
Te da; quo patriæ vindice redditus,
Grates ſoſpes adhuc agam.

6 Hæc mentem recreat ſpes, licet aviis
Jordanis lateam ſaltibus, Hermonis
Exful dura licet ſaxa perambulem,
Solis hospita belluis.

7 Quamvis agminibus me mala denſius
Omni ex parte premant, quam ſuper horridos
Montes grando ſonat, quam mare verberat
Raucis littora fluctibus:

8 Tu me ſi placido lumine videris
Cedent triftitiæ nubila; tetricas
Mœroris tenebras diſcutiét mihi
Lucis dulce jubar tuæ.

Laudes interea non mihi nox tuas,

9 Non curæ impediunt: O columen meum,
Dicam, et certa ſalus, ludibrium feris
Cur me deferis hoſtibus?

10 Dirumpor, tacitis æſtuat ignibus
Pectus, turba meis impia dum malis
Inſultans rogat, Heus, iſte tuus Deus
Cur nunc deferit exſulem?

Cur me ſollicitis teque doloribus,

11 Mens ægra, exanimas? pone metum, ac Deo
Te da; quo patriæ vindice redditus,
Grates lætus adhuc agam.

PSAL. XLIII.

- 1 **V**INDEX esto mihi Deus,
 Et patrocínio protégé me tuo;
 Oppressum scelere impio;
 Et fraudum laqueos frange nefarios.
- 2 Vitæ O præsidium meæ,
 Cur me præsidio destituis tuo?
 Cur luctû vagor obfitus,
 Dum sævæ furias vito tyrannidis?
- 3 Profer lumen opis tuæ;
 Montem pande viam quæ ferat ad tuum:
 Montem, quam propriè domum
 Majestate tui numinis incolis.
- 4 Atque aram adveniam ad tuam,
 Ac te, lætitiæ materiâ meæ;
 Et gratâ citharâ tibi
 Grates lætus agam, conditor optime.
- 5 Cur mœres, anime anxie,
 Ac me sollicito pectore maceras?
 Omnem pone metum, ac Deo
 Curam crede tui, quem super æthera
 Cantu sospes adhuc feram,
 Quum salvus patriæ reddar amabili.

PSAL. XLIV.

- 1 **V**ETUSTA ad aures fama nostras attulit,
 Serîque patres posteris
 Stupenda facta tradidere à te, Deus,
 Patrata priscis seculis:
- 2 Eliminatis quum profanis gentibus,
 Et incolis prioribus,
 Eorum labore fructibusque perfrui
 Nostris dedisti patribus.
- 3 Certè nec armis lucidis, nec viribus
 Debemus has victorias:

- Sed nos favoris iura mollis, et tua
Protexit indulgentia.
- 4 Ergo, salutis auctor unice, O Deus,
Ades piis salutifer.
- 5 Te dante vires, hostium ferociam
Tam facile profligabimus,
Taurus minaci quam jacet cornu pilas,
Stipulæve fasces aridæ :
Superba Regum colla crasso in pulvere
Prostrata conculebimus.
- 6 Non arcus istam lethifer fiduciam,
Non macro sævus ingerit :
- 7 Tu nos ab hoste subtrahes, sternes solo
Inferse nobis agmina.
- 8 Non ergo semper jure te cantabimus
Nostræ salutis vindicem ?
Ac donec orbis astra volvet ignea,
Te prosequemur laudibus ?
- 9 At nunc relictos obijcis ferocium
Injuriam nos hostium ;
Nec prodis ante nostra ductor agmina,
Qualis solebas antea.
- 10 Hosti imminenti terga cogis vertere,
Prædæque das prementibus.
- 11 Pecus ut macello destinata, exponimur
Cadentium libidini ;
Omnesque terras barbararum gentium
Errore complemur vago.
- 12 Venum dedisti nos palam, nec auctio
Te ditiores reddidit.
- 13 Vicina nostris oppida insultant malis,
14 Cladesque rident : fabula
Sumus profanis nationibus, caput
Motant, labella exporrigunt,
15 Oculis oberrat usque contumelia,

Podorque vultus inficit :

16 Dum voce acerbâ injurias exasperat,
Minasque torvas adjicit

17 Hostis protervus. Obruti tot cladibus,
Tot undequaque instantibus ;

Tamen nec unquam est animus oblitus tui,
Tecumque pacti fœderis :

18 Sese nec ullis territus periculis
Avertit aut flexit viâ

19 Rectâ pes : etsi penitus abjecti interim
Abs te ; licet draconibus

Immitioris gentis addicti jugo,
Feramus umbram ergastuli ;

Et servitutem lugeamus, et necem
Vitæ precemur tædio.

20 Iniqua meritis si tuis oblivia
Offuderint se mentibus

Nostris, manusve supplices protendimus
Diis impiarum gentium ;

21 Id te lateret, abditas qui pectoris
Prorsus latebras inspicis ?

22 Te propter, odio cæteris populis sumus,
Et instar ovium cædimur ;

In te favoris pendimus pœnas ; tui
Amoris odia nos premunt.

23 Exsurge, similem somnolentiæ moram,
Salutis auctor, corripe.

24 Cur ora condis, immemorque negligis
Tuos malis in ultimis ?

25 Afflictus animus, et malis præsentibus
Lassus, futuris anxius,

Succumbit oneri ; strata tabescunt humi
Defecta membra viribus.

26 Exsurge genitor, et vigore corporis
Animique cassos subleva :

Clemens bonusque nos ab hostis impiis
Immanitate libera.

PSAL. XLV.

- 1 **C**OR micat, exsultant frepidis præcordia fibris,
Eruçantque novum gravido de pectore carmen:
Certat lingua animum fando, manus æmula linguam
Scribendo exæquare, meo nova carmina Regi
- 2 Dum cano: Regi, hominum cui nemo è semine cre-
Audeat eximie contendere munere formæ: [tot
Quem decorat lepor, et roseis affusa labellis
Gratia; cui rerum cœli indulgentia spondet
Hunc fore perpetuum longæva in sæcla tenorem.
- 3 Ergo, armis invictæ heros, age, fortibus apta
Ensem humeris: enses, per quem te gloria cœlo
Æquat; et adversum fideles fer pectus in hostem.
- 4 Fræna tibi currus verum moderetur et æquum,
Et quæ præcipitem clementia temperat iram.
His ducibus tibi surget honos, tua dextera factus
Clara per ignotas fundet miracula terras:
- 5 Cordaque vulnificis figens inimica sagittis,
Sponte tibi coges validas procumbere gentes.
- 6 Nec maris aut terræ spatium, nec terminus æv-
Finiet imperium, sceptri modelamine iusti
Quod regis, et leges mollis clementer acerbis.
- 7 Te super æquævos omnes regnator olympi
Diligit, et læto vultum exhilaravit olivo.
- 8 Unde tui mulcent populi nova gaudia mentes,
Pallia quum loculis tibi depromuntur eburnis,
Et myrrhæ passim lacrimæ, stactæque suavis
Halitus, et molles casæ funduntur odores.
- 9 Ancillæ apparent genus alto è sanguine Regum
Inter honoratas promptæ ad tua iussa ministras.
At Regina thori consors tibi dextrâ adhæret,
Auro picta sinus, æuro radiata capillos,

Misit ab Eois Ophyre quod flava caminis.

- 10 Tuque adeo Regina audi, et rem pectore conde;
Nec mea dicta nega placidas demittere in aures:
Jam nunc et patriam et patrem obliviscere, jam nunc
Ex animo caros penitus deponere propinquos: [gem;
- 11 Unum oculis specta, unum animo complectere Re-
Regem oculis animoque, tuo qui pendet ab ore,
Unius et pulchris defixus vultibus hæret. [ille
Hunc dominum agnosce, et supplex venerare; nec
- 12 Officio studioque tibi concedet: et illa
Undarum regina Tyrus te murice et auro
Accumulans colet: et vicina per oppida latè
Procumbent tibi suppliciter gazisque potentes,
Aut opibus clari: meritumque feretis honorem
- 13 Hunc populi. Pharii proles generosa tyranni
Tota decens, tota est gemmisque insignis et auro;
Et facies cultum illustrat, facieque decorâ
- 14 Pulchrior est animus. Tibi, Rex, en ducitur uxor,
Dives opum, dives pictæ vestis et auri,
Virginibus comitata suis, de stirpe propinquâ;
- 15 Virginibus, quas pompa frequens clamore secundo
Insequitur, plausuque fremens lætæque choreæ
Cantibus augustam lætas deducet ad aulam.
- 16 Neu desiderio nimium tangere tuorum,
Virgo, tibi dulcem patrisque et matris amorem
Leniet adnascens sobolis generosa propago:
Quos regere imperio terras, totumque per orbem
Adspicies populos sceptris frænare superbos.
- 17 Nec tu carminibus, Regina, tacere nostris:
Quæque patet tellus liquido circumsona ponto,
Posteritas te fera canet: dumque aurea volvet
Astra polus, memori semper celebrare famâ.

PSAL. XLVI.

- 1 **Q**UOM maniat nos præsidio suo,
Virtute firmet, cum gravis intonat
Procella, fortunæ periclis
Eripiat dominator orbis,
- 2 Nullam expavemus vim : quatiat licet
Orbem tumultus, terraque sedibus
Convulsa, montium ruinis
Arctet aquas pelagi frementis :
- 3 Infana quamvis æquora sæviant,
Et vorticoso gurgite torqueant
Spumamque limumque, et procellis
Terrificis scopulos flagellent.
- 4 Nam civitatem, cui Deus unice
Indulget, aris et propriam suis
Dicavit, argenti pererrans
Lympha fugax hilarat liquore.
- 5 Occulta ne vis, aut timor hosticus
Urbis quietem sollicitet, Deus,
Gentis suæ intentus saluti,
Prævenit auxiliis pericla.
- 6 Gentes tumultus concitet impias,
Et regna belli concutiat furor,
Flammis fremit cælum coruscis,
Terrificet labefacta tellus :
- 7 Hac et duelli, pacis et arbiter
Stat, præliorum qui regit exitus,
Munimen, et nostræ salutis
Præsidium, Deus Abrahami.
- 8 Venite, adeste, et cernite non prius
Audita, mira, incognita, quæ Deus
Patravit in terris, ab ortu
Solis ad Hesperium cubile.
- 9 Funesta belli incendia sustulit,
Fregit cruentæ spicula lanceæ,

Contrivit arcus, et volucres
In cinerem minuit quadrigas.

- 10 Sedate motus mentis, ait Deus,
Measque vires noscite, quem colet
Quocunque sub cœlo repõstas
Gens hominum colit orbis oras.
- 11 Hac et duelli, pacis et arbiter
Stat, præliorum qui regit exitus,
Munimen, et nostræ salutis
Præsidium, Deus Abrahami.

PSAL. XLVII.

- 1 **T**ELLURIS omnes incolæ
Deo canoros edite
Plausus, canoris pangite
Læti Deum præconius :
- 2 Deum verendum et arduum,
Malisque formidabilem,
Qui regna fastu turgida
Frænat potenti dexterâ :
- 3 Qui bellicosa compulit
Parere nobis oppida ;
Nostrumque gentes inclytas
Armis coegit sub jugum :
- 4 Hæreditatem qui suam
Nobis colendam credidit ;
Unde Isaci nepotibus
Æterna fulget gloria.
- 5 En templa scandit prævio
Lætum canente classico ;
En scandit auctor omnium
Vulgi secundis plausibus.
- 6 Cantate læta carmina
Deo, canora carmina
Cantate ; Regi psallite

Jucunda vestro carmina :

7 Qui sceptrā rerū temperat,

Ac regna terræ-dividit,

Docti modorum dulcibus

Hunc ferte in astra cantibus :

8 Qui dirigit mortalium .

Res, et salubri vinculo

Legum coercet, lucido

E siderum prætorio.

9 Ad hunc potentes gentium

Se contulere principes ;

Ultroque colla sub jugum

Rerum dedere præfides.

Nostrum Deum diis cæteris

Sublimiorem agnoscite,

Cælum, solumque, et fidera

Suo regentem numine.

PSAL. XLVIII.

1 **R**ECTOR beate cœlitum, cui nil viget

Simile aut secundum ; cœlitum

Beate rector, sancta jure te Sion

In astra tollit laudibus :

2 Sion opacam versa ad arcton, regia

Formosa Regis optimi ;

Sion voluptas gentium, uberis soli

Arvis beatis accubans.

3 Sensere Domini vindicis potentiam

Solymæ superba mœnia :

4 Sensere numen, quum feroces viribus

Coire Reges, copiis

Castrisque juncis, servitutem civibus

Tuis minati et vincula.

5 Perstrinxit oculos intuentium stupor,

Et horror artus perculit :

- 6 Quales tremores querulus excitat dolor
Vexante partu foeminas :
- 7 Pavorque trepidâ sparfit attonitos fugâ,
Enri procella ut æquora
Excita ab imis penitus evertens vadiis,
Trepidâs carinas dissipat.
- 8 Hæc facta priscis rettulere seculis
Parvis parentes liberis :
Hæc nos in urbe vidimus. Dei, ratio
Qui frænat orbem legibus ;
Hæc urbe in illâ vidimus, cui pervigil
Deus ipse custos excubat.
- 9 O sancte rerum genitor, in rebus malis
Tuam advocamus dexteram ;
Tuas ad aras supplices advolvimur.
- 10 O rector orbis optime,
Tua laus per oras ultimas mundi, et tuæ
Imago fulget gloriæ
- 11 Et æquitatis. Te scelestos verberare
Plectente iusto, gestient
Colles Sionis : nec feret tacitum suum
Judæ propago gaudium.
- 12 Ite, et Sionem obambulate, moenia
Spectate, turre arduas
- 13 Numerate, fossam et aggerem intuemini,
Molesque celsas ædium.
Narrate natis, posterorum ut audiant
Et obstupefiant secula ;
Solumque noscant et colant nostrum Deum,
Ortusque finisque inscium :
- 14 Qui sempiternus sempiternâ nos ope
A fraude vique proteget.

PSAL. XLIX.

- 1 **A**UDITE gentes, ortus et occidere
Advertite aures, et medio dies
Quos torret axe, et qui vitreum solum
Ponti rivali finditis orbitâ.
- 2 Audite, sive ignotus, et infimâ
De plebe pauper, sive opibus potens,
Multâque fulges plebe clientium,
Aurique gazis ditibus incubas.
- 3 Fontes recludam jam sapientiæ,
Plenoque promam pectoris e penu
4 Prudentiam : jam lingua recondita
Oracula gestit carmine pandere.
- 5 Cur congerendis me cruciem bonis,
Famemque et acrem pauperiem tamen,
Ut vita curis anxia tristibus
Me tristiorẽ trudad ad exitum ?
- 6 Gemmis et auro et murice divites
Superbientes adspice, qui sibi
Gaudent beato plaudere somnio,
Tutosque fluxis credere se bonis.
- 7 Germanus auro non redimet suum
De morte fratrem ; nec pretio Deum
Donisve flectet fata retexere,
Ut membra liquit frigida spiritus.
- 8, 9 Sed nec perennes interitûs moras
Dives pacisci, nec potis est putres
Ne solvat artus tempus edax : vetat
Id lege durâ fixa necessitas.
- 10 Mors æqua stultis et sapientibus
Intentat arcum : par manet exitus
Vitæ hos et illos : occupat improbis
Ignotus hæres parta laboribus.
- 11 Villæ superbæ delicias breves,
Luxuque structas regifico domos

Linguunt; sepulchrique irremediabilis
Tenebrosos sub latebris jacent.

- 12 Quid fama duris parva laboribus
Prodest? inanis quid tituli decus?

Quid aura blandæ laudis, et ambitus
Nomen futuris prodere seculis?

Quum vani honoris ver breve floruit,
Lethale spirans mortis hiems, viros
Et bruta raptans interitu pari,
Oblivionis nube pari premit.

- 13 Hac stulti serunt; hanc male providos
Ducet nepotes error in orbitam:

- 14 Quos mors sepulchri sub scrobe conditos
Depascet, imbelles ut oves lupus.

Æterna cœli temperies pios
Manes fovebit lucis in aureæ
Splendore: qualis manè fluit nitor
Per prata vernis picta coloribus.

Stultis senectus robora deteret,
Pro sumtuosis bustum erit ædibus:

- 15 At me benignus de barathri cavo
Specu remissum suscipiet Deus.

- 16 Nec te cupido fauciet æmula,
Stuporve, si quæm videris impiâ
De plebe fluxis conspicuum bonis,
Clarumve multâ fulgere gloriâ.

- 17 Quum dexteram mors illacrymabilis
Injecit, ex tam divite copiâ
Secum sub umbras nū feret; et comes
Infida bustum gloria deferet.

- 18 Dum commœantis pectora spiritus
Haustu calescunt; perfruitur bonis,
Seseque curat molliter, et monet
Omnes eundem pergere tramitem.

- 19 At quum parentes cesserit ad suos,

Longum, dolebit stultitiam brevem,
Ad regna tractus lucis egentia,
Quæ semper horror nubilus obidet.

- 20 Rectrix honoris ni sapientia
Accesserit, brutis homo bestius,
Nil interest; quos vita facit pares,
Exspectat æque inglorius exitus.

PSAL. L.

- 1 **Q**ui frænat æquis legibus arbiter
Superba regum colla minacium,
Vocabit in ius orbem ab ortu
Solis ad Hesperium cubile.
- 2 Vultu verendo tum sacer, ardua
Pulchræ Sionis de speculâ loquens
Ad gentis humanæ coactum
Concilium Deus ora solvet.
- 3 Non facta semper, non finet impia
Impunè grassari, veniet Deus;
Flammæ vorax illum antecedet
Vis rapidis agitata ventis.
- 4 Testes vocabit, cum populo suo
Acturus, ignes, lumine conscio
Qui cuncta despectant ab alto, et
Omniparæ sola vasta terræ.
- 5 Adeste primum gens mihi propria,
Gens sancta, dicet, cui super hostiis
Legem dedi ritè offerendis,
Perpetuum pepigique fœdus.
- 6 Hic æquitatem iudicis igneus
Miratus æther, justitiam Dei
Annunciabit: nam sedebit,
Ne dubita, Deus ipse iudex.
- 7 Audi Abrahami progenies boni,
Peculiaris gens mihi: te voco,

Testem benignitatis in te
Perpetuæ, et soliti favoris.

8 Non arguam te, quod mihi victimæ

Cruore raro altaria sparseris,

Aut parcus armenti cremâris

Rara sacris holocausta flammis.

9 Non taurum egens te de stabulis peto,

10 Hircumve caulis : omne pecus meum est.

Quod montium anfractus pererrat,

Quod nemorum tegitur latebris.

11 Nec me volucris rupis in edito

Usquam recessu modificans latet ;

Non ulla picturato amictu

Ruris avis genialis hospes.

12 Quod si esurirem, scilicet ut petam

A te necesse est, arbiter ætheris,

Terræ, fretique, et quicquid ingens

Orbis habet gremio triformi ?

13 Taurine vescor carnibus, aut bibo

14 Hirci cruorem ? pectore candido

Grates age, et quovis listabis

Ritè Deo sine cæde voto.

15 Tum deprehensus rebus in asperis

Securus implora : auxilium feram,

Grates ut acceptâ salute

Lætas agas, Dominumque laudes.

16 At impium sic alloquitur Deus ;

Quâ fronte leges tu recitas meas ?

Et ore sanctum impurus audes

Sactilego memorare fœdus ?

17 Tu legum habenis impatiens regi,

Et institutis, moribus et bonis

Juratus hostis, voce laudas,

Tecum animo mea verba rides.

18 Cum fure furti cōsiliū cois,

Mœchis adulter te socium applicas :

19 Ad probra projectus, dolosâ

Perniciem meditâre linguâ.

20 Cum fratre juncti vincula sanguinis

Oris procacis non rabiem premunt :

Infamiâ germanum eodem

Dedecoras utero creatum.

21 Et arbitraris me similem tui,

Quod perpetrata hæc dissimulaverim ?

Ne crede : tecum expostulabo,

Ante oculos tua facta ponam.

22 Considerate hæc vos, quibus excidit

De mente cæcâ mentio numinis :

Ne, quum prehendam, nemo sit qui

De manibus mihi prensa tollat.

23 Si victimam vis magnificam mihi

Mactare, laudes canta, age gratias :

Hac itur ad certam salutem,

Hæc superos via pandit axes.

PSAL. LI.

1 O SALUS rerum, lacrymis precantûm

Mollibus flecti facilis, rogantem

Lenis exaudi, scelerumque tetras

Ablue sordes.

2 Usque peccati lave et usque labem,

Dum repurgatum maculis pudendis

Purius corpus niteat recocto

Ignibus auro.

3 Nam meam agnosco, (pudet heu pigetque,)

Ah miser labem : vitii que fœda

Mentis obversans oculis imago

Semper oberrat.

4 Unus arcani es mihi testis ; unus

Arbiter verax, temerario ausu

Improbas linguas tua judicantem

Facta refutas.

5 Quippe jam primo scelus usque ab ortu

Hæret, infectas vitians medullas :

Deque conceptu genericis hausi

Semina labis.

6 At tibi cordi est sine fraude veri

Simplicis candor, fideique certæ

Puritas, nullo labefacta duri

Turbinis ictu.

Hanc facis tanti, vitiis ut atris

Oblito, legum sapientiaque

Tu mihi arcanæ facis beatum in-

dulseris haustum.

7 Ergo me hyssopi, sator alme, iuxta

Frondis adspersu : maculaeque cedent,

Membra candorem tibi lota vincent

Pura nivalem.

8 Si bonus lætum placidusque mittas

Nuntium, tristem mihi recreabis

Gaudio mentem : Cupidos recurret

Robur in artus.

9 Ne meos lapsus oculis acutis

Semper observa, numerave labe :

Sed malæ culpæ nimium tenaces

Ablue fordes.

10 Cor mihi rectum, scelerisque purum,

O potens rerum genitor, refinge :

Spiritum firmum renova novatâ

Cordis in aula.

11 Neu mihi avertas faciem, tuoque

Arceas vultu procul, auferasque

Spiritum sanctum, calidâ incitatus

Rursus ab irâ.

12 Redde, speratæ solido ut salutis

Gaudio per te fruar ; inquieti
Spiritu motus animi rebelles.

Principe firma.

- 13 Tum meo exemplo moniti scelesti,
Quos viâ flexit malefuadus error,
Denuò legum, duce me, tuarum,
Jussa capeſſent.

- 14 Expia noxâ mihi, ſoſpitor,
Cædis infandæ caput obligatum, ut
Te canam juſtum, pariterque lapſis
Parcere largum.

- 15 Tu viam vocis mihi pande ; mutum
Tu Deus linguæ moderare plectrum :
Tum feram latè tua magna gentes
Facta per omnes.

- 16 Victimæ ſi te caperent, dediſſem
Victimam : ſed te neque ſanguis hirci
Fuſus, aut ſacris holocauſta placant
Addita flammis.

- 17 Pœnitens fraudum ſclerumque pectus,
Spiritus fracti, mala cor peroluſum,
Hæc Deum placant : adhibe hæc, et abſque
Thure litabis.

- 18 Gentis humanæ bone dux, Sionem
Quo ſoles vultu facilis tuere ;
Pace florentes Solymæ beatæ,
Protege turres.

- 19 Tum tibi votis bona meſs pudicis
Sæcra perſolvat ; ſacer hircus ignes
Paſcet, et ſanguis vituli calentem
Imbuet aram.

PSAL. LII.

- 1 Quid gloriaris impie
Tyranne pravis artibus ?

Innoxius clementia

Divina semper excubat.

2 Tua lingua semper fraudibus

Intenta comminiscitur

Nefas, nitente cotibus

Acutior novacula.

3, 4 Te prava rectis plus juvant,

Plus falsa veris recreant ;

Dolisque pestilentibus

Libenter aurem commodas.

5 Ergo Deus te conteret,

Hominumque contubernio

Eliminabit, ac domum

Evertet omnem funditus.

6 Justus videbit, et gravem

Dei pavebit dexteram ;

Vanæque dignos exitus

Ridebit impotentia.

7 En ille gazis, inquiet,

Malisque fidens artibus,

Securus ille numinis,

Divinæ opis nil indigens.

8 Ego, cœu virens olivula,

Domini in agello confita,

Florebo, spe fretus bonæ

Cœlestis indulgentiæ.

9 Te semper in cœtu pio

Fraudis scelestæ vindicem

Canam ; et tuæ clementiæ

Spe dura cuncta perferam.

PSAL. LIII.

1 **O**PINIONUM fœda mentem tóxico,

Corpusque seclerum fordibus

Contaminata turba, vela dum cupit

H ij

- Suo furori obtendere,
Ferri ac referri fortis arbitrio omnia
Humana comminiscitur.
Ergo exsoluta numinis formidine,
Dat fræna turpitudini;
Scelesta, fœda, abominanda excogitat.
Excogitata perpetrat.
- 2 Ex arce celsâ siderum deflexerat
Dominus in orbem lumina,
Si quem videret fortè non penitus malis
Corruptum opinionibus,
Qui mentis oculis omnium fideliter
Rerum parentem quæreret.
- 3 Erroris omnes nubili fallacibus
Fraus illigârat cassibus:
Se cuncti eisdem polluère sordibus,
Nec recta cuiquam curæ erant.
- 4 Ergo ille mitis, ille munificus parens,
Irâ incitatus asperâ,
Gens, inquit, ista plena scelerum ac sordium,
Crudelis animo, et impia,
Quæ panis instar devorat plebem meam,
Ecquando cognoscet Deum?
Ecquando mentis lumine in periculis
Agnoscat orbis arbitrum?
- 5 Certè timebit non timenda, et conscius
Vexabit horror pectora:
Nam Dominus ossa conteretque, et hostium
Aufus retundet impio.
Vultum pudoris turpibus sparget notis:
Turbabit animum infamiâ.
- 6 En unquam Eo lucifer salutifer
Ab axe promet hunc diem?
Ab arce Dominus quum Sionis arduâ
Speratam opem feret suis.

Patriæque vinclis liberos hostilibus
Reddet nepotes Ifaci;
Electa laudes illius gens ut canat
Perfusa vero gaudio.

PSAL. LIV.

- 1 **R**ERUM parens me protege,
Et sævo ab hoste libera;
Nomen boni ut colant tuum,
Et vim paveſcant impii.
- 2 Audi benignus supplicem,
Nec durus aurem queſtibus
- 3 Occlude: vitæ nam meæ
Crudelis hostis imminet.
Infestus hostis imminet
Vitæ meæ: nec vindicem
Dei potentis dexteram
Sibi imminentem respicit.
- 4 Rerum sed æquus arbiter
Opem feret; periculis
Me liberatum fulciet,
Et ſospitem tuebitur.
- 5 Suis peribit artibus
Sceſta fraus, et incident
In ipſa cæci retia,
Quæ clam mihi tetenderant.
- 6 Liber periclo, victimis
Te munerabor; te canam
Patrem, bonis placabilem,
Malis que formidabilem:
- 7 Qui libero moleſtiis
Mihi dedisti gaudia
Haurire læto lumine
De clade gentis perſidæ.

PSAL. LV.

- 1 **C**OELITUM rector bone, mitis aurem
 Admove in rebus trepidis vocanti,
 Neu meos vultu tetrico severus
 Despice questus.
- 2, 3 Adspice attentus mihi quo tumultu
 Æstuet pectus; gemitu dolores
 Quo fremant, dum vis mihi fraudque sævi
 Imminet hostis.
 Imminet sævus capiti tyrannus,
 Et meæ famæ meditatur atrox
 Crimen, et secum furit impotenti
 Turbidus irâ.
- 4, 5 Cor micat, nervis trepidant solutis
 Ossium nexus, animus labascit,
 Semper et pallens oculis oberrat
 Mortis imago.
- 6 Ergo sic mecum loquor: O quis altos
 Nubium in tractus celeri columbæ
 Me levet pennâ, nemorum et remotis
 Sistat in antris!
- 7, 8 Ut procul curâ trepidâ metuque
 Montium solos habitem recessus,
 Oclor ventis ferar et corusci
 Fulminis alis.
- 9 O Deus linguas malè perde pravas,
 Illitas linguas gelido veneno:
 Quæ dolis, probis, rabidisque vexant
 Litibus urbem.
- 10 Sive lux fundat radios micantes,
 Sive nox fundat tenebras opacas,
 Excubant muris maledicta, vicis
 Omnibus errant.
- 11 Vis, furor, fraudes, scelerum libido
 Obsidet cunctos aditus viarum,

Et fames auri miseram trahidans
Fœnore plebem.

12 Si palam fœvos inimicus enses
Stringeret, si etiam laqueos pararet,
Dente si famam petoret maligno,
Æquior essem :

13, 14 Tu mihi insultas comes et sodalis,
Testis arcani taciturni, et auctor
Consilii, sacre totiesque junctus
Fœdere mensæ.

15 Gentis humanæ moderator, orbem
Qui saluari regis æquitate,
Fraudis auctores scelerumque vivos
Obrue terrâ.

16, 17 At mihi attentam dabis æquus aurem,
Sive lux promat radios ab undis,
Sive lux condat radios sub undis
Vespere fero.

18 Inter hostiles dabis ut tumultus
Tutus evadam : mihi nam superbis
Viribus fretus numeroque fœvus
Imminet hostis.

19 O potens rerum, sine fine pœniæ
Tu premes justis scelus impiorum,
Arrogans pectus quibus obstinatâ
Intumet irâ.

20 Pace qui fictâ simulant amicæ
Mentis affectus, animoque virus
Occulunt, prisco neque facta curant
Fœdera ritu :

21 Lactens blando fluit ore rivus ;
Bella cor spirat fera, suaviorque
Balsamo fermo fecat instar ensis
Vulnere cæco.

22 Tu tui curam Domino relinque,

Is tuos gressus reget, is dolores
Leniet, justumque ope sublevabit
Rebus in arctis.

- 23 Impio, fallaci, avidoque cædis,
Fila mors rumpet viridi in juventâ :
Me tui, rector bonæ, spes favoris
Certa fovebit.

PSAL. LVI.

- 1 **O**RBIS creator me bonus adspice,
Injurioso quem pede prorutum
Hostisque conculcat, premitque
Assiduus agitans periculis.
- 2 Conculcat hostis me numero ferox,
Et insolenti sævitiâ premit :
Nec liberas lucas laborum,
Nec vacuas finit ire noctes.
- 3 Seu luce terror sollicitus mihi,
Seu nocte circumstat, pater optime,
Spes rebus in duris mihi una,
Et columen superas salutis.
- 4 Te fretus uno, pollicitis tuis
Innixus unis, nec metuam dolos
Mortalium cæcos, minasque
Terrificas, et aperta bella.
- 5 Calumniantur quæ loquor omnia,
Pravæque carpunt facta libidine :
Huc conferunt omnem laborem, ut
Exitium mihi moliantur.
- 6 Coetusque cogunt, et capiti meo,
Quâ fraude, quâ vi, jugiter imminent :
Vestigia observant, nec horam
Insidiis vacuam relinquunt.
- 7 Impunè tantam nequitiam ferent ?
Pravique fructum consilii legent ?

O arbitror mundi, nec illos

Præcipites agis in ruinam?

8 Meos labores tu numeras, fugas:

Unâ repôstas tu lacrymas meas.

Servas: apud te certa constat

Usque mei ratio doloris.

9 Aurem vocanti tu facilem mihi

Das, etque inanes spes facis hostium:

Et signa non obscura amici

Das animi, et stabiliæ favoris.

10, 11 Te fretus uso, pollicitis tuis

Lanixæ usæ, nil tectum doles.

Mortalium cœco, minasque

Terrificas, et aperta bella.

12 Te semper argo carmine patrio

Laudabo, vitæ præsidium meæ:

Ex hostium fœne delisque

Incohæmæ tibi vota reddam.

13 Te liberatus vindice, te meum

Firmantem grossum, ne titubent pedes,

Dum spiritus fovabit artus,

Iussu sequar tua, rector orbis

PSAL. LVII.

1 SANCTE parens miserere anime pereuntis, et om-

In te salutis, quæ locavit spem suam: [nem]

Meque tuis aliis tectum defende, propellæ

Dum sævientis impetus deserreat.

2 Te voco, te, (solare in rebus quod restat egenis,)

Appello, supplex et tuam implo ro fidem:

Te voco, qui cumulata mihi promissa refundes,

Et cœpta ducēs prosperos ad exitus:

3 Qui mihi subsidium è cœlo præbebis, et hostis

Jamjam imminentis liberabis faucibus:

Qui debis auxilium ex adyto sublimis Olympi.

Memorque fidei et pristinae clementiae.

- 4 Inter enim saevos habito feritate leones :
Flammam vomentes versor inter belluas,
Lingua quibus saevo proscindit acutiùs ense,
Dentes sagittis, lanceaeque cuspidè.
- 5 O Deus augustum cello caput exsere caelo :
Ostende ferris gloriae jubar tuæ.
- 6 Explicuere meis pedibus sua retia : terræ
Me saevus hostis penitus afflictum premit,
Et scrobibus fossis iter obsedere : sed ipsi
Mihi paratas in scrobes cæci ruent.
- 7 Mens invicta malis, animi vigor integer, orbis
Te voce rector, te celebrabit lyra.
- 8 Eia age depositis mens expergiscere curis,
Et tu canora barbitos cum nabliis.
Ociùs auroræ quàm lucifer excitet ignes,
Aurora cantus quàm voluorum exfulcitet ;
- 9 Te, pater alme, canam : populos tua facta per om-
Quàcunque tellus panditur, vates feram. [nes]
- 10 Nam tua fiderei bonitas fastigia cœli,
Fidesque tractus nubium supervolat.
- 11 O Deus augustum nitido caput exsere cœlo,
Ostende terris gloriae jubar tuæ.

PSAL. LVIII.

- 1 **Q**UI jura cello de folio datis,
Qui fræna legum flectitis, en erit
De plebis ut caussis egenas
Judicio statuatis æquo ?
- 2 Quin mente pravâ nequitiam et dolos
Versant, sub umbrâ justitiæ tegunt
Injuriam : factis honesti
Objiciunt speciem pudendis.
- 3 Maternâ ab alvo flagitii viam
Sensim sequuntur : perque suos gradus

Obliqua sectandi libido.

Cum teneris adolefcit. annis.

4, 5 Linguâ venenum pestiferâ gerunt :

Auresque claudunt consiliis ; velut

Obturat aures callida aspis,

Quæ magicos metuit, fufurros.

6 Confringe malas, ô Deus ; impudens

Os comminutis contere dentibus ;

Et rictibus sævis hiantes

Hos inhîbe catulos leonum,

7 Emissa fractâ cuspide spicula

Intercidant, nec vulnèra perferant :

Ipsique vanescant repente,

Per bibulas velut unda arenas.

8 Sensim liquefcant, tandigradus velut

Limax : acerbo funere deferant

Vitale lumen, more foetus

Ante suum pereuntis ortum.

9 Florentis ævi in limine, turbinis

Vis atra tollat progeniem, prius

Quàm furculus spinas tenellus

Exferat, et stimulis acutis,

Fœcundâ latè brachia porrigat.

10 Justique pœnæ vindicis exitum

Læti videbunt, impiique

Sub pedibus fluvium cruoris,

11 Vitæ bene actæ gens hominum sciet

Manere justos præmia : at impios

Manere pœnas, arbitrumque

Esse Deum sciet orbis æquum.

PSAL. LIX.

1 A^B hostis inclementiâ

Me rector orbis asserere :

Defende vim crudeliter.

Me semper oppugnantium.

2 Ab improbis me protege

Lætis cruore mœoxio,

3, 4 Meæ salutis per dolum

Qui cæca tendunt retia.

Ultrò immiserentis in caput

Consilia cuncta conferunt :

Exsurge, teque pessimis

Fer obuiam conatibus.

5 O arbiter mortalium,

Et agminum cœlestium,

Favore semper qui pius

Pœculiari amplecteris,

Exsurge, pœnis impias

Compesce gentes : periculis

Neu parce, qui sibi favent

Nefanda quum patraverint.

6 A sole Eo ad Tiberim

Perambulabunt compita,

7 Et instar oblâtrantium

Canum feroces obstreperant.

Nihil nisi merum crepant.

Ferrum, cruorem, vulnèra :

Et quæ loquuntur propalam,

Clam posse rentur obui.

8 Meæ salutis tu Deus

Tutela præsens, irritas

Ridebis iras, et tuâ

Me dexterâ tueberis.

9 Tu robur es meum, intè

Vires, et arx fiduciæ :

Ergo quieto pectore

Exspecto spe tui auxilii.

10 Discrimina imminèntia

Ope antevertes : et malis

- Fractâ hostium superbiâ,
Læto fruar spectaculo.
- 11 Ne proflus impios tamen
Unâ ruinâ elimina,
Oblivioso ne pîi
Torpore recta negligent;
Sed error illos dissipet
Vagos per orbis ultimas
Oras : tuâque dexterâ
Semen pîorum proteges.
- 12, 13 Ob oris arrugantiam,
Virusque linguae noxium,
Mendacia et perjurâ,
Consume semen impium :
Evelle stirpe ab ultimâ
Iusti furoris impetu,
Ut nôrit orbis ultimus
Deum bonorum vindicem.
- 14 A sole Eoo ad Hesperum
Perambulabunt compita,
Et instar oblatrantium
Canum procaces obstrepent.
- 15 Passim vagati, pauperem
Victum ut parent, sub vespere
Serum petant cubilia,
Victûs egentes pauperis.
- 16 Ego interim Deum canam,
Fortem, bonumque in asperis
Rebus suorum vindicem,
Fidumque propugnaculum.
- 17 Deum canam, qui robore
Me fulcit, auget viribus,
Benignitate sublevat,
Tuetur arx ut ænea.

PSAL. LX.

- 1 SANCTE parens, nostris vitis offensus, abactos
Pressosque duris dissipasti nos malis :
Placatus mitisque veni, jamque immemor iræ
Salutis auctor ad tuos revertere.
- 2 Omnis ager rimis te conruente dehiscit :
Committe rimas, refice quassatum solum.
- 3 Dura tuæ genti spectacula ferre dedisti
Inebriatæ poculo formidinis :
- 4 At trepidos tandemque animi miseratus egenos,
Signum salutis efferes : qui te colunt,
Veridicis freti oraculis, formidine mersum
Erigere rursus audeant ut verticem :
- 5 Eripiasque tuos gelidi formidine lethi
Præsens, et opifer invocantes ausilias.
- 6 Audiit, ex adytoque Deus flammantis Olympi
Vocem rependit gaudii prænuntiam.
En tibi frugiferos Sichimæ dispersit agros :
Vallem Sucothi metiar decempedâ.
- 7 Nonne mihi parent Jacobi pignora, quisquis
Vel pecore tondet arva, vel vomere secat ?
- 8 Oppida sub pedibus Syriæ calcabo superbæ,
Moabum, Idumen, et Palæstinas domos.
- 9 Quis mihi pandet iter munitas ductor ad arces ?
Muros Idumes divitis quis diruet ?
- 10 Quis ? nisi tu nostræ gentis, Deus unice, tutor,
Qui nos premendos hostibus reliqueras,
Offensus vitis pravis ; nec in arma ruentes
Nostros præibas dux, ut antè, exercitus.
- 11 Nunc pater auxilium rebus bonus adfer in artibus :
Humana fallax credulos spes decipit.
- 12 Te duce, victrici decorati tempora lauro,
Pedibus prememus hostis arrogantiam.

PSAL. LXI.

1. **A**UDI vocantem me bonus, et misericors
Intentus aurem de precibus, Deus.
2. Projectus oris orbis in ultimis.
Ad te recurram rebus in asperis.
Me fiste rupis culmine in arduo.
3. Procul periculis : semper animi tui
Spe fretus, hostis tutus ab impetu.
Munitus ut arctis praesidio fui.
4. Tentorio fac semper ut in tuo
Degam, sub alio protegar et tuis :
5. Qui lenis aurem de precibus meis,
Qui vota letum ducis ad exitum.
Frænare sceptris te metuentium.
6. Hereditatem das mihi : regiae
Tu longa vitæ tempora porrigena
Nectes peractis secula seculis.
7. Securus ut te perpetuo colat
Rex, liberalem porrige dexteram
Fortunâ in omni : quâque soles fide
Fac ut fruatur pollicitis tuis.
8. Ac tum periculis liber ab asperis,
Te voce, dulci te citharâ canam,
Pacti tenacem, et munificens tuis ;
Et vota ad aras perpetuo feram.

PSAL. LXII.

1. **M**ENS acquiescit unice mea in Deo :
2. Hinc spes salutis, arduis
In rebus arx hæc : tutus hoc munimine
Nullum tremiscam ad impetum.
3. Quousque tectis fraudibus subvertere
Innoxium tentabitis ?
Pœnas daturi mox et ipsi, improvidi
Jamjam imminentis exitus,

Proni in-ruinam incumbitis, ceu moenia
Saxis solutis putria :

4 Et interim omnes corporisque et ingent-
Vires eò contenditis :

Vobis placetis fabulis vanis, gradu
Turbetis impii ut pium.

Clam devovetis corde tacito, propalam
Laudatis ore subdolo.

5 At tu acquiesce mens mea in Deo tamen :

6 Hinc spes salutis, ardua
In rebus arx hæc ; tutus hoc munimine
Nullum tremiscam ad impetum.

7 Spes inde vitæ et gloriæ pendet meæ,
Et roboris fiducia.

8 Quocunque coeli gens colis sub fidere,
Huic crede rem, sobolem, domum ;

Omnes ad illum mentis ægritudines,
Et læta defer et refer :

Semperque præsens numen ejus omnibus
Adeste ceptis senties.

9 Ventosa regum et principum potentia
Est vanitate vanior,

Adeoque fumo levior : ut si principum
Hac lance vires omnium,

Inanitatem hæc colloces, cunctis simul
Inanitas præponderet.

10 Ne firma spera parta per vim ; ne nimis
Confide stultis viribus.

Opes abundant affluenter ? ne bonis
Da rebus animum credulum.

11, 12 Semel est professus, nec semel tantum Deum
Id profitentem audivimus,

Se posse solum cuncta, se solum bonum,
Et arbitrum rerum unicum ;

Bonis benignum semper et placabilem,
Malisque formidabilem.

PSAL. LXIII.

- 1 **D**EUS, salutis auctor et custos meus,
Te veneror roseus quum fugat astra dica.
Te mens anhelat, membra sitiunt languida,
Terra velut pluvias arida querit aquas.
- 2 Quamvis arenas aridas aestu colam,
Præsentem Dominum mens videt usque meum;
Non aliter adyta arcana quàm si conspicer
Numinis adservant quæ monumenta tui.
- 3 Nec dulcis æquè est vita quàm benignitas,
Quâ vitam munis prosequerisque meam.
Ergo remotis, dissitus quamvis locis,
Præsidio tutus te celebrabo tuo:
- 4 Tui sonabunt nominis præconia,
Quæ dederis vitæ tempora cunque meæ.
- 5 Nec victus æquè recreat corpus, tuo
Excitat ut mentem laus celebrata meam.
- 6 Tu nocte carmen, manè tu carmen mihi es:
- 7 Tu trepido præsens fers mihi semper opem,
Securus alis conquiesco sub tuis;
Teque procul curis et tua facta canam.
- 8 Te querit animus, te colit, te deperit:
Tu validâ fulcis me, pater alme, manu.
- 9 At qui laborant per nefas me perdere,
Consiliis pravis digna ruina premet.
- 10 Ferro profundent spiritum nefarium;
Membra dabunt avidis dilanianda lupis.
- 11 Rex lætus autem vindicem agnoscet Deum,
Et quicumque Dei numina ritè colunt:
Metu stupentes conticescent impii,
Spe stolidâ fluxis qui tumuere bonis.

PSAL. LXIV.

- 1 **A**UDI, sancte parens, non tetricus preces
Te poscentis opem rebus in asperis :
Et fallacis ab hostis
Vitam fraudibus eripe.
- 2 Pravorum tacitis factio me dolis
Oppugnat ; trucibus consiliis fremunt,
Conspirantque scelesti ;
Tu me dux bonus eripe.
- 3 Linguas ceu gladios exacuunt suas :
Oris pestiferi verba nefaria
Intentant, medicata
Tanquam spicula toxico ;
- 4 Ut rectos animi ex insidiis petant ;
Et securi avidâ mente coquunt nefas :
Nec quenquam malefacti
Formidant fore vindicem.
- 5 Designant animis horrificum scelus,
Et sævo laqueos consilio parant :
Inter seque loquuntur,
Nemo conscius hæc sciet.
- 6 Cor, mens, ingenium, consilium, labor,
Huc tendunt, facies ut scelerum novas
Et fraudum meditentur :
Hoc unum studium fuit.
- 7 Ast illos subiti cuspide spiculi
Incautos feriet magna Dei manus,
Et lethalia certâ
Figet vulnera dexterâ.
- 8 Spectantes gelidus corripiet timor,
Auctori exitium quum videant suæ
Dirum immittere linguæ
Virosæ mala toxica.
- 9 Gens humana tuæ robora dexteræ
Agnoscet, meritis laudibus efferet ;

Et mirabitur altæ.

Lumen perspicientiæ.

10 Iusti spes animos eriget, et Dei

Tutus præsidio lætitiâ fremet :

Et gaudentia corda

Vero simplice gestient.

PSAL. LXV.

1 TE manent laudes, Deus, in Sione :

Hic tibi castis operata sacris

Vota gens solvet tua, victimisque

Imbuet aras.

2 Quique tam præsens tibi supplicantum

Exitus votis tribuisti secundos,

Te petent gentes sub utroque mundi

Axe jacentes.

3 Nostra nunc iustis scelerata facta

Nos premunt pœnis : facilis querelis

Tu tamen flecti, mala servitutis

Vincula franges.

4 O quater plusquam quater ô beatos,

Quos leges, lectos facies amicos :

Ut colant puri tibi dedicati

Atria templi.

Illa lux felix, cumulata cunctis

Lux bonis, pectus satiabit ægrum

Gaudio, quæ nos reduces sacratâ

Sistet in æde.

5 Annues nostris facilis querelis,

Finium terræ Deus ultimorum

Spes, et extremas maris ambientis

Gurgite terras.

Tum stupor mentes quatiet tuentum,

O Deus nostræ columen salutis,

Te malis durum, miseris benignum,

Omnibus æquum.

6 Tu potens rerum, validisque pollens
Viribus, firmas stabili catenâ
Montium tractus, jugaque inquietis
Tunsa procellis.

7 Tu maris nigris agitata ventis
Terga componis : cohibes rebelles
Gentium motus, placidâque mutas
Pace tumultus.

8 Ultimi rerum tua signa norunt
Et pavent fines, quoties coruscis
Turgidum flammis fremuit sonoro
Murmure cœlum.

Quique Phœbeos habitant ad ortus,
Et quibus serâ face Phœbus undas
Tingit, auctorem te hilares fatentur
Lucis et umbræ.

9 Tu solum terræ sitientis imbrem
Lætus invisis, gravidæque nubis
De sinu fundis genitale pigros
Semen in agros.

Alveus plenus tibi semper anne
Turgidus lætâ novat arva fruge,
Floribus campos, nemorum virentes
Fronde recessus.

10 Rore tu levi sola contumacis
Maceras terræ, subigisque glebas ;
Ebrios fulcos viridante amictu
Messis inumbras.

11, 12, 13 Quæ feres gressus, renovabis annum
Fertilem frugum ; vegetansque foetus
Per cavas valles rignosque saltus
Impluet humor.

Gestiet pauper tuguri colonus,
Lactæ distentas comitans capellas ;

Mugient colles, et amica fessis

Silva juvenis.

Spes aratoris cupidas fovebit

Fluctuans latis seges alma campis :

Ut canat festâ tibi feriâtus

Carmen in umbrâ

PSAL. LXVI.

- 1 **I**NCOLÆ terrarum, ab ortu
Solis ultimum ad cubile,
Eia Domino pfallite.
- 2 Eia Domino jubilate ;
Nomen ejus, numen ejus
Ferte in astra laudibus.
- 3 Dicite illi ; Rector orbis
Sancte, quàm stupenda rerum
Est tuarum gloria !
Quanta virtus, quâ protervos,
Mente fractâ, cogis hostes
Supplices procumbere !
- 4 Te parentem læta honoret,
Te potentem prona adoret
Tota rerum machina.
Voce blandâ te canamus,
Barbitō dulci sonemus,
Carminumque cantibus.
- 5 Eia adeste, facta cunctis
Cernite admiranda seclis :
Acriterque expendite
Facta providi parentis,
Facta Domini consulentis
Arte mirâ servulis.
- 6 Vertit æquor æstuosum
Aridæ in campos arenæ :
Fluminis per alveum

Agmen ire gratulantū,
Ceu per arva sicca, fecit,
Stante fluctu languido.

7 Frænat unus orbem habenis
Sempiternis : intuetur
Et pios et impios.
Nec finit sibi rebelles,
Viribus fretos superbis,
Improbis votis frui.

8 Laus Deo nostro per omnes
Orbis oras : omnis unum
Laudet illum natio.

9 Morte liberavit unus.
Nos propinquâ : fulcit unus
Liberos firmo gradu.

10 Igne ut aurum, examinasti

11 Nos periclis : illigasti
Hostium nos cassibus.

12 Vincula lumbis, fræna malis
Sub tyrannis induisti
Impotentis imperi :
Sed per ignes, sed per undas,
Divitis tamen dedisti
Uber agri exercitis.

13 Ergo supplex introibo
Templa, victimasque cædam :
Vota supplex offeram.

14 Vota duris in periclis

15 Nuncupata : pinguis agnus,
Cornigerque agni parens,
Bos et hircus sanguine aras
Imbuunt : nec thura deerunt
De Sabæo stipite.

16 Dum Dei benignitatem
Explico in me, cuncti adeste

Qui Deum veremini.

- 17 Audiit statim vocantem :
Nos vocantes audientem
Prosequamur laudibus.
- 18 Conscios sceleris nefandi
Supplices rector orbis
Aure surdâ respuit :
- 19 At mihi lenis bonusque
Supplicanti semper aurem
Non severam commodat.
- 20 Gratias ago parenti
Optimo, qui se roganti
Asperum non præbuit :
Qui suâ benignitate
Destitutum non reliquit
Rebus unquam in asperis.

PSAL. LXVII.

- 1 **A**RBITER mundi, placidus bonusque
Parce delictis, solito et favore
Terra fac lætis segetem pecusque
Nutriat arvis :
- 2 Nota per terras bonitas ut omnes
Sit tua, et nostræ studium salutis,
Mente quos curas patriâ, tegisque
Rebus in arctis.
- 3 Ut tuas laudes populi per omnes
Prædicent terras, bonitatis usque ad
Terminos rerum celebretur omnes
Fama per urbes.
- 4 Omnis exsultet locus, omnis ætas
Gestiat plausu et fremitu secundo,
Res quod humanas modereris æqui
Juris habenis.
- 5 Ut tuas laudes populi per omnes

Prædicent terras, bonitatis usque ad
Terminos rerum celebretur omnes
Fama per urbes.

- 6 Si tuæ genti faveas benignus,
Conditor mundi bone, messis agros
Vestiet, vites olæque colles,
Gramina campos.
- 7 Si tuæ genti faveas benignus,
Conditor mundi bone, te pavebunt
Et colent gentes, sub utroque mundi
Axe jacentes.

PSAL. LXVIII.

- 1 **O** qui perpetuis orbem moderaris habenis,
Placidos bonus exsere vultus;
Impictasque exosa tuas, pater optime, leges,
Tremefacta repente facesset,
- 2 Ut levis in tenues fumi vapor effugit auras,
Ut fera liquefcit ab igni.
- 3, 4 At lætis pia turba animis sua gaudia plausu
Testabitur, et tibi, rerum
Sancte parens, præana canet, qui lucida cœli
Vehæris super astra, nec ævi
Inclusus spatiis, æternis legibus orbem
Æternus et ipse gubernas.
- 5 Te canimus læti, et lætos renovamus honores,
Qui celsi è vertice mundi
Respicias humanas curas; et patribus orbos
Pueros, viduasque maritis
- 6 Prosequeris patrio affectu: qui prole beatâ
Steriles solare hymenæos;
Compedibus victos solvis; populi arva rebellis
Bihulis obducis arenis.
- 7 Isacidæ Nilo quum, te ductore, relicto,
Arabum per inhospita saxa

- 8 Errarent, tremuere foli penetralia : cœlum
Maduit fudoris anhel
Imbribus : à vultu Domini conterrita duræ
Tremuere cacumina Sinæ.
- 9 Arva sibi selecta bonus rigat imbre benigno ;
Et quum labefacta fatiscunt,
- 10 Confirmat, recreatque afflicta : suoque fruenda
Dat habere gregi : nec egenam
- 11 Temporibus duris virtutem deserit. Arma
Trepidâ formidine belli [phum
Quum quatient animos, lætum celebrare trium-
Teneris dabit ille puellis :
- 12 Sufficietque suas in laudes carmina : reges
Numeroso milite frêti [fruetur
Terga dabunt, latebrasque petent : spoliisque
Imbellis turba relictis.
- 13 Vestra licet somno sternantur corpora nigræ
Inter fuliginis ollas,
Illa tamen vincent nitidam candore columbam
Rutilæ cervicis honore,
Quæ nunc argentum nitidum, nunc lumina blandum
Radiantis provocat auri.
- 14 Quum Deus omnipotens traducêret agmina regum
Longo spectanda triumpho,
Squalida quæ luctu et tenebris Solyma ante jacebat,
Niveâ tum luce refulsit,
Ceu nive vicinos inter caudentia colles
Salmonis culmina fulgent.
- 15, 16 Usque sibi Basan placeat, jactetque superbus
Fastigia proxima cœlo :
Ne tamen herbiferos saltus, ne pascua sacro
Ausit conferre Sioni :
Quam propriam pater omnipotens in secula se-
Legit, lectamque tuetur : [dem
- 17 Ille pater quem cœlituum tot millia currant,

Equitum tot millia stipant.

Sive ille excelsæ vehitur per culmina Sinæ,

Sua seu sacra via viſit :

18. Seu ſclerum vindex celebri petit aſtra triumpho,

Captivæque colla catenis

Vincta trahit : victæ paſſim donaria gentes

Cumulant : paullo ante rebelles,

Poplite nunc flexo venerantur templa Sionis.

19. Igitur celebramus honores

Jure tuos, nullam nobis qui munere lucem

20. Vacuam finis ire : ſalutis

Unica ſpes noſtræ : nempe unus fræna gubernas

Vitæ, irremeabilis Orci

Unus clauſtra tenes, et nutum fata ſequuntur.

21. Inimicos vulnere certo

Tu figis, longâ ſclerum tu ſorde ſepultis

Lethali tempora plagâ

22. Dividis. At caros ſic conſolaris amicos,

Extremo à littore ponti

Vos ego crudeli incolumes ex hoſte reducam,

Rubri ceu trans freta ductos

Æquoris à ſævo incolumes ſervavimus Ogo.

23. Cæſorum in ſanguine regum

Tingent crura : canes hoſtilia vulnera lambent.

24. Lætæ ſpectacula pompæ

Adſpicient, pater alme : tuo, pater alme, trium-

Plaudent tua templa petentes. [pho

25. Antiebunt qui voce canant, qui cymbala pulſent,

Citharæ tuba juncta, tubæque

Tibia, quæque tuas celebrent, fortiffime, laudes,

Doctæ pulſare puellæ

26. Tympana : te populi cœtu fremituque ſecundo

Et plaufu ad ſidera tollent :

ſſacidæque tuas in laudes ora reſolvent :

27. Juvenis de ſtirpe creatus

- Beniamini, Judæque aderit generosa propago.
Neque clarus Zabulo deerit,
28 Nephthalidæque duces. Nam tu tua jussâ secutis
Viresque animosque ministras;
Claraque victrici das tempora cingere lauro.
29 Solymæ victoria præpes
Ex adytis volat. Ergo ferent tibi munera reges,
Atque ad tua templa ferentes
30 Munera, te super astra ferent. Tu freta sagittis
Lethalibus agmina fundis;
Tu fortesque domas dexteras, animosque rebelles:
Humiles tibi pendere cogis
Vectigal fractosque duces, avidique cruoris
Vindex populi agmina perdis.
31 Quique bibunt Nilum, quæ mergitur æquoris undis,
Quique ipso fontis in ortu,
Accurrent, pacemque potent, opulenta ferentes
Tibi munera supplice dextrâ.
32, 33 Regna hominum celebrate Deum: datè car-
Qui templa gubernat Olympi [mina Regi,
Æterna æternus: cujus mortalia cuncta
Vocem tremefacta pavescunt.
34 Hunc fortem celebrate, unique accepta referte
Benè gesti prospera belli:
Cujus in Isacidis resplendet gloria, cujus
Testantur robora nubes:
35 Cujus ab arcano templo venerabilis horror
Stupefacta in pectora manat.
Isacidum Deus ille, Deus qui robore nervos,
Animosque vigore suorum
Implet: ei laudes Jacobi dicite proles:
Etenim Deus ille deorum est.

PSAL. LXIX.

- 1 SANCTE parens fer opem lasso : torrentibus undis
Penè obruerunt me malorum flumina.
- 2 Pes nequit in molli vestigia figere limo :
Pronumque inundans vertici fluctus rapit.
- 3 Dum clamo, arentes urit sitis arida fauces :
Spectando lassa torpuere lumina.
- 4 Me vexant odisque premunt immanibus hostes,
Plures inumbrant quàm capilli tempora.
Inque diès crescunt numero : et, ceu rapta repen-
Bene parta per vim cogor illis reddere. [dam,
- 5 Simplicitas tibi nota mea est, bone conditor orbis,
Meæque testis semper innocentiae es.
- 6 Fac, pater alme, bonis ne sint mea damna pudori,
Dum te colentes clade cernunt opprimi.
- 7 Te propter maledicta tuli et ludibria vulgi :
Te propter ora turpis infecit pudor.
- 8 Me vitant fratres, et eadem e matre creati
Me ceu scelestum abominantur filii.
- 9 Uror, et ira coquit penitus præcordia, leges
Tuosque ritus impii quum negligunt.
In tua quæ jactant probra et convicia sacra,
In me recurrunt, corque vulnerant meum.
- 10 Si fleo jejunos, si macero pectora curis,
Rident, probrisque prosequuntur lacrimas.
- 11 Si tegor incultos faccis squalentibus artus,
Fio repentè fabula et ludibrium.
- 12 Me salibus petit è portæ statione senectus :
Et ebriosæ sum tabernæ cantio.
- 13 Interea curis, genitor, confectus acerbis,
Ad te recurro : tu benignus respice.
O genitor, sine fine bonus, sine fraude fidelis,
In rebus arctis da salutarem manum.
- 14 Erige penè luto absorptum : da figere gressum :
Crudelis hostis me eripe impotentiae.

- 15 Neu rapiat torrentis aquæ violentia, neu me
Metgathe, gurgis, aut vorago absorbeat.
16 Sancte parens, nullos cujus clementia fias.
Novit, vocantem et destitutum respice.
17 Ne faciem servo avertas, qui rebus egenis
Supplex opem orat : subito miserum subleva.
18 Mitis ades : serva hanc animam, ut pudor abruat
Qui ceu relictum me enecant conviciis. [hostes,
19 Tu testis mihi probri ignominiaque superbæ :
Tu testis hostes quàm protervè illuserint.
20 Cor dolor urebat ; socius mihi nemo doloris,
Nemo dolorem qui levaret anxium.
21 Dulcia felle mihi tingebant fercula amaro ;
Pro vino aceti porrigebant pocula.
22 Ergo victum illis vitient aconita vicissim ;
Mœrorque læta obnubilet convivia.
Unde sibi placidæ promittunt otia pacis,
Hinc semen illis pullulet discordiæ.
23 Caligent oculi, et nutent vestigia : vires
24 Elumbe corpus deferant. Iram tuam
Sic meritos effunde super : tuus hauriat illos
25 Furor : colonis tecta vidua mœreant :
Qui deserta habitet tentoria nemo supersit,
26 Quia persequuntur dexterâ afflictos tuâ.
Afflictos miserosque procaciter insultantes,
Verbis acerbant vulnera atque injuriis.
27 Tu sine peccatis cumulent peccata, nec unquam
Dulcem æquitatis sentiant fructum tuæ.
28 Impia de tabulis viventium nomina dele :
Tuos nec inter hos recense filios.
29 Me tenuem afflictumque tuâ, pater optime, dextrâ
Erige, locoque siste tutum in arduo.
30 Hic ego carminibus rerum super astra parentem
Tollam, et celebri gratias in cœtu agam.
31 Gratius hoc illi est, quàm si cadat hostia ad aram

Vitulus tenellus jam coniscans cornibus.

- 32 Adspicient mites, et pectore gaudia volvent,
Denm colentùm læta corda gestient.
- 33 Audit enim Dominus tenues, nec despicit ægros
Ob nomen ejus vinculis coërcitos, [ther;
- 34 Unum igitur tellus colat hunc, et pontus, et æ-
Et quicquid æther, terra, pontus continet :
- 35 Qui facit incolumem pulchram florere Sionem,
Urbesque Judæ mœnibus cingit novis ;
Metiturque suis rura ante inculta colonis,
Tenenda blandis quæ relinquant liberis :
- 36 Quæ placidâ teneat series in pace nepotum,
Quicumque Domini nomen et numen coluat.

PSAL. LXX.

- 1 O DEUS, præsens ades, et periclis
Me præsentibus eripe :
- O Deus, duros propera labores
Confestim auxilio ut leves.
- 2 Qui meam quærent animam, erubescant,
Fœdam ignominiam ferant ;
Et fugâ turpi doleant, malignis
Qui me consiliis petunt :
- 3 Terga dent, fusos pudor ut perurat,
Qui ridet gemitus meos.
- 4 Teque clementi et placido fruuntur,
Qui gaudent placitis tuis.
- Qui salutis spem posuere in uno
Te certam penitus Deo,
Gaudeant, semperque canant : Perennis
Majestas et honor Deo.
- 5 Sunt meæ vires et opes pusillæ :
Sed tu me Deus adjuva.
- Tu meæ vires, mea spes, opesque :
Festinus fer opem mihi.

PSAL. LXXI

- 1 **I**n te salutis spem posui meæ,
Fac me perennis ne pudor obruat.
- 2 Audi vocantem lenis, et eripe
Hostis cruenti me violentiæ.
- 3, 4 Vitæque custos et columen meæ,
Turrisque rebus semper in asperis,
Nunc turris esto et perfugium mihi,
Et sævientium subtrahe dexteræ.
A vi scelestæ subtrahe dexteræ
Pendentem ab uno subsidio tuo :
- 5 Et qui juventæ tutor eras meæ,
Orham senectam viribus affere.
- 6 Tu me tuendum matris ab ubere
Duxti : pependit matris ab ubere
Spes nostra de te : materies meis
Una est perennis laus tua cantibus.
- 7 Ceu continenter prodigium malis
Natum ferendis, rideor impiis :
Sed me malorum fluctibus obrutum
Spes una fulcit præsidii tui.
- 8 Me lux videbit, me tenebræ tuas
- 9 Laudes cahentem : jam senio gravem,
Fractisque lasso corpore viribus,
Ne me impiorum trade libidini.
- 10 Et clam susurrant, et caput in meum
Occulta tendunt retia per scelus ;
- 11 Et dum scelestum propositum premunt,
Ajunt, Ope illum destituit Deus :
Instate fracto, prendite, perдите
- 12 Nudum salutis vindice. Tu Deus
Ne linque fretum præsidio tuo ;
Præsensque sævis hostibus eripe.
- 13 Pudore vultus inficiat rubor
Hosti dolofo, fraude nefariâ

Qui me aucupatur : mœreat irrita
Conata, vanum lugeat exitum.

- 14, 15, 16 Liber periculis, carmine te novo
Pangam tenacem polliciti, et tuis
Promptum juvandis : et numeris meis
Aptabo laudes innumeras tuas.

Canam potentem te dare prospera
Eventa, belli quum fremuit timor :
Canam fidelem reddere foederum
Promissa, largo non sine foenore.

- 17 Abusque primo flore puertiae
Laudum tuarum tu mihi carmina
18 Semper praestisti : ne senio gravem
Canumque, nunc me, spes mea, desere ;

Donec nepotum secula noverint,
Me vate, quanto robore, quam fide

- 19 Me liberaris. Justitiae tuae
Convexa mundi gloria transvolat.

Rerum creator, quis similis tui ?

- 20 Qui me malorum gurgite merferas,
Mitisque vitam rursus amabili
Tracto è profundo gurgite das frui :

- 21 Opeſque honoresque accumulas bonus,
Irâ remissa : et pectora turbida

- 22, 23 Solaris. Ergo te citharâ canam
Nabloque, certâ conspicuum fide.

O Sancte nostrae gentis ab ultimo
Protector ortu, vox mea te canet :
Te spiritus, te vita laboribus
Exemta duris, laudibus efferet.

- 24 Lux nulla solem proferet aureum,
Quae praedicantem justitiam tuam
Non audiet me, Rex bone, qui meis
Rubore vultum offuderis hostibus.

PSAL. LXXII.

- 1 **D**A tuæ Regi, Deus, æquitatis
Jus ad exemplum dare, filioque
Regis, ut legum patriæ ad salutem
Flectat habenas.
- 2 Ut regat justis populum institutis,
Pauperum questus facili tuorum
Aure cognoscat, dirimatque lites
Legibus æquis.
- 3 Pace lætentur jugà montiumque
Horridi saltus : genitrix quietis
Æquitas colles amet, asperosque
Ruris alumnos.
- 4 Jus suum det pauperibus, potentum
Curet ut ne vi tenues premantur,
Destruat quisquis miseros dolosis
Litibus urget.
- 5 Ut reformidet venientis ævi
Gens tuum nomen, sua sol diei
Donec effundet, sua luna donec
Lumina nocti.
- 6 Æquitas et jus veniens olympe
Recreet terras, veluti sub æstu
Imber, et rores pluvii beatos
Ruris honores.
- 7 Floreat, rerum hoc moderante habenas,
Jus, bonæ paces vigeant, perenni
Luna dum cursu rediens novabit
Mensuræ vultus.
- 8 Imperi fines maris unda fluctu
Hinc et hinc claudat ; spatiumque latis
Quod modum regnis faciat, sit idem
Terminus orbis.
- 9 Ad pedes illi cadat advolutus
Æthiops : hostes veniam precati

Supplices, vultus humiles comanque in
Pulvere verrant.

- 10 Qui tenent pontum, refluique ponti
Insulas, regesque Arabum beati,
Thuris et dites venient Sabæi,
Dona ferentes.

- 11 Illum adorabunt, mare quæ remotis
Obstrepat terris, metuentque reges :
Servient gentes sub utroque mundi
Axe jacentes.

- 12, 13, 14 Ille desertos ope sublevabit ;
Eximet curis querulos ; egeno et
Pauperi dextram dabit ; obrutosque
Fœnore solvet.

Nec velut vilem tenuis cruorem

- 15 Plebis effundi finet : ergo vivat,
Deque thesauris Arabum beatis
Munera sumat.

Ac suo Regi bene precatus,
Illius laudes canat, illum honoret,
Largam opum dextram celebret, patremque
Vulgus adoret.

- 16 Per feros montes segetem refundat
Terra, tam densis crepitans aristis,
Quàm gravi cedros Libani flagellant
Murmure venti.

Augeat prolem numero carentem
Per vias urbis bona pax beatæ :
Læta ceu campis riguis per imbrem
Gramina surgunt.

- 17 Nomen æterno juvenescat ævo :
Filii nomen, jubar usque solis
Dum vagæ fundet radiata terris
Lumina flammæ.

Ille Rex gentes faciet beatas.

Quas sinu claudet refugio Amphitrite,
 Omnis hunc tellus canet Amphitrite
 Cincta beatum.

18 Ifaci gentis Domino Deoque
 Laus, honor, virtus: opis haud egenae,
 Illa quæ cuncti attoniti intuentur,
 Perficit unus.

19 Nomen augustum canat omnis ætas,
 Ulla quod nunquam taceat vetustas:
 Nominis sancti penetret per omnes
 Gloria terras.

PSALMORUM

LIBER TERTIUS.

PSAL. LXXIII.

1 **T**ELLUS ut undis hospitium neget,
 Undæque terras fluctibus obruant,
 Aër coruscis fulminet ignibus,
 Ruina mundi sidera misceat:

Dei potentis non bonitas tamen
 In rebus arctis destituet pios,
 Purasve mentes nequitia finet
 Mœroris æstu funditis opprimi.

2 Quàm penè lapsu pes mihi lubrico
 Gressum fefellit, dum pede metior
 Immensa parvo, dum trutinâ meâ
 Expendo stultus iudicium Dei!

3 Fervebat irâ pectus, et æmulo
 Livoris æstu, quum scelerum omnium
 Contaminatos sordibus impios,

Florere cunctis conspicerem bonis.

- 4 Sors illa cunctis invida, mobilis,
Infida, servat perpetuâ fide
Istis tenorem, et robore vivido
Firmos senectam ducit ad ultimam.

- 5 Exempta duris vita molestiis
Curisque (pectus quæ reliquis coquunt
Mortalibus) per lætitiâ fluit
Luxumque, et ægris pura laboribus.

- 6 Ergo insolenti fœta superbiâ
Corda intumescunt : pectora spiritus
Ventosa tendunt : cæcus amor sui
Fræna impotenti dat violentiæ.

- 7 Tecta invidendas non capiunt opes,
Felicitem non animus suam ;
Et vota vincens spemque superfluus
Luxus fatigat, nec satiat tamen.

- 8 Verbis minores terrificant feris,
Et fastuosæ mole potentiæ :
Vultu procaci et vocibus improbis
Adblandiuntur nequitæ suæ.

- 9 Nec impudentis garrula vanitas
Contenta linguæ fundere toxica
Terras per omnes, astra laceffere
Audet, Deumque insana superbia.

- 10 Hæc mente spectant attonitâ pii,
Et æstuant pectore fluctuant :

- 11 Secumque mussant, Scilicet hæc Deus
Quum cernat, atris abstinet ignibus ?

- 12 Opes abundè suppeditant malis,
Crescitque nullo fine pecunia :
Secura pacis molliter otia
Quassante nullo turbine transigunt.

- 13 Frustra ergo puro pectore vivitur ;
Frustra innocentem contineo manum :

- 14 Frustra labores perfero, torqueor
Dolore, nullis non erucior malis.
- 15 Rursus verebar ne temerario
Ausu improbarem consilium Dei,
Ac arbitrarer fortè miserrimos
Selecta quos is pignora nuncupat.
- 16 Causas latentes dum sequor anxius,
Et pertinacis viribus ingenti
Pugno, profundum se chaos ingerit,
Et nocte mentis lumen adobruit.
- 17 Labore tandem fessus inutili
Ad te recurro, Rex bone cœlitum :
Quietus expecto ex adytis tuis
Quis hos et illos separet exitus.
- 18 Vidi repentè quàm pedè lubrico
Starent superbi ; quàm stabiles parum
Opes tenerent ; quàm fragili loco
Fultos ruinâ præcipiti trahas.
- 19 Procella vindex ut sonuit tuæ
Iræ, fugaces cum domino suo
Evanuerunt divitiæ ; manet
Umbra invidendæ nulla potentiæ.
- 20 Sic nocte mentes ludificans fugit
Imago somni ; et quæ modò pectora
Sopita vano terruerat metu,
Rifus per urbem mox ciet omnibus.
- 21 Donec viderem hæc, mœror et anxie
Mentem obruebant sollicitudines :
- 22 Aut hæsitantem, ceu stupidum pecus,
Torpor ligabat pectore marcido.
- 23 Arcana sed vis interea tui
Me fulciebat numinis, ac manum
- 24 Dextram regebas : auspicio tuo
Ductuque clarus fulgeo gloriâ.
- 25 Quid terra, præter te, mihi, quid polus

- 26 Offert colendum? cor mihi tabuit,
 Infraeta mens desiderio tui
 Languēbat, ægrum corpus inaniit:
 Tu rursus artus robore vivido
 Firmasti, opimas suppeditasti opes.
- 27 Qui, te relicto, spe stolidâ Deos
 Vana adorant, cladibus obruis.
- 28 Te sector unum, tu superas meis
 Spes una rebus: præsidio tuo
 Liber periclis, auctus honoribus,
 Te sempiternis laudibus efferam.

PSAL. LXXIV.

- 1 CUR nos relinquis penitus, ô rerum parens,
 Hostique dedis impio?
 Lupis vorandum cur gregem pastor tuum
 Irâ obstinatâ deferis?
- 2 Memento cœtus servitute ab asperâ
 Quem vindicasti: quem tibi
 Peculiari sorte, patrimonium
 Ceu proprium, receperas.
 Colles Sionis, numinis sedem tui,
 Bonus favensque respice.
- 3 Tandem resurge, et hostium superbiam
 Compesce: perde funditus
 Hostes protervos, qui tuum sacrarium
 Manu nefandâ polluant.
- 4 Clangunt sonorâ buccinâ, non quæ tuas
 Laudes canat, ludibrio
 Sed festa acerbo quæ profanet; in tuis
 Vexilla figunt turribus.
- 5, 6 Bacchatur audax ira frænis libera:
 Ædis ruentis it fragor,
 Quales sub altis murmurant quercus jugia,
 Cæsæ bipenni quum ruunt.

- Demoliuntur malleis et vectibus
 Cælata templi limina.
- 7 Populatur ignis adyta : nominis tui
 Contaminant sacrarium ;
- 8 Secumque tacito comminantur pectore
 Se diruturos omnia.
 Nec temerè : flammis strata fumant omnia
 Tuo dicata cultui
- 9 Loca : signa nusquam, nulla jam miracula :
 Propheta nullus perditos
 Solatur, et, spe quamlibet lentâ, tamen
 Spondet malorum terminum.
- 10 Quousque tandem nomini fines tuo
 Hostem protertum illudere ?
 Quousque acerbis facta dira et impia
 Exasperabit iurgiis ?
- 11 Cur otiosus retrahis manum ? exere
 Tandem potentem dexteram.
- 12 Tu noster olim rector et custos, Deus,
 Priscis abufque feculis.
 Te vidit orbis vindicantem ab omnibus
 Semper tuos periculis.
- 13 Seceffit unda te iubente, et vitreo
 Muro liquor coërcuit
 Cursum, feroces viribus suis duces
 Ponti recursus obruit :
- 14 Ipsum marinis vastiorem belluis
 Hausit tyrannum, et asperis
 Afflicta faxis, fluctibus cadavera
 Ejecta vultur Æthiops
- 15 Voravit : inter æstu arenas torridas,
 De cote durâ limpidi
 Fluxere rivi : te imperante substitit
 Arente flumen alyeo.
- 16 Tuus dies est, nox tua est ; solis jubar

Radiis adornas aureis.

17 Æquorque claudis littorum repagulis,

Terrasque cingis fluctibus :

Æstate lenis frigus acre, frigoris

Æstum rigore temperas.

18 Domine, intuere probra, contumelias,

Et hostium ludibria,

Qui te lacessunt impiis conviciis,

Molestias nos opprimunt.

19 Ne trade vitam turturis tue feris :

Turbam tuorum pauperum

Ne sempiternâ oblivione desere :

20 Memor tui sis fœderis,

Nam nec tenebræ nos tegunt, nec pellimus

Obscuritate injurias.

21 Ope destituti et omnibus fracti malis

Populi pudori consule :

Ut te merentem prosequantur laudibus

Miseri levati luctibus.

22 Exsurge, rector orbis optime, et tuam

Causam tuere : sis memor

Quæ probra passim nomini semper tuo

Stulta ingerat procacitas.

23 Voces superbas et tumultus improbos

Silentio ne supprime :

Curamque rerum gerere te mortalium,

Qui negligunt te, sentiant.

PSAL. LXXV.

1 TE nos carminibus, Rex bone, patriæ

Dicemus meritò : te celebrabimus

Præsentem miseris ; et membrabimus

Facta illustria posteris.

2 Quum plenis venient tempora seculis,

Cogam, inquit Dominus, consilium meum :

- Justis suppliciis prosequar impios,
Justis muneribus pios.
- 3 Fundamenta soli diffiliant licet,
Turbetur trepidis gens hominum minis,
Fundamenta soli fluxa adamantinis
Nectam rursus ego vinculis.
- 4 O stultos quoties admonui modum
Vesane ut facerent nequitiae suae!
In coelum quoties admonui impios
Ne stulte arma capefferent!
- 5 Quid coelum stolidâ voce lacescitis?
Quâ spe sic furitis? spiritus arrogans
Cujus praesidio fretus in aethera
Cristas erigit impias?
- 6 Eois coeat viribus occidens,
Conjurent calidae cum boreâ plagae,
Frustra divitias, sceptrâ, potentiam
Cuiquam conciliaverint.
- 7 Unus Rex hominum, res hominum suo
Versans arbitrio, praecipitem trahit
Illum de solio, plebis ab infimae
Hunc facce ad solium erigit.
- 8 Nam cratera meri purpurei Deus
Jam dextrâ tenet, et vindice pharmaco
Undantem pateram temperat, et malis
Iustum supplicium parat.
Illinc impietas undique ab ultimis
Terrarum spatiis hauriet, et mero
Consumto, cupido gutture turbidâ
De facce exitium bibet.
- 9 At me vate, Dei, quem genus Ifaci
Et thure et precibus placat et hostiis,
Omnis posteritas munificentiam
Et vim numinis audiet.
- 10 Confringam tumidâ tela superbiae

Formidata bonis : cladibus obruta
 Emerget pietas, et super æthera
 Tollet conspicuum caput.

PSAL. LXXVI.

- 1 **G**ENTES profanæ numinis loco colunt
 Sibi quisque quem finxit Deum :
 Judæa verum novit et colit Deum,
 Laudatque festis cantibus :
- 2 Deum Sionis incolam, Solymæ sacris
 Cui templa fumant ignibus.
- 3 Illic minaces fregit arcus, lucida
 Fregit sagittæ spicula.
 Clypea sinistris rapuit, enses dexteris ;
 Funesta bella sustulit.
- 4 Tu præpotentes fortior tyrannidas
 Virtute frangis : tu feram
 Compescuisti fortium superbiam
 Regum potenti dexterâ.
- 5 Fractâ minacis spiritûs ferociâ,
 Prædæ fuere : aut ferreo
 Somno gravati condidere lumina.
- 6 Obtorpuere dexteræ
 Fortes virorum, vis equorum, et curruum
 Elanguerunt impetus.
- 7 Tuum verendum nomen et numen ; tuæ
 Quando æstus iræ incanduit,
 Quis obviam ausit ire ? quis miserum caput
 Tuo furori objecerit ?
- 8, 9 Quum templa mundi fulminum quateret fragor,
 Ut impiâ tyrannide
 Pœnis repressâ supplicem modestiam
 E servitute abduceres,
 Attonita tellus siluit : imbellis pavor
 Mentis superbas perculit.

- 10 Ultricis iræ scelera pœnis obruta
 Humana gens quum cerneret,
 Boni efferebant laudibus te, conscius
 Premebat horror impios.
- 11 Vota ergo Domino nuncupate, et reddite :
 Domino verendo munera
 Ferte universi civitatis incolæ
 Sanctæ, Deumque agnoscite,
- 12 Reges superbi quem pavent, qui spiritus
 Feros retundit impiis.

PSAL. LXXVII

- 1 **T**E voce semper, te prece supplice,
 Rerum invocabo conditor optime :
 Nam lenis ac placatus aurem
 Das facilem miseris querelis.
- 2 Ad te refugi quum premerer malis,
 Ad te tetendi sollicitus manus
 Sub nocte solâ, donec atras
 Lux tenebras rediens fugaret.
- Mens** inquietis fracta doloribus,
 Surdâ abnuebat aure fidelium
 Voces amicorum, medelæ
- 3 **Impatiens** : animusque solum
Intentus in te, cum lacrimis preces
Miscens fremebat : pectora flebili
 Concussa singultu sonabant ;
 Cura animi cruciabat artus :
- 4 **Æstus** vetabat sollicitudinum
 Dulcem soporem carpere lumina ;
 Segnis ligabat membra torpor ;
 Vocis iter dolor obstruebat.
- 5 Tum mente versâ volvere secula
 Cœpi anteacti temporis, ac Dei
 Numen bonis præfens, nec unquam

Auxilii miseris avarum.

6 Laudum subibat quas tibi carmine
Lyræ canebam suaviloquæ ad modos :

Secumque vestigabat ægra

Mens vario labefacta motu ;

7 Num me relicto in perpetuum Deus
Opis benignam jam retrahit manum ?

8 Nec ampliùs suum tenebit

Larga Dei bonitas tenorem ?

Nec ore vatum leniet anxias

9 Curas suorum ? nec miseris erit

Placabilis ? nec sistet iræ

Præcipitem bonitate cursum ?

10 Tandem remisso pectore, Quò dolor
Impellis ? inquam : stant adamantinis

Decreta cœli fixa vinclis,

Nec dubio labefacta casu,

Nec fracta vi, nec temporis invidis

Obliviosi obnoxia dentibus.

11 Rursus tuæ mentem subibant,

Sancte parens, monimenta dextræ :

Qui templa picti sideribus poli,

Frugumque campos germine fertiles,

Et seclat tot nostros ad usus

Condideris pecudum et ferarum.

12 Quàm sæpe, pœnis dum premis improbos,

Tutoque fulcis præsidio probos,

Mortalibus clementiæque et

Justitiæ specimen dedisti,

13 Æterne rerum conditor ! omnia

Consulta cujus factaque sanctitas

Illustrat : haud quidquam tibi ingens

Orbis habet simile aut secundum.

14 Mirante mundo tu Deus unice

Miræ dedisti signa potentiæ,

- 15 Ergastulis quanta liberasti
Abramidas Phariū tyranni.
- 16 Videre fluctus te tumidi, Deus,
Videre fluctus, et trepida gradu
Eugène : turbavit profundas
Horror aqua vitree lacunas.
- 17 Fudere squasas imperio tuo
Nubes piceas de gravido sinu,
Sondre rancé ; grandinisque
Infringuit lapidosus imber.
- 18 Cœli tonantis vastificus fragor
Implobat aures : lucina fulgurism
Terrebat ardor, et pavore
Attonitæ tremuere terræ.
- 19 Sali rubentis persia vastitas
Diffuse te tot millibus obruit
Vestigia, et flucto refuso
Clasit iter Phariis quadrigis.
- 20 Mœsa et Ason (ceu pecudum greges
Bastor redacit) praefidio tuo
Duxere tranquillas per undas
Incolumes populi catervas.

PSAL. LXXVIII.

- 1 **A**UDITE Ifacide, et rerum pietate parentem
Qui colitis purâ, huc animos advertite vestros.
- 2 Mira canam, sed vera canam : quæ longa vetustas
Occulit arcana oracula mersa tenebris
- 3 Evolvam : priscis accepta parentibus olim
Versioquis dictis, in secula sera nepotum.
- 4 Transmittam : laudesque Dei, mirandaque facta
Cognita de proavis discent me vate minores.
- 5 Namque parens mundi, sancto quum fœdere gen-
Jungeret Ifacidum sibi, patres prodere natis [tem
Per seriem, et seris venientia secula seclis,

Et legum monitus et facta ingentia jussit.

6 Scilicet ut memori benefacta priora tenentes
Pectore, consilium vitæ auxiliumque regende
A Domino expectent, trepido turbante tumultu.
Ne tam cæca animos condant oblivia, legum
Irritâ ventosis ut dent præscripta procellis.

7, 8 Neu similes patrum, male gratâ mentes obbelles,
Deficiant animi instabiles, dubioque lapantis

9 Pectore. Cur soboles Ephraïmi, docta sagittis
Figere vel jaculo quavis distantia certo,
Terga dedit penè ante tabas? latebrisque salutem
(O pudor!) abjectis quæsitit turpiter armis?

10, 11, 12 Nempe quod aversos flexere per avia gres-
Obliti legum et monitorum, et foederis icti, [sus,
Obliti tantorum operum, quæ, testibus olim
Patribus, in Phariis Dominus patraverat oris.

13, 14 Quum mare divisit sese cumulante profundo,
Inter et aggestos undæ flagrantis acervos
Incolumem eduxit populum, duce nube, serenâ
Luce, per obscuras flammâ præeunte tenobras.

15, 16 Flumina de solidi patefecit vulnere saxi,
Damnatisque siti rivos donavit arenis.

17, 18 Nec satiati undis linguas tenuere procaces:
Ausu immane scelus, deserta per avia rursus
Tentavere Deum: et, ventris stimulante voracis

19, 20 Ingluvie, petiere cibos: ac talibus ora
Solverunt: Silicis duræ qui flumina venis
Elicuit, subitoque fitem torrente levavit,
Non potis est panem, non lautæ fercula mensæ
Addere? non epulis convivia larga profusa.

21 Audiit omnipotens, calidâque accensus ab ira est,
In Judamque hausit flammato corde furorem.

22 Et populo tamen ingrato, totiesque salutis
Immemori acceptæ, victum dedit esse petita.

23 Castra super latè ætherei patefecit olympi

- 24 Horrea : dein gravidas coelestis semine nubes
Ambrosiæ largos super agmina solvit in imbres :
25 Coelestisque cibi induisit mortalibus usum.
26, 27 Cedere tum jussu campis ex aëris Euro,
Mox tepidis voluerum pluvias Notus attulit alis,
Non fecus ac siccae cumulos quum vorrit arenæ,
Pulvereamque trahit deserta per arida pallam.
28 Casta super, tensisque super tentoria velis,
Alitum tremulis resonabant agmina pennis,
Et circum affusis cumulabant stragibus agros.
29, 30 Jamque epulis exenta fames : sed prava libido
Non exenta tamen ; sed adhuc sine fine petitæ
31 Faucibus hærebant epulæ : Deus ecce repente
Ultror adest ; late subito grassante ruinâ,
Robora selectæ passim cecidere juventæ.
32 Sed neque tot poenæ, neque tot benefacta rebelles
Continuere animos, nec tot miracula, rerum
33 Naturâ monstrante Deum. Pater ergo procaces
Casibus assiduis fregitque, et, robore fracto,
Ante diem tremulæ succidit fila senectæ.
34, 35 Vix tandem morbis vexati, erroribus acti,
Omnibus exhausti prope cladibus, omnium egeni,
36, 37 Agnovère Deum : per tot discrimina tecti,
Ereptique malis, sævoque ex hoste recepti,
Verba tamen blandis fundebant subdola linguis,
Ore pii, mendace animo ; neque fœderis icti
38 Servavere fidem. Verùm clementior ille
Sontibus ignovit, patriâ pietate remisit
Offensas, meritamque ultrò compescuit iram :
39 Quippe homines, memoresse animi modò flabra fuga-
Quæ fragiles agitent morituri corporis artus. [cis,
40 O quoties inter viduas cultoris arenaâ,
Inter saxa siti squalentia, numinis iram
Languentem insanis irritavere querelis !
41 Et sua divinas dimensi ad robora vires,

Virtutem brevibus voluere includere metis,

Quæ mare, quæ terras, quæ cœli continet Arbes!

42 Scilicet obiliti benefacta priora, salutem

Acceptam, et duri super juga demta tyranni,

43, 44 Et quæ per Pharias miracula plurima gentes

Edidit, in vitroa suffusa sanguine rivos,

Damnatique siti laticum sine munere mensis.

45 Et modo pestiferæ per cella palatia iustæ

Spicula figebant liventi tincta veneno:

Et modo flumineis squalabant atria ranis. [bores,

46 Et nunc bruchus edax hominumque botumque la-

Agmine nunc deaso dire exedere locustæ.

47 Grandinis imbre hortos, lapidosa grandine vites,

Grandine silvarum Dominus decussit honorem:

48 Grandine prostrati sortes jacuere juveni:

Et segetum gravidos ruit igneus imber in agros.

49 Ira Dei, laxique furor bacchatus habenis,

Eumenidumque faces, et conscius horror oberrans

Pectora, turbabat stimulis præcordia cecis.

50 Tum letho patefacta via est; mors fæva per omne

Passim hominum pecudumque caput nulli æqua cu-

51 Primitias sobolis, carissima pignora, florem [currit:

Roboris, et seræ spem præsidiumque senectæ

Prostravit, quæ Nihilis aquâ se divite volvit,

Et septemgeminis refluxum mare submovet undis.

52, 53 Interea, ceu pastor oves in pascua ducit,

Ipsæ suum Dominus populum deduxit, ab omni

Vi procul et trepidâ formidine: fluctibus æquor

Obruit infestos in se redeuntibus hostes.

54, 55 At sancti tenuere patres loca sancta, Deique

Parta manu, exclusit gentes prius unde profanas,

Aut prostravit humi victas; et jugera mensus

56 Abramidis habitare dedit. Nec segnius illi

Irritare Deum, et rerum tentare parentem,

57 Fœdera negligere: et patrum de more rebelles,

- Avertère suos recto de tramite gressus.
Non fecus ac arcus curvat se in cornua nervo
Adducto, dextrâque iterum nervoque remisso
In faciem subito flectit se sponte priorem :
58 Libera sic iterum gens impiâ vindice poenâ
Ad sese rediit, cunctisque in collibus aras
Erexit, finxitque sibi simulacra deorum,
Ac Dominum rerum meritas accendit in iras.
59 Audiit omnipotens pater impiâ vota precesque,
60 Et sibi dilectam gentem contempsit : et aras
Ipse suas, ac Sionis tentoria liquit,
Sola sibi è cunctis electa habitacula terris.
61 Deseruitque sui monimentum foederis arcam
Hostibus in prædam : monimentum roboris, unde
Clara Dei in cunctas splendebat gloria terras.
62, 63, 64 Hos ferro, terræ iratus sibi nuper amatæ,
Objecit, flammis alios ; cecidere cruento
Ense sacerdotes ; non connubialia festis
Carmina sunt cantata toris, carique mariti
Indeploratis viduæ jacuere sepulchris.
65, 66 Ast ubi jam poenis meritam satiaverat iram,
Ceui crapulâ excussâ miles, lentoque sopore
Excitus, arma iterum fugientes vertit in hostes :
Tergaque vulneribus figens imbellia cæcis,
Perpetuam adspersit ventura in secula labem.
67 Non tamen Ephræmum præstantem fortibus armis
Elegit, cui sceptrâ daret ; non ille Manassæ
68, 69 Pignora : sed Judam, sed celsæ testæ Sionis,
Templa sibi et solido fundata sacraria saxo,
Cumque polo et stellis mansuram in secula sedem.
70, 71 Quique sequebatur pecudes in pascua David,
Sustulit è caulis, caram et sibi pascere gentem,
Impositum folio, et sanctæ jus dicere terræ
72 Jussit : et ille gregem studio curâque fideli
Rexit, et infestis defendit ab hostibus armis.

PSAL. LXXIX.

- 1 **H**ÆREDITATEM, rector orbis, cur tuam
Invadit hostis impius?
Ritu profano polluit sacraria
Tuo dicata nomini,
Soloque stratum funditus Solymam suæ
Tegit ruinæ molibus.
- 2 Truncata ferro membra te colentium
Passim per agros objacent,
Lanianda rostris vulturum, crudelibus
Aut belluarum dentibus.
- 3 Rivi cruoris perluunt vias, velut
Torrens adactus imbribus.
Nec usquam amicus ossa sparsa qui legat,
Aut lecta tumulis obruat.
- 4 Functique fato pariter et superstites
Ludibrio accolis sumus.
- 5 Parens benigne, quem modum tandem tuæ
Speremus iracundiæ?
An continenter instar ignis omnia
Vorantis in nos sæviet?
- 6 Tui furoris vertè potius impetum
In impiarum gentium
Tot regna, nomen quæ tuum vel nesciunt,
Vel, si sciant, non invocant:
- 7 Semen piorum quæ laborant perdere
Armis, et urbes ignibus.
- 8 Revocando vetera, parce, genitor, crimina,
Facies furori subdere:
Sed penè cunctis obrutos malis, tuâ
Nos præveni clementiâ.
- 9 Offensionum mitis obliviscere,
Nostræ salutis anchora.
Placatus adis, splendor ut cunctis tuæ
Clareseat oris gloriæ.

- 10 Os obstruatur impiis, quærentibus
 Num noster hic cesset Deus.
 O iuste vindex, impios exercitos
 Pœnis vicissim cernere
 Fac nos, cruore qui piorum sordidi
 Nunc insolenter gossunt.
- 11 Audi gementes, carcerum qui vinculis
 Marcent : potente dextera
 De fauce mortis libera, quos cædibus
 Jamjam tyranni destinant :
- 12 Et quam intulerant contumeliam tibi,
 Et quam tuis injuriam,
 Multiplicatam redde nostris aecolis,
 Rerum pœcennis arbiter.
- 13 Et nos, ovilis grex tui, quem pabulo
 Alis, tueris munice,
 Et posterorum posteri, laudes tuas
 Cunctis canemus seculis,

PSAL. LXXX.

- 1, 2, 3 **H**EBRAÏ generis pastor, uti gregem
 Blande progeniem qui regis Isaci,
 Inter qui geminos aligeros tuo
 Præscribis populo jura salubria :
 Selectæ soboli da bonus ac favens
 Lumen posse tuæ cernere gloriæ,
 Da vim posse tuæ nosse potentie,
 Ac fessis properè porrige dexteram.
 Tu nos si placido lumine videris,
 Cedent continuo cætera prosperè.
- 4 O Rex armipotens, quem statues modum
 Iræ ? quando humiles suscipies preces ?
- 5 Irroras lacrimis fercula, lacrimis
- 6 Misceas continuo pocula : jurgia
 Nostris finitimi de spoliis ferunt,

Et nostra exagitant ludibrio mala.

O Rex armipotens, agmina conlitum
Cui parent, faciem cernere da tuam.

Tu nos si placido lumine videris,
Cedent continuo cætera prospere.

8 Traduxti Phariâ de scrobe vineam;
Pravarum expuleras femina gentium,
Ut puro sereres purius hanc solo.

9 Jam radix teneras fuderat undique

10 Fibras; jam tremulo frigore texerat
Montes; æqua cedris brachia sparserat:

11 Tangebant teretes æquora palmites,
Euphratem teneri germina furculi.

12 Nudatam solitis cur modo sepibus
In prædam hospitibus deferis hanc, vagis?

13 Cur hanc sævus aper proterit? alites
Carpunt? omnigenæ depopulant feræ?

14 O Rex armipotens, obsecro jam redi
Tandem, et fidereo prospice de throno:
Placatusque tuam respice vineam,

15 Plantâras propriâ quam tibi dexterâ.
Hunc saltem placidus respice ramulum,
Cui cultu assiduo conciliaveras
Robur, clara tui gloria nominis
Terrarum ut populis nota sit omnium.

16 Illic flamma vorat brachia vitium;
Hic convulsa gemunt; cæsa bipennibus
Hic duris resonant; omnia pessum eunt.
Iræ justa tuæ nos premit ultio.

17 Indulgens genitor, nunc ope subleva;
Firma præsidio nunc propius tuo
Hunc, vires et opes et decus antea
Affectu patrio cui cumulaveras.

18 Vitam redde tuis, sancte parens, quibus
Semper mors avidis faucibus inamnet.

At nos usque ducem te comitabimur ;
Præsentem miseris te celebrabimus.

- 19 O Rex armipotens, agmina cœlitum
Cui parent, faciem cernere da tuam.
Tu nos si placido lumine videris,
Cedent continuo cætera prospere.

PSAL. LXXXI.

- 1 **E**XSULTATE Deo nostro, bona dicite verba
Nostræ salutis vindici :
2 Ifacidum laudate Deum, præana canentes
Ad tympani dulces modos.
3 Nec lyra, nec cessent genialia nabilia : festis
Tubâ calendis clangite.
Hunc læti celebrate diem, stata sacra ferentes.
4 Nam sic statutum est patribus :
Sic lex sancta jubet, sic sacri fœdera pacti
Percussa cum majoribus.
5 Hæc est illa dies ventura in secula testis
Memphiticæ tyrannidis :
Quum Pelusiæ Hebri gens hospes in oris
Erraret, et linguæ sonum
Attonita ignotum audiret, nec nota vicissim
In verba frustra os solveret :
6 Quumque humeros curvaret onus servile, manus-
Lassaret olla fictilis : [que
Excussi manibusque ollas, humerosque levavi
Luto, inquit optimus parens :
7 Auxiliumque tuli poscenti in rebus egenis :
Et nube densâ conditus
Intonui : Meribam propter, tua jurgia passus,
Feci tui periculum.
8 Nunc etiam selecta mihi gens auribus hauri,
Et quæ paciscor accipe :
Si mea dicta vagis non tradas irrita ventis ;

- 9 Nec alterum colas Deum ;
 Nec prostratus humi supplex nova numina adores :
 10 Sed unicum tibi me Deum
 Esse velis, domini qui ruptâ compede Nili,
 Juris tui te reddidi :
 Posce modò ; spe plura feres, potiora petitis,
 Majora votis auferes.
 11 Hæc neque dicta suas populus demisit in aures,
 Benè nec monenti paruit.
 12 Ergo ipsos sibi permisi ; frænoque remisso
 Solvi vagam libidinem.
 13 O potiùs monita audissent mea ! me duce rectum
 Utinam institissent tramitem !
 14, 15 Namque humiles illis subito fractosque dedissem
 Hostes, meamque dexteram
 Vertissem in gentes, quæ recta odere, profanas :
 Et supplices mendacibus
 Vultibus Isacidùm ambissent verbisque favorem :
 Felicium omne in seculum
 16 Isacidùm, quibus almus æger fudisset abundè
 Frugum benignam copiam,
 Mellaque de duri fluxissent viscere saxi
 Per arva cultûs inscia.

PSAL. LXXXII.

- 1 **R**EGUM timendorum in proprios greges,
 Reges in ipsos imperium est Jovæ,
 Qui judicantùm examinabit
 Nequitiam trutinâ severâ.
 2 Num fraudulentos semper et impios,
 Inquit, dolosâ lance fovebitis ?
 Pauperque pupillusque vestrum,
 Ceu scopulum, metuet tribunal ?
 3 Quin orbitatem cernitis anxiam ?
 Aurem querelis quin inopum datis ?

- 4 Cur pauperes non à superbo
Ludibrio afferitis potentùm ?
- 5 Frustra monemus : lumina cæcitas,
Errorque mentes obsidet ; ut neque
Compaginem rerum solutam
Justitiâ pereunte cernant.
- 6 Deos vocavi vos, dominos necis,
Vitæque feci : sceptriferâ manu
Pacem dedi tueri, et armis
Lethiferum cohibere bellum ;
- 7 At mors iniquæ justa superbiz
Ultrix honores detrahet, et pari
Ignobili cum plebe fato
Purpureos rapiet tyrannos ;
- 8 Exsurge, legum fræna manu Deus
Capessè, cunctis arbitrio tuo
Qui regna dispensas, ut orbi
Imperio domineris æquo.

PSAL. LXXXIII.

- 1 **N**E taceas, ne euncteris, pater optime, neque
Preces tuorum sperne duris auribus.
- 2 Ecce fremunt hōstes circum, et miscere tumultu
Sævo parati cuncta, cristas erigunt.
- 3 Concilia occultè cœunt, populoque minantur,
Tu quem tuendum propriè suscepas.
- 4 Eia, aiunt, properate, omnem succidite silvam ;
A stirpe sobolem deleamus Isaci.
- 5 En sceleri jurata manns coit omnis in uhum,
Tua instituta ut deleant et fœdera.
- 6 En cum palmiferâ jūctus Nabathæus Idume,
Soboles Moabi, et Agareni, et Gabala,
- 7 Cumque Palæstinis Tyriisque Amalecus et Am-
8 Syrusque jungit castra Lothi posteris. [mon,
- 9 At tu sterne solo victos, Madiana juvenus

Ut caesa textit semitas te vindice :

Sifara ceu tumidus cecidit, milesque Jabini :

Cisfontis undas turbidas quum sanguine

10 Tinxere ; infletæ passim jacuere catervæ,

11 Lætamen agris : nec fuga eripuit duces

Orebum et Zebum : nec subtraxere latebræ.

A falce mortis Zebeamque et Salmanam :

12 Dicere non veritos animo votoque superbo,

Dominos futuros se tui sacrarii.

13 At tu, sancte parens, sic hos vertigine torque,

Ut rotula clivo, stipula vento volvitur :

14 Flamma velut siccae populatur brachia silvæ,

Per alta stridens montium vacuumina :

15 Sic urge attonitos consternatosque procellâ,

Tui furoris dissipâ sic turbine :

16 Sic animos dolor exurat, pudor ora coloret,

Suis miseriis numen ut probent tuum :

17 Sic ignominia fastum preme, damna timorque

Sic continenter territos exerceant, [tem,

18 Te solum ut noscant Dominum, rerumque poten-

Quacunque terras ambit axis ignifer.

PSAL. LXXXIV.

1 O REX armipotens, qui creperos tuo

Bellorum arbitrio dividis exitus,

Ergo limina templi

Lætus conspiciam tui.

2 Hic cor lætitiâ palpitât, hic bonis

Languet mens nimis ebria, gestiunt

Artus, atria vivi

Visuri propius Dei.

3 Hic passer latebras invenit, hic locat

Nidum veris avis nuntia. O atria

Regis bellipotentis,

Ut vos adspiciam libens !

- 4 Felix qui domui perpetuò tuæ
5 Hærens te celebrat : qui penitus foam
 In te spem posuerunt;
 Felices ter et amplius.
- 6 Felices studio qui properant pio
 Templo sacra tuo ferre : per aridas
 Valles fontis ameni
 De rivis liquidis bibent.
Nec deerit pluviz quæ repleat cavas;
- 7 Fossas agmen aquarum dum properas præmens
 Turmam turma, parentum
 Ritu cadere victimas.
- 8 O Rex armipotens, da placidum tuo
 Te Regi, capitis cui decus inclytum
 Indulsti; bonus aurem
 Ne duram abhuc supplici.
- 9 Tu noster clypeus, rebus in asperis.
- 10 Spes et præsidium: juxta adytum tuum
 Unius mora lucis
 Pro mille est mihi seculis:
 Sim custos potius liminis in tuo
 Templo, sancte parens, quàm Solyma procul
 Degam inter sceleratos
 Multis clarus honoribus.
- 11 Tu sol, tu clypeus, tu Dominus: tuis
 Tu das conspicuâ fulgere gloriâ;
 Nec puro scelerum unquam
 Claudis munificam manum.
- 12 O Rex armipotens, quem pones exitus
 Bellorum, et positus ensibus otia :
 O bis terque beatos
 Qui te spe solidâ colunt !

PSAL. LXXXV.

- 1 **N**ON semper tumidis fervent vexata procellis
 Æquora, nec gelidâ riget horrida terra pruina:
 Inque vicem ponunt venti, mare sternitur, aura
 Mitior in florem torpentis evocat herbas.
 Nec semper, Deus, avertis moerentibus aurem
 Durus, et indulgens iræ; quondamque favore
 Sponte tuum amplexus populum es: vinculisque so-
 Servitii, patrias duce te remeavit ad aras. [litis
- 2, 3 Oblitus scelerum et violati fœderis, iram
 Lenisti, et patriâ texisti crimina curâ.
- 4 Et nos ergo, parens, nostræ et spes una salutis,
 Respice placatus facilisque; animumque benignum
- 5 Accipe: perpetuæ nove implacabilis iræ
 Sæviat in seros etiam vindicta nepotes.
- 6 Respice nos melior tantum: quodcunque misellæ
 Spirat adhuc animæ, te respiciente, vigorem.
 Accipiet; populoque tuo, jam nube repulsâ
 Tristitiæ, lætos hilarabunt gaudia vultus.
- 7 Alme parens, bonitate tuâ complectere fessos,
 Speratæque diu jam fructum ostende salutis.
- 8 Jamdudum exspecto Dominus dum lætâ futuri
 Signa det, arcano pulsans præcordia motu.
 Et dabit hæud dubie, posita placabilis irâ,
 Signa secunda; pia dabit omnia prospera, legem.
 Qui patrias et facta colent, errore relicto.
- 9 Ecce salus, ecce incultas bonâ copia terras
 Incolet, et læti renovatrix gloria sæcli.
- 10 En bonitas, en alma fides feret obviam gressus:
- 11 Terra fidem, cœlo terras Astræa relicto
- 12 Sancta colet: comes Astræa bona copia cœlo
 Appluet, et lætos decorabit frugibus agros.
- 13 Et quacunque feret Dominus vestigia, gressus
 Ante ferent jus fasque suos: lis, visque, dolusque
 Deseret afflictas per tot jam secula terras.

PSAL. LXXXVI.

- 1 **D**A mitis aurem supplici
Deus : saluti consule
Ope destituti et pauperis,
Nec semper iræ vindicis.
- 2 Servum tuum serva Deus,
Cui spes salutis unica es :
- 3 Serva invocantem jugiter
A solis ortu ad vesperum.
- 4 Depelle mentis nubila
Pendentis à te servuli.
- 5 Blandæ parens clementiæ,
Promptus vocanti parcere ;
- 6 Intentus audi supplicem :
- 7 Nam te vocamus arduis
In rebus, invocantibus
Opem benignus quòd feras.
- 8 Nullus deorum par tibi :
Nullus secundus ; exferit
Nullus suam potentiam
Tam splendidis miraculis.
- 9 Rerum creator, ultimis
Ab orbis oris assipent,
Flexoque gentes poplite
Te prosequuntur laudibus.
- 10 Solus nec ævi termino
Inclusus aut potentiæ,
Deus deorum, gentibus
Miranda cunctis perpetras.
- 11 Legum tuarum semitam
Fac ingredi me : pectoris
Compone fluctus turbidos,
Tranquilla mens ut te colat :
- 12 Ut spiritus contagio
Emancipatus corporis,

- Tuam celebret gloriā,
 Dum vita voxque suppetet.
 13 Vivo tuā clementiā,
 De fauce mortis erutus,
 14 Quum virium fiduciā
 Sæviret hostis insolens.
 15 Secura quum vis numinis
 Mihi immineret, tu Deus
 Es lenis et placabilis,
 Et pacta fidus reddere.
 16 Mitis bonusque respice
 Qui pendet ex te servatum:
 Opem fer, et vernaculum
 Tuum periculis exime.
 17 In me favorem sentiant
 Hostes tuum: ora decolor
 Mutet pudor, quum viderint.
 Mihi te salutis vindicem.

PSAL. LXXXVII.

- 1, 2 **A** BRAMIDARUM cæteras urbes supra
 Dominus Sionis diligit
 Portas; Sionis, imminet quæ montium
 Fundata sanctis collibus.
 3 O prædicanda posteris seclis Sion,
 Beata mater urbium!
 4 Tecumne Babylon se audeat componere?
 Tecumne Memphis insoleus?
 Ventura Babylon sub jugum Dei, Deo
 Flexura Memphis poplitem.
 Præclara quamvis et Palestina et Tyros
 Jactet virorum robora;
 5 Nihil ad Sionem fortibus fortam viris,
 Favore tutam numinis.
 6 Cenfore Domino humana gens quum nomina

- Ad profitenda confluet,
 Quis non Sionis se feret civem? inferi
 Quis non colonus ambiet?
 7 Tum vox Sionem carminum, tum vox lyræ
 Canent Sionem et tibiz:
 Et nostra si quid audiendum vox sonet,
 Laudem Sionis vox canet;
 Et si quid animus voce dignum excogitet,
 Animus Sioni serviet.

PSAL. LXXXVIII.

- 1 **L**UCE voco te, nocte voco te, sola salutis
 Spes, columen, vitæ præsidiumque meæ.
 2 Alme Parens, facilem ne vultum averte precanti,
 Neve humiles durâ respue mente preces.
 3 Mens hebetata malis torpet; confecta dolore
 Funereas spectat languida vita faces. [atris:
 4 Membra vigor liquit, mors unguibus imminet
 De tumulo tantum jam mihi cura meo est.
 5 Corpora non aliter pallent sub mole sepulchri,
 Vulnere quæ subito mors inopina tulit:
 Perpetuis quæ sub tenebris oblivia condunt
 Alta, salutiferam te retrahente manum.
 6 Carcere ceu clausum, et cæcâ sub nocte sepultum,
 Me propè lethææ gurgite mergis aquæ.
 7 Usque premis, stratumque urges, supraque jacen-
 Accumulas iræ flumina cuncta tuæ. [tem
 8 Me veluti scopulum fugiunt horrentque sodales,
 Quos portum afflictæ spes erat esse rati.
 Affixusque toro jaceo, ceu compede victus:
 9 Languida cesserunt lumina victa malis.
 Interea lassas tendens ad sidera palmas,
 Te, veniente die, te, fugiente voco.
 10 Scilicet expectas ut acerbâ morte perempto
 Ostentes vires me revocando tuas?

- An rediviva tuas in laudes ora resolvent
 Quos gelido tellus claudit avara sinu ?
 11 An tua sub tumuli bonitas cantabitur antro ?
 Vulgabuntve tuam muta sepulchra fidem ?
 12 Justitiamne tuam taciturna silentia pandent ?
 An referent vires nox tenebræque tuas ?
 13 Ast ego, sancte parens, supplex tua numina clamo :
 Nec precibus vacua est hora locustæ meis.
 14 Sancte parens, animæ auxilium cur subtrahis ægræ ?
 Cur furdâ miseras respuis aure preces ?
 15 Me dolor et primis labor anxius urit ab annis ;
 Me trepidi exanimant corde micante metus.
 16 Me furor exagitat tuus, opprimit undique terror ;
 17 Agmen ut hibernæ, quod fata mergit, aquæ.
 18 Æger, inops, caris jaceo desertus amicis ;
 Nec noti ærumnis ingemuere meis.

PSAL. LXXXIX.

- 1 **T**U mihi carmen eris, rerum pater optime, semper ;
 Notaque erit populis bonitas, me vate, futuris,
 Pollicitique immota fides, dum fidera mundo
 2, 3, 4 Volventur tacito : citiùs quoque fidera cre-
 In chaos antiquum lapsa se condere mundo, [dam
 Irrita quàm sacri credam fore fœdera pacti,
 His concepta tuo quondam cum Davide verbis :
 Dum mare, dum tellus flaret, dum fidera cœli,
 Davidici generis mansuram in secula prolem,
 Et stabilem regni ventura in tempora sedem.
 5 Te, pater, ætherei cœtus, te jure piorum [do
 Sæcla hominum celebrant, patrantem ingentia mun-
 Mirantæ; et stabilis jus inviolabile pacti [ther,
 6 Servantem. Quem terra tibi, quem conferet æ-
 7 Magne parens ? quem fiderei tremit omnia olympi
 Cœtus, et attoniti submissâ mente tyranni.
 8 Armorum bellique potens, quocunque moveris.

- Alma fides clarâ circum te luce refulget.
 9 Tu maris irati furias compescis, et undæ
 Dejecis insanæ tumidos ad sidera fluctus.
 10 Tu Pharon clatam lethali vulnere sternis,
 Et quicumque tuis miserum caput obijcit armis.
 11 Tu terræ cœlique opifex ; quæcunque capaci
 Complexu facies mundi revolubilis ambit, [ter ;
 12 Auctorem agnoscunt : Aquilo tibi servit et Auf-
 Thabor et occiduum qui condit vertice solem,
 Quique rubet radiis Hermon tepesfactus Eois,
 13 Lætitiâ exsultant : validæ tu robore dextræ,
 Clara per immensum spargis miracula mundum.
 14 Ante tuum solium tibi iustum apparet et æquum :
 Ante oculos addat bonitas, et nescia flecti
 15 Promissi sincera fides. O terque quaterque
 Felices, quos festarum clangore tubarum
 Ad tua sacra vocas ; quos sacri lumine vultûs
 16 Illustras, hilaresque tui sub nominis umbrâ
 17 Custodis : bonitate tuâ super æthera vectis
 18 Das vires, decus, imperium ; das impia contra
 Agmina, ceu clypeum, per dura pericula Regem.
 19 Tu tibi dilectum secreto numine vatem
 Implēsti, ut seclis daret hæc responsa futuris :
 20 Ipse mihi legi media de plebe, meoque
 Imposui Regem folio, qui protegat armis
 Isacidas, populoque meo qui jura ministret ;
 Davidis et sacro perfodi tempora olivo.
 21 Huic animum virefque dabo, præsensque tuebor
 22 Perpetuò, ne fraude scelus, ne robur apertè
 23 Exitium ferat ; ipse hostes, ipse impia sternet
 24 Agmina ; nulla meam vertet sententia mentem.
 Auxiliumque feram bonus, et super ætheris axem
 Nominis auspicio nostri se gloria tollet.
 25 Jura dabit terris rapido quas gurgite claudit
 Hinc mare Sidonio fecundum murice, et illinc

- 26 Palmaifer Euphrates: Supplex me in vota vocabit
Ille patrem: Deus ille meus tu, dicet, et unum
Præsidium, una meæ custodia certa salutis.
- 27 Hunc ego præcipuo contra dignabor honore,
Supra aliosque dabo rerum moderamina reges,
Quicunque immensum populis dant jura per orbem.
- 28 Nec meus absistet favor illi in secla, nec illi
Jurata æterni solventur fœdera pacti.
- 29 Quin sobolem, et sobolis feros in cuncta nepotes
Secla dabo, et stabilis sceptrum immutabile regni,
Donec ab obscuris lucem sol dividet umbris.
- 30 Quod si posteritas mea fœdera sancta profanet
31 Immemor, et legem spernat, jussamque recuset:
- 32 Ire viam, domitos poenis duroque labore
Compescam, et plagis usque exercebo rebelles.
- 33 At neque destituam Regem bonitate perenni,
34 Fœdera nec solvam, nec quod semel ore profudi,
Ulla immutabit venturi temporis ætas.
- 35 Quippe semel sancto firmavi fœdere, jurans
Per me, Nulla dies initi cum Davide pacti [dus
- 36 Immemorem arguerit: soboles, dum secula mun-
Volvit; ei patrii sceptri moderamen habebit.
- 37 Esto mi sol testis ad hæc, et conscia luna,
Cum quibus æquævum sceptrum Judæa tenebit.
- 38 At nunc, sancte parens, tumidâ inflammatus ab
39 Projicis electum Regem; rata fœdera pacti [irâ
Negligis, et capiti sacrum diadema revulsum
Sternis humi, et populis præbes calcare profanis.
- 40 Nuda patent hosti disjectis oppida muris;
Si qua manet, gelidâ formidine concutis arcem.
- 41 Cunctis præda sumus populis; rapiuntque ferunt-
que
Vicini, insultantque malis, miserosque protervis
- 42 Vocibus illudunt. Hostis tu robore dextram
Interea firmas, perfundis pectora dulci

- 43 Lætitia: ac gladios hebetas in vulnera nostros;
Nec recreas fractos duro in discrimine belli.
- 44 Jam decus et regni splendor, jam proxima cœlo
Majestas versa in tenebras, solique superbi
- 45 Gloria strata jacet: brevis immatura juventæ
Stamina præcidis: miseræ pars ultima vitæ
In luctu, in squalore ignominiâque senescit.
- 46 Quem finem dabis ærumnis? nunquamne tuorum
Respicias clades vultu placatus amico?
An, ceu flamma furens, semper tua sæviet ira?
- 47 Ipse memor tecum reputa quàm concita nostræ
Tempora prætereant vitæ: frustra ergo creâris
- 48 Humani generis sobolem? ut brevis exigat ævi
Tempora, perpetuo curarum exercita fluctu,
Dum fractam luctu et morbis, seniove, sepulchri
Clauserit obscuro mors illacrymabilis antro? [illa
- 49 Hæc bonitas ubi prisca? fides ubi pristina? ubi
Fœdera conceptis quondam cum Davide verbis
- 50 Facta tibi? Cerne opprobriis quibus impia servos
Turba tuos premat insultans: quàm multa silenti
Clausa sinu maledicta feram, dum turba profana,
- 51 Dum circum innumeræ gentes convicia fundunt,
Nosque tui Christi verbis petulanter amaris
- 52 Adventum sperare jubent. At tu, bone rerum
Conditor, æterno verax celebraberis ævo.

PSALMORUM

LIBER QUARTUS.

PSAL. XC.

- I Cœlitum rector bone, abusque primis
Seculis, mundi rudis et juventâ,

Qui laborantes ope sublevâsti
Semper amicos.

- 2 Antequam tellus nova parturiret
Montium saltus, tegetetque montes
Lucidus cœli decor, ante metas
Lucis et umbræ :

Tu manes idem, pater orbis, unus
Nec vices rerum patiens, nec ævi
Termino clausus brevis ; unus expers
Finiſ et ortûs.

- 3 At brevis nobis miseræque vitæ
Fila paulatim tenuas, senecta
Donec in putrem cinerem caducos
Solverit artus.

- 4 Tempus annorum tibi mille, lucis
Instar hesternæ, fluidique puncti,
Nulla decursûs quod ubi recessit
Signa relinquit.

- 5 Nostra vanescit tenues in auras
Vita, per ficcas velut unda arenas,
Aut velut sensus per opaca ludens
Noctis imago.

- 6 Herba ceu verno saturata rore
Manè, mox languet medio sub æstu,
Mox humi comis jacet arefactis
Vespere fero.

- 7 Præter et vitæ mala tot fugacis,
Quæ voluptates vitiant amaro,
Ira turbatis tua semper instans
Pectora vexat.

- 8 Quicquid erramus temerè aut malignè,
Quæ timor celat tenebris pudorve,
Tu vides, nec te latet iniquiti
Pectoris æstus.

Dum tui poenas meritas furoris

Mens reformidat, prope cogitatu
Ociùs vitæ spatium citatis
Aufugit alis.

- 10 Septies denos spatiosa in annos
Vita procurrit : quibus est senectæ
Firmior, ferme in decimum supersunt
Amplius annum.

Quid senectutis memorem labores ?
Transvolat blandæ breve ver juventæ,
Inquies curis miserisque morbis,
Ociùs Euro.

- 11 Deinde quis justæ tolerabit iræ
Impetum, si jam jubeas nocentes
Pro modo offensæ numeroque justas
Pendere pœnas ?

- 12 Sic pater, sic ô, numerare fluxæ
Nos doce vitæ spatium, caducis
Mens ut à curis revocata, veri
Lumen honesti

- 13 Cernat. O tandem placidus favensque
Define irarum, propiusque servis
Semper assuetâ tibi lenitate
Consule fessis.

- 14 Fac tuæ fructu bonitatis aucti,
Gaudio tandem satiemur ; ægris
Liberi ut curis reliquos agamus
Suaviter annos.

- 15 Cedat et lætis fugiens vicissim
Luctus, exacto modus et labori
Par voluptatis subiens amarum
Mitiget ævum.

- 16 Facta, majestas, opera, amplitudo
Nota sint servis tua, posterisque
Nota fervorum, tua qui libenter
Jussa capeffunt.

- 17 Fac tuæ semper bonitatis ut nos
 Splendor illustret, bone rector orbis :
 Gratiae adspirans favor actiones
 Prosperet omnes.

PSAL. XCI.

- 1, 2 **S**i protegendam præsidio Dei
 Credas salutem, rem, sobolem, domum,
 Insana quum fors intonabit,
 Si Domini fugias sub umbram,
 Securus omnem fer violentiam
 Sortisque mortisque, et tetricas minas
 Contemne ; securus tumultum
 Despicias creperi duelli :
- 3 E fraude cæcâ te Deus eximet,
 Frangetque casses insidiantium ;
 Nec sæviens latè venenum
 Lethiferæ patiere pestis.
- 4 Expandet alas te super, et suis
 Pennis fovebit rebus in asperis :
 Certusque promissæ salutis
 Sub clypei latitabis umbra.
- 5, 6 Noctis per atræ cæca silentia
 Non expavesces cæca pericula ;
 Non luce grassantem timebis
 Perniciem, nec aperta bella :
- 7 Interque strages mille cadaverum,
 Dextrâ, sinistrâ, mille cadaverum,
 Periculorum exfors propinquam
 Incolumis fugies ruinam.
- 8 Pœnam luentes interea malos
 9 Lætus videbis : præsidio Dei
 Securus armorum et tumultûs,
 Ceu validis tegerere muris.
- 10 Nec te, nec ædes vis propius tuas,

- 11 Aut damna tangent : nam Deus Angelos
Custodiæ tuæ salutis
Præficiet, vigileque ad omnes
Motus, viarum qui referent moras :
- 12 Qui per salebras te manibus ferant,
Ne faucietur pes recussus.
Objicibus scopulorum acutis.
- 13 Securus atras inter et aspides
Deges, feratrum et pignora tigridum :
Tutusque calcabis dracones,
Et Libyæ catulos leane.
- 14 Observat, inquit, me Deus, unice et
Honore nomen prosequitur meum ;
Laboriosis hunc vicissim
Incolumem eripiam periculis.
- 15 Præsens vocanti subsidium feram,
Et imminenti rebus in asperis
Fato eximam ; exemptoque honorum
Eximium decus arrogabo.
- 16 Faxe virenti robore transigat
Seræ senectæ tempora suaviter :
Morsque monstrabo beare
Quâ soleam ratione amicos.

PSAL. XXII.

- 1 TE prædicare, laudibus te prosequi,
Rex alme colitum, decet.
- 2 Seu sol Eoâ luce terras purpuret,
Seu nox tenebris obruat,
Lux prædicantem me tuam clementiam,
Nox audiet constantiam :
- 3 Nec voce tantum, sed canorâ barbitò,
Sed cymbalo, sed nablio.
- 4 Operum tuorum tacita cogitatio
Animum jacentem exsuscitat.

Quam facta repente, gestant precordia
Perfusa dulci gaudio.

5 O opera ! facta ô magna verè ! ô sub cavâ
Confilia nube condita !

6 Confilia cæcis mentibus mortalium

7 Ignota ! qui non cogitant
Floresce praves instar herbe, quam fovet
Sol lenis, humor educat ;

Mox instar herbe frugum, afflatu levi
Marcentis evanescere,

8 Tu semper idem permanes, nec sentiens
Rerum vices, nec temporum.

9 Sceleris amicos ac tuos hostes premet
Ruina inevitabilis :

10 At me fovebis patriâ indulgentiâ,
Crudo vigentem robore ;

Et rore mitis balsami vultum imbuos,
Rosesb juventutis lumine.

11 Oculis malignis, qui tentent me hostium
Pascam ruinis latus ;

Et impiorum, qui creant molestiam
Mihi, letus excidium audiam.

12 Ceu palma, justus germinabit interim,
Aut cedrus in Libani jugo,

Quam non procellæ, non calor, non frigora
Honore audant frondium.

13 Quæ planta firmis hæserit radicibus
In æde Domini aut ætriæ,

Se flore amœno frondibusque vestiet :

14 Fluxique lapsu temporis

Ægræ senectæ damna nulla sentiet,
Onerata largis fructibus :

15 Ut nota cunctis gentibus sit equitas
Domini potentis ; qui mea

Arx est salutis una, qui nunquam males
Affinis est injuriæ.

✓ PSAL. XCIII.

- 1 **J**AM Dominus rerum imperium suscepit, amictus
Decore multo et dignitate : robore
Jam sese accinxit Dominus, qui mœnia mundi
Firmavit ullo non movenda seculo.
- 2 Cujus ab æterno solium est immobile regni,
Ut ipse, nullas temporum metuens vices.
- 3 Flumina præcipientes volvant cum murmure fluctus,
Et æquor undis æstuet minacibus ;
- 4 Compescit Dominus gravidis turgentia nimbis
Flumina, minacis sternit undas æquoris.
- 5 Stat fixum, et cunctis manet invariabile seclis,
Quodcumque Dominus ore sancto protulit :
Quæque ædem exornant Domini sacra mystica,
Oblivionis damna seræ sentient. [nulla

PSAL. XCIV.

- 1 **O** FRAUDIS ultor, sceleris ô vindex Deus,
Ostende numen impios contra tuum.
- 2 O juste judex orbis, expergiscere,
Meritisque pœnis reprime arrogantiam.
- 3 Quousque tandem, rector orbis optime,
Sese superbè jactitabunt impii ?
- 4 Devota sceleri factio in scelere suo
Plaudit, sibi que fabulis stultis placet :
- 5 Tuumque populum pedibus interim premunt,
Tuam protervè hæreditatem proterunt :
- 6 Viduam trucidant advenamque, et omnibus
Parente cassos obruunt molestiis :
- 7 Secumque mussant, Hæc Deus non adspicit,
Nec fanda prorsus et nefanda intelligit.
- 8 Gens ergo bruta, penitus ignorantia

- Obsessa pectus somnolentum, discute
9 Animi veterum, et cogita tecum, Deus
Qui fecit aurem, surdus est? qui luminum
10 Formavit orbes, ipse nil videt? vagas
Sine lege gentes recta qui sequi docet,
Non is suorum puniet scelera, quibus
Oracula legum sacrosancta credidit?
11 Arcana nostri pectoris novit Deus,
Consilia vana, spes inanes, turbidos
12 Æstus. Beatus ille demum, quem parens
Erudit amore patrio, legis suæ
13 Cui scita monstrat: rebus in duris aget
Securus ævum, dum paratur impio
Nassa, in lacunam incogitantem quæ trahat.
14 Hæreditatem nec Dominus unquam suam
Ope destitutam negliget, nec impiis
15 Prædæ relinquet; sed tribunal judicium
Ad æquitatis diriget normam suæ:
Vitamque ad illam dirigent boni suam.
16 Contra scelestos quis mihi auxilium feret?
Mecum impiorum quis premet superbiam?
17 Nam jam sepulchri frigidus sub frigido
Cumulo jacerem, nisi Dominus opem mihi
18 Præsens tulisset, et suâ clementiâ
Firmâisset animum, et jam vacillantem gradum
19 Fulisset, et me penè submersum malis
Solatus esset, anxietateque nubibus
Curæ remotis reddidisset gaudium.
20 Mecum loquebar, Quid scelestis cum Deo
Commune? scelera legis umbrâ qui sua
21 Tegunt, bonorum fraudulenta qui in caput
Consilia coeunt, factione innoxium
Premunt, iniquisque obruunt sententiis.
22 At rector orbis me tuebitur, meæ
Custos salutis, arx meæ fiduciæ,

- 23 Pro scelere pravis digna reddet præmia :
Suis et ipsos artibus pessundabit
Rerum creator Dominus, ac noster Deus.

PSAL. XCV.

- 1 **E**ia alacres cuncti Domini celebremus honores :
Salute partâ Domino agamus gratias.
2 Eia alacres rapiamus iter, mora seguis abesto :
Dominum canorâ personemus barbitō.
3 Magnus enim Dominus Deus est : Rex magnus,
Longè universis est deis potentior. [et orbis
4 Ille manu fulcit vastâ penetralia terræ,
Et nube cincta montium fastigia.
5 Ille vagum fecitque, et factum temperat æquor,
Terramque salis innatantem fluctibus.
6 Eia igitur genibus flexis manibusque supinis,
Dominoque nostra supplicemus et patri.
7 Noster enim Deus est, nos grex illius : ab uno
Pendemus illo, spiritumque ducimus :
Si modò non lentam verbis damus illius aurem,
Nec respuamus monita pertinaciter :
8 Nec, velut ad Meribam, me rixis, inquit, acerbis
Et arroganti provocetis murmure ;
Aut, Arabum veluti quondam per inhospita faxa,
Vires rebelli voce tentetis meas.
9 Quum proavi vestri me exploravere, meamque
Didicere factis plurimis potentiam.
10 Illa quater denis mihi natio restitit annis :
Dixique semper interim, Hæc gens desipit,
Et mea securas transmittit dicta per aures.
11 Irâ ergo justâ in pertinaces concitus
Juravi, Terræ gens hæc ingrata beatæ
Promissa amicis commoda haud carpet meis.

PSAL. XCVI.

- 1 **N**ON usitato pangite
Orbis parentem carmine,
Orbis coloni, incognitis
Abusque terræ finibus.
- 2 Cantate Dominum, laudibus
Nomen beatum tollite,
‡ Et mente gratâ agnoscite
Vestræ salutis vindicem.
- 3 Sol quâ recurrit, audiant
Gentes Dei potentiam,
Stuporque dulci gaudio
Perfusa oberret pectora.
- 4 Namque unus est verè Deus,
Cunctisque major laudibus,
Et diis timendus cæteris,
Quos horret error credulus.
- 5 Vesana gentes cæteræ
Pro diis colunt ludibria :
Dominus potenti dexterâ
Cælum solumque condidit.
- 6 Apparet illi dignitas,
Auctoritas, potentia ;
Ejusque templa fiderum
Fulgore lucent gloriæ.
- 7 Tribuite Domino gentium
Terras colentûm secula,
Tribuite Regi cœlitum,
Et robur et potentiam.
- 8 Tribuite magnitudinem
Tanto decoram numini :
Augusta templi ad atria
Adferte prompti munera.
- 9 Adeſte, pompam adducite,
Et supplices procumbite :

Omnesque rerum termini
Deum tremant et diligant.

- 10 Narrate cunctis gentibus
Regnare Dominum, qui ligat
Orbem catenâ immobili, et
Æquis gubernat legibus.

- 11 Lætetur æther, gestiat
Tellus, fretum præ gaudio
Exsultet, et quicquid freti
Salsas lacunas incolit.

- 12 Campi virescant avii,
Se cultâ fruge vestiant,
Arrideantque floribus
Silvæ, et graventur fructibus.

- 13 Natura rerum gestiens,
Cunctos per artus sentiat
Dei sui præsentiam.
Et prompta jussis pareat.

Jus namque veniet dicere,
A vi suos ut asserat,
Mundumque justis legibus
Et veritate temperet.

PSAL. XCVII.

- 1 IPSE sui Dominus regni moderatur habenas :

Lætare tellus continens, et insulæ
Quas vagus Oceanus refluus complectitur undis,
Cuiusque cœli subiectis cardini.

- 2 Hunc circum umbriferæ nubis prætexit amictus,
Pallensque multâ fusca nox caligine.
Apparent famulæ juxta, firmantque tribunal,
Severitasque dura, mitisque æquitas.

- 3 Ante volant sævum rutilantes fulminis ignes,
Hostesque flammis obruunt sequacibus.

- 4 Fulguribusque micat latè flagrantibus æther :

- Attonita tellus intremiscit : montium
 5 Saxa fluunt, rapido ceu cera liquefit ab igne,
 A sempiterni pavida vultu numinis.
 Terra sui à vultu Domini tremefacta liquefit :
 6 Et æquitatem templa cœli prædicant.
 Et quicunque habitant terras ubicunque remotas,
 Novere numen et Dei præsentiam.
 7 Illis ora pudor turpis confundat, inanes
 Quicunque mentis stipites pro diis colunt
 Dumque sacris placant picti ludibria trunci,
 Se gloriantur impio in scelere pios.
 Quicquid ubique Dei sub nomine credulas error
 Honorat, unum adoret, unum diligat.
 8 Lata Sion tenebras errorum cernet abactus :
 Judæa dulci delibata gaudio,
 Sacrilega adspiciet vani sacraria ritus
 Everfa, poenas luere meritas impios.
 9 Nam procul astringeri trans ignea mœnia mundi
 Tu fræna rerum jussus arbitrer tenes.
 Teque deos infra longè premis altior omnes,
 Tuique obumbras numinis fastigio.
 10 Ergo Deum quicunque pio complectere amore,
 A scelere mentem contine puram et manum.
 Nam Domino cordi est pietas, vitamque bonorum
 A vi tuetur impie tyrannidia.
 11 Et lætum offundit lumen cultoribus æqui,
 Et pura sceleris corda recreat gaudio.
 12 Vos quibus est cordi reverentia juris et æqui,
 Gaudete, Domini spe favoris ac opis
 Securi : gratoque Deum super æthera cantu
 Sanctumque nomen ejus usque tollite.

PSAL. KCVIII.

- 1 NON visitato carmine
 Rerum parentem pangite,

Virtute qui victoriam
Non usitatâ rettulit.

Suâ ipse solus dexterâ,
Externæ opis nil indigus,
Nos liberando, posteris
Miranda gessit seculis.

2 Sensere gentes impiæ
Bello Dei potentiam :
Pœnas luendo, judicem
Sensere justum et vindicem.

3 Promissa solvit optimâ
Fide Isaci nepotibus,
Partæ salutis testibus
Totius orbis incolis.

4 Huic ergo læti psallite
Totius orbis incolæ.
Hunc ferte in astra laudibus,
Lætis tubæ et clangoribus.

5 Laudate Dominum barbitò,
Nervisque carmen jungite ;

6 Lenisque tibîæ modis
Adsit sonora buccina.

7 Testetur æquor gaudium,
Et quicquid æquor occulit :
Orbisque terræ gestiat,
Et quicquid orbis educat.

8 Exsultet unda fluminum,
Leni susurrans murmure :
Montesque læti plausibus
Deum venire gaudeant.

9 En ipse Dominus advenit,
Cunctis ut orbis incolis
Det æqua justus præmia,
Et facta plectat impia.

PSAL. XCIX.

- 1 **J**AM regnum Dominus, spirituum piis
 Qui dat jura choris, fuscipit : impiis
 Horror terrificet pectora gentibus :
 Tellurem quatiat tremor.
- 2 Nec tantum Solymæ vim Dominus sui
 Fecit conspicuam numinis, et suæ
 Majestatis opes cernere finibus
 Terrarum dedit ultimis.
- 3 Ergo te meritis tollat honoribus,
 Augustum celebret gens hominum tuum
- 4 Nomen, qui salubri temperie modum
 Scepbris constituas tuis.
 Selectæ soboli qui populi tui
 Jus nullis dederis mobile secularis :
 Frænas justitiæ qui moderamine
 Æquali genus Isaci.
- 5 Sublimem Dominum laudibus et Deum,
 Solus qui liquido regnat in æthere,
 Ferte, et scamna pedum, (sanctus enim Deus
 Est noster) veneramini.
- 6 Hinc Moses et Aron, et Samuel bonus,
 Docti legitimis tingere victimis
 Aras, consilium quum peterent, data
 Sæpe oracla petentibus.
- 7 ~~De~~ pilâ tereti nubis eis dabat
 Responso ambiguis sollicito metu,
 Legum quod monitus pactaque fœdera
 Servassent stabili fide.
- 8 Aurem supplicibus tu facilem dabas,
 O rerum genitor maxime et optime,
 Indulgensque bonis, et scelerum simul
 Vindex, durus in impios.
- 9 Sublimem Dominum tollite laudibus,
 Solus qui liquido regnat in æthere : et

Montem quo colitur, (sanctus enim Deus
Est noster) veneramini.

PSAL. C.

- 1 **O**RBIS omnes incolæ
A sole Eoo ad Hesperum
- 2 Jubilate, et optimo
Rerum parenti plaudite
Mente lætâ, et ritibus
Servite puris numini.
Gestientes gaudio
Adite sancta limina.
- 3 Ille noster est Deus,
Noster parens et conditor :
Non enim nos firmimus
Ipsi, sed illius fumus,
Qui levi de pulvere
Alit creatus et regit.
- 4 Ad fores ergo illius
Adite læti, gratias
Agite : festis laudibus
Benignitatem pangite.
- 5 Prædicate cæteris
Numen beatum gentibus.
Nam benignitas Dei,
Et in suos clementia
Clauſa nullo est termino :
Et firma stat pactis fides
Posterorum posteris
In sempiterna secula.

PSAL. CI.

- 1 **T**E ſalus rerum cano, qui precanti
Lenis irarum es, facilisque ſecti,
Impiorum idem tetricus rebelles

Frangere fastus.

- 2 Huc meæ vires vigilant, labores
Huc ferent omnes, opis in tuæ spem
Semper ut castis domus institutis
Culta nitefcatur.

Si salutarem mihi tu ferenus
Porrigis dextram, tibi corde puro
Serviam : fraudum scelerisque pura
Serviet, aula.

- 3 Nec mihi exemplum statuum sequendum,
Litibus si quis miseros iniquis
Vexet, aut caussam tenuis clientis
Prodidit hosti.

- 4 Sponte qui pravis studiis inhæret,
Sit procul : sævi sceleris minister
Candidos nunquam mihi censeatur
Inter amicos.

- 5 Quisquis incautum lacerat sodalem,
Clam venenato jaculatus ictu,
Persequar, plectam, penitusque ab ima
Stirpe revellam.

Nec meæ mensæ dapibus fructur
Mentis elatæ tumor, arrogansque
Vultus, et cunctos veluti minores
Lumine spernens.

- 6 Veritas simplex quibus est amor,
Hos amo, amplector, video libenter :
His mihi seros fociis senectus
Impleat annos.

Integer vitæ mihi sit minister :

- 7 Tecta non intret mea fraudulentus :
Nemo mecum intra mea commoretur
Limina mendax.

- 8 Impios longè (morâ nullâ) terræ
Finiibus pellam : procul omne monstrum

Civitas sancta ut Domini reletget
Flagitiorum.

PSAL. CII.

- 1 **E**XAUDI genitor sancte meas preces,
 2 Clamorisque sonum percipe lugubris:
 2 Neu vulum misero subtrahes, claudas
 Omni ex parte prementibus.
 Aures suppliciiis nunc adhibe meis:
 Da votis facilem te, pater optimo,
 Et presso celerem porriget dexteram,
 Et presenti ope subleves.
- 3 Ceu fumi nebulae tempora transvolant,
 Ut lentis coquantur torris ab ignibus,
 Paullatim tartarus sic dolor aridis
 Humorem ebibit artibus.
- 4 Dum luctu crucio me dapis immemor,
 Ut secta è viridi gramina oespice
 Arescunt nimio torrida sole, cor
 Exsiccum mihi tabuit.
- 5 Crebrò sic remeans spiritus illa
 Tendit, sic genitrix pectora concutit
 Mœstus concussus, tabida uti cutis
 Jam vix mereat ossibus.
- 6, 7 Ut saltus habitans cuculus avior,
 Aut tectis latitans noctua dirutis,
 Aut turtur viduus, solus, inopa, dios
 Et nosces, optiles gemo.
- 8 Dum ceu ludibrium videor improbis,
 Irrisumque petunt serasde nefaria.
- 9 Nec panis cinere est gratior arido, et
 Potum tempero siccibus.
- 10 Istis ira malis me summat tua,
 Qui me sustuleras ex humili loco,
 Sublimi gravido sursum ut è gradu

Tractum precipitem daret.

- 11 Ut sero in tenebras umbra crepusculo
Vanescit, celeres deproperant dies
In mortem : veluti sub medio die

Fœnum, corpus inaruit.

- 12 At te perpetuis secula feculis
Nescientem, volueris non fugâ temporis
Carpit, nec memorem nominis obruet;

Famam posteritas tui.

- 13 Tandem surge, pater, tecta Sionia
Jam lenis, placide respice lumine :
Jam pleno redeunt tempora circulo,

Promissumque seruat diem.

- 14 Jam servi lapides respiciunt tui
Disiectos faciles, sparsaque rudera,
Incultique soli jam miserabiles

Versâ mentē dolent vicem.

- 15 Ut vertat populos terror in exteros,
Ut nomen Domini sit celebre omnibus
Et numen, trifidum quâ colitur solum,

Formidabile regibus.

- 16 Versam restituet quum Solymam, fusc
Majestatis opea quum dabit adspici ;
17 Lugentū miseris quum quærimus

Flectet se, et præce supplice.

- 18 Scribentur tabulis ista fidelibus,
Seris ut Domini nota nepotibus
Sit laus, nec senium prodita posteris

Nōrit gloria seculis.

- 19 De sanctis adytis ætheræ domūs,
Templi sepositis de penetralibus,
Cœlestis Dominum non piguit soli

Curas respicere ad leues.

- 20 Nexorum ut gemitus audiat, et neci
Addictos tetricâ compede liberet :

- 21 Laudes ut Solymæ templa Deo sonent,
Et nomen recinet Sion
- 22 In cœtu celebri. Tum procul ultimis
Terrarum populi finibus exciti
Illuc sacra ferent, et Domino dabunt
Reges munera supplices.
- 23 Quamvis in medio curriculo meum
Robur comminuit, destituit manum,
Atque ævi spatiis tempora lubrici
Contraxit brevioribus :
- 24 Clamabo tamen, O mi Deus unice,
In vitæ mediæ ne stadio brevem
Cursum siste rotæ : quantulum ad ultimam
Jam metam superest mihi ?
Te nunquam brevibus clausa recurſibus
Astrorum, senio conficiet dies :
- 25 Tu terræ stabilis mole, volucribus
Tu cœli prior ignibus.
- 26 Illis interitûs ſtant ſua tempora :
Tu nullo interitum tempore ſenties.
Annorum ſeries cætera deterit,
Ut veſtis territur vetus :
Ut detrita novis pallia veſtibus
Permutat locuples ; ſic abit et redit,
Et mutat facies imperio tuo
Mundi dædala machina.
- 27 At tu, qui fueras, ſemper es atque eris :
In teipſoque habitas ; nec varias vicēs
Decurſo patiens tempore, permanes
Metæ ſecula neſcia.
- 28 Sed ſervi ſoboles, et ſobolis tui
Servi poſteritas per ſeriem, tuis
Tecum perpetuis æmula ſeculis,
Ævi tempora tranſigent,

PSAL. CIII.

- 1 SIT parens rerum mihi carmen : illum
 Vox canat, sensus petat, et remotis
 Quisquis est fibris vigor, et sacretum
 Nomen honoret.
- 2 Mens Deo laudes canat, reddat grates
 Mens Deo : nullis benefacta facilia
 Excident, et que tribuit benignâ
 Munera dextrâ.
- 3 Qui scelus tollit maculosum, et agros
 4 Sanat angores, animaque vires
 Reddit, et vitæ properante fato
 Prærogat annos.
- 5 Qui manu largâ tibi plura donat,
 Ore quàm poscas, animo vel optes :
 Servat ac in morem aquilæ viventem
 Flore juventam.
- 6 Integer iudex, scelerumque vindex,
 7 Tradidit sancto sua jura Moysi :
 Ifaci prolem docuit piarum
 Dogmata legum.
- 8 Lenis et blandus, dare dona largus,
 9 Tardus irasci : neque sempiternæ
 Sævit offensæ memor, aut perennes
 Ardet in iras.
- 10 Nec modus pœnæ numerosæ nostris
 11 Æquus est culpis : bonitas redundat
 Latiùs terræ plaga quàm remoto
 Distat olympo.
- 12 Tam procul nostri maculas removet
 Criminis, quàm se procul à cubili
 Gaditano sol oriens Eois
 Exferit undis.
- 13 Qualis in natos placidi parentis
 Lenitas, talis Domini benigni est,

Quisquis illius pietatē verā
Nomen adorāt.

- 14 Tu finis mentis penitus repōstos,
Tu pater nōsti penetrāle cordis :
Quippe nos terræ memor ē rubenti
Pulvere factos.

- 15, 16 Herba ceu, lactens pueri venustas
Prodit, occultoque adolefcit ævo,
Donec ut fœnum cadat arefactum
Falce senectæ.

Instar aut floris Tyrio comantis
Murice, ut vultū modicè sereno
Risit, afflatu tepidī repentē
Concidit austri.

- 17 Sed Dei æternā bonitate in ævum
Tutus æternum remanet piorum
Cœtus, et longā serie propago
Sera nepotum :

- 18 Si nec æternas violabit icti
Fœderis leges, memorique iussa
Mente servārit, referatque vitā
Puriter actā.

- 19 Ille flammantis super alta cœli
Culmina immotum solium locavit,
Et suo nutu facilè universum
Temperat orbem.

- 20 Angeli jussis Domini ministri,
Sub jugum jus est quibus et potestas
Cuncta cogendi, Domino Deoque
Pangite laudes.

- 21 Quique castrorum comites meretis
Sub ducis tanti imperio, audientes
Sedulò dictis, Domino Deoque
Pangite laudes.

- 22 Quæque per vastos ubicunque fines

Imperi pollens opifex creavit,
Plaudite, auctori Domino Deoque

Pangite laudes.

Mens Deo grates cane, redde grates

Mens Deo: hunc sensus petat, et remotis

Quisquis est fibris vigor, et beatum

Nomen honoret.

PSAL. CIV.

1 **T**E rerum, Deus alme, canam Dominumque pa-
tremque:

Magne parens, sanctâ quam maiestate verendus,
Ætheris æternas rector moliris habenas!

2 Te decor, auratis ambit te gloria pennis,
Et circumfufum vestit pro tegmine lumen.

Tu tibi pro velo nitidi tentoria cœli,

3 Et liquidas curvo suspendis fornice lymphas:
Et levibus ventorum alis per inania vectus,
Frœnas seu celeres volitantia nubila currus.

4 Apparent accinctæ auræ flammæque ministræ,

5 Ut iussa accipiant. Stat nullo mobilis ævo
Terra, super solidæ nitens fundamina molis,

6 Pollenti stabilita manu: terra obruta quondam,
Fluctibus, ut fuso super ardua culmina velo:

7, 8 Sed simul increpuit tua vox, tonitruque tremendo
Insonuere auræ, paullatim ascendere montes
Cernere erat, sensimque cavas subsidere valles,
Inque cavas valles trepidas decurrere lymphas.

9 Neve iterum immissâ tellus stagnaret ab undâ,
Limitibus compressa suis resonantia plangit
Littora, præscriptas metuens transcendere metas.

10 Tum liquidi fontes imis de collibus augent
Flumina, per virides undas volventia campos:

11 Unde sitim sedent pecudes, quæ pingua tondent
Pascua, quique feris onager saxa invia silvis

- 12 Incolit : hic levibus quæ tranant aëra pennis,
Per virides passim ramos sua tecta volucres
Concelebrant, mulcentque vagis loca sola querelis.
- 13 Tu pater aëreas montes, camposque jacentes
Nectare cœlesti saturas, fecundaque rerum
Semina vitales in luminis elictis oras.
- 14 Unde pecus carpat viridis nova pabula fœni :
Unde olus humanos geniale assurgat in usus :
- 15 Quæque novent fessas cerealia munera vires,
Quæque hilarent mentes jucundi pocula vini,
Quique hilaret vultus succus viridantis olivi.
- 16 Nec minus arboribus succi gentabilis humor
Sufficitur : cœdro Libanum frondente coronas,
- 17 Alitibus nidos ; abies tibi confita surgit,
Nutrit ubi implumes peregrina ciconia fetus.
- 18 Tu timidis montes damis ; cava saxa dedisti,
Tutus ut abstrasis habitaret echinus in antris.
- 19 Tu lunc incertos vultus per tempora certa
Circumagis : puroque accensum lumine solem
Dacis ad occiduas constanti tramite metas :
- 20 Inde superfusus cuncta involventibus umbris,
Per tacitas spargis nocturna silentia terras.
- 21 Tam fera prorepit tætebris, silvisque relictis
Prædator vacuis errare leunculus arvis
Audet, et è cœlo mugitu pabula rauco
- 22 Te patrem exposcit : dein rursus, sole renato,
Abditur occultis prædatrix turba cavernis :
- 23 Inque vicem subeunt hominumque boumque labo-
Donec fera rubens accendat lumina vesper. [res,
- 24 Sic pater in cunctos didis te cernimodum usus.
Nec tantum tellus, genitor, tua munera sentit,
- 25 Tam variis fecunda bonis ; sed et æquora ponti
Fluctibus immensas circumplectentia terras,
Tam laxo spatiosa sinu ; tot millia gentis
Squamigeræ tremulâ per stagna liquentia caudâ

- 26 Exsultant : tot monstra ingentia et horrida visa
 Veliferas circumnans puppes : grandia cete
 Effingunt molles vitreo sub marmore lusus :
- 27 Atque adeò quæ terra arvis, quæ fluctibus æquor
 Educat, à te uno pendent, pater optime, teque
 Quæque suo proprium poscunt in tempore victum.
- 28 Te magnam pendente manum, saturantur abunde
 29 Omnia : te rursus vultum condente, fatiscunt.
 Te tollente animam, subito exanimata recurrunt
- 30 In cinerem : inspirante animam te denuò, surgit
 Illicò fecundæ sobolis generosa propago,
 Et desolatas gens incolit aurea terras.
- 31 Sic eat, ô nullo regnet, cum fine per ævum
 Majestas divina : summe in secula lætus :
- 32 Servet opus Deus : ille Deus, quo territa tellus
 Concutiente tremit, montes tangente vaporant,
 Fumiferâ trepidum nebulâ testante pavorem.
- 33 Hunc ego, dum vivam, dum spiritus hos reget artus,
 34 Usque colam : tantum ille meas facilisque bonisque
 Accipiat voces : nempe illo oblector in uno.
- 35 At verò impietas plane, extirpetur ab imâ
 Radice, et scelerum stirps nulla repullulet : ac nos
 Te rerum, Deus alme, patrem Dominumque ca-
 nemus.

PSAL. CV.

- 1 CANITE Dominum, et invocate nomen ejus : exte-
 Facta gentibus per orbem prædicate illustra. [ris
- 2 Ille sermo, carmen ille ; et illius miracula,
- 3 Nomen ejus, numen ejus una nobis gloria.
 Hunc amantem et hunc petentem palpitet cor gau-
 Robur ejus, pignus ejus sacrosanctum roboris [dio.
- 4 Petite ; vultum ejus beatum continenter querite.
- 5 Subeat animum quanta nostris edidit majoribus
 Signa, quæ portenta ; legum scita quæ reliquerit.

- 6 Vos Abrami, vos Jacobi posterì, serui Dei
Separati, forte lecta natio, vos alloquor.
7 Ille rerum rector unus, orbis unus arbiter,
8 Pacta nostris firma seruat facta cum maioribus :
Verba meminit : mille sancta in secula nectit fœdera,
9 Icta primitus cum Abramo, deinde jurata Isaco :
10 Isaci sanctita nato, lege non mutabili :
Posterisque sempiterno roborata vinculo ;
11 Quum, Tibi Chananea, dixit, arva sorte dividam.
12 Turba numero parva quamvis advena illic degeret,
Aucta nondum stirpe longis temporum decursibus :
13 Regna quanquam et nationes exsul errans verteret ;
14 Hos tamen Dei benigna fovit indulgentia :
Vimque duram præpotenti dextrâ ab illis arcuit ;
Et minis reges potentes tetricis compescuit ;
15 Nemihì, inquit, consecratos, ne mihi unctos tangite ;
A meis, moneo, prophetis abstinete injuriam.
16 Quum famem voracem in orbem contumacem in-
duceret,
Gentibusque alimenta latè noxiis subduceret,
17 Prævium misit ministrum Nili ad arva fertilis :
Filiùm pulchræ Rachelis margo turpis vendidit :
18 Carceris latuit tenebris, crura vinctus compede ;
19 Somnii donec soluti nota regi veritas,
20 Crura ferro liberavit, solvit animum crimine :
21 Et novâ fortis benignæ jam vicissitudine,
Regiorum servulorum servus ante ignobilis,
22 Fræna rerum tractat unus : nuper è custodia
Missus, aulæ purpuratos nunc coërcet vinculis :
Et senum juvenis severæ præsidet prudentiæ.
23 Isaci tandem propago culta linquens patria,
Pinguis ad fluentia Nili castra fixit advena.
24 Ac, Deo fovente, lætâ stirpe sic reffloruit,
Viribus brevì ut præiret inquilinus incolas. [midas
25 Tum Phari rector superbæ, mente versâ, Abra-

Fraude molitus nefandâ stirpitûs revellere :

26 Circulo donec voluto destinati temporis,
Legifer cum fratre Moses missus est divinitûs ;

27 Ac Pharon Pharique regem terruit miraculis.

28 Ergo natura, imperantis non rebellis jussibus,
Vestit polûm tenebris, et solum caligine
Condidit, cœu nocte cæcâ sole jussu cedere.

29 Unda decolor cruoris tabe rivos polluit,
Squameæque strage gentis inquinavit littora.

30 Terra felix antè frugum, more nunc præpostero,
Turpibus fœcunda ranis squalet : ipsa regia
Fœta ranis, ipsa regum fœta sunt cubilia.

31 Fusa deinde nube densâ musca Memphin occulit :
Et pediculorum ubique fœda erant examina.

32 Instar imbrium ruebat mista flamma grandini,

33 Arborea nudans comantes fronde, flore, fructibus.

34, 35 Quod reliquit atragrande, mox locusta perdidit :
Bruchus abstulit, locustas quod voraces fugerat.

36 Tot malis subinde sævis icta Nili regia,
Quum ferox non mitigaret contumaces spiritus,
Dira populum mox in ipsum versa pœna sæviit.

Prima pignorum repente per penates omnium
Occidere : cuncta planctu, cuncta fletu personant.

37 Rege tandem pertinace cladibus perterrita,
Sancta Memphin gens reliquit, jam tyranno libera,
Dives auro argenteisque barbarorum poculis :
Nec tot inter millia ullum languor attentaverat.

38 Ergo Nili jam pavore liberata regia,
Voce, vultu, plausibusque præferebat gaudium.

39 At parens minor benignus gentis electæ sibi,
Per siticulosæ arenæ vastitatem imperviam
Castra nubis texit umbrâ, luce ; noctem luridam
Ignium latè corusco temperavit lumine.

40 Arva, victum cum rogarent, texit imber alitum :
Panis impluit per auras more densæ grandinis,

- 41 Petra iussa fudit undas : deque rupis viscere
 42 Antè sicca solitudo flumen haufit. Scilicet
 Fœderis parens benignus immemor nunquam fui,
 Quod sibi caro cum Abramo sempiternum fecerat.
 43 Sic parentum stirps piorum, tuta ductu numinis,
 Arva liquit fraudulenta perfidi Pelusii :
 44 Occupatis efferarum nationum sedibus,
 Tradidit Deus labores impiorum eis carpere :
 45 Sanctiones ut tenerent sacrosancti fœderis,
 Et piarum ad iussa legum facta cuncta fingerent.
 Laus, honor, decusque Regi sempiterno cœlitum.

PSAL. CVI.

- 1 **L**AUDATE Regem cœlitum, Regem bonum,
 Suisque nullo non benignum tempore.
 2 Quis facta verbis æquet ? eloquentiâ
 Quis assequetur illius potentiam ?
 3 O ter beatos æqui amantes, et tuæ
 Præscripta legis qui tueantur jugiter !
 4 Memento nostrî facilis et favens, tuum
 Prospicere populum quâ soles clementiâ :
 Et me revise lenis ac salutifer ;
 5 Ut separati tibi bonis populi fruar,
 Carпамque lætus quo fruuntur gaudio,
 Hæreditatique comes applaudam tuæ.
 6 Scelestâ proles cum scelestis patribus
 In te rebelles multa iniqua secimus ;
 Abominanda, dira perpetravimus.
 7 Nam nec tyranni Ægyptii ex ergastulo
 Nostri parentes liberi per te, tua
 Ostenta graviter ponderârunt, nec tuæ
 Meminere gratis mentibus clementiæ :
 Sed propter undas æquoris rubri, duces
 Adversus animis turba contumacibus
 8 Obmurmuravit. At parens malis bonus

Pœnas remittis, ut tuam clementiam
Agnoscat orbis, et tremat potentiam.

9 Nam comminanti cessit unda fluctuum :
Suspensa moles hinc et inde per sali
Tranquilli arenas aridam dedit viam,
Ceus solida campis figerent vestigia :

10 Donec tyranno liberati et hostium
Crudelitate, tuta tuti littora

11 Tenuere : at hostes vorticoso gurgite
Absorpsit unda, cladis ut nec nuncius

12 Superesset. Illic tum salutis compotes
Fidemque verbis præbuere, et cantibus
Cecinere festis numinis potentiam.

13 Metu repulso, protinus lascivia
Animos rebelles perculit : nec amplius
Meminere signa nec pericla pristina.

14 Repentè pravâ perciti libidine
Arsere, verbis et Deum procacibus
Iræ impulerunt fræna justæ solvere :

15 Ac flagitatos impiè dedit cibos,
Justisque pœnis impios coërcuit.

16 Nec pœna mentes, nec benignitas feras
Mollire potuit, quin procaciter ducem
Ducisque fratrem peteret æmulatio,
Et freta studiis semper ambitio malis.

17 Sed factiosos terra vasto condidit

18 Sinu dehiscens, flammeique gurgitis
Torrens vorago devoravit impios.

19 Nec noxiorum monita tot pœnis modum
Gens prava sceleri fecit. Horebi in iugo
Proh facinus ! ante imaginem bovis Dei

20 Imago sese itavit, et frondè saturi
Simulacra tauri coluit instar numinis ;

21 Partæ salutis nuper ingrata, immemor
Miraculorum in urbibus Niloticis ;

- 22 Et fluctu eodem sospites se, subrutos
Hostes superbos vorticosis æstibus.
- 23 Ergo scelestos ira iusta, perdere
Ibat, furenti ni Deo carum caput
Pro gente Moses obtulisset, et prece
- 24 Frænâisset iras. Nec tamen turbæ furor
Illic quievit, expetitum tam diu
Uber feracis spreuit agri : nec fidem
Mosi docenti, pollicenti nec Deo
- 25 Habuit : tumultu castra complens respuit
26 Imperia : donec ille munificus parens,
Delere promptus inter invia montium
- 27 Toties rebelles, extulit dextram, et genus
Per nationes impias disperdere
- 28 Jam destinârat : ante sculpta numina
Iterum protervi procidère, et mortuis
Diis thura, lectasque immolârunt hostias :
- 29 Deum sceleribus provocaverunt novis,
Iramque rursus exasperârunt vindicem :
- 30 Justâ incitatus donec irâ Phineas
Ferro scelestam puniit licentiam,
Et sævientem dexteram compescuit
- 31 Domini, sibi que peperit æternum decus,
Quod nulla fileant posterorum secula.
- 32 Nec contumaces supplicia tot spiritus
Coërcuerunt, Meribæ ad undas quin Dei
- 33 Rursus furorem accenderent : nec publico
Moses furore liber, etiam incredulâ
Oratione vertit iram numinis
- 34 In se. Potiti deinde pactis finibus,
Nec impiarum semen omne gentium,
Disperdidertint funditus, nec iussibus
Rectè monentis paruerunt numinis :
- 35 Sed se profanis miscuere gentibus,
36 Didicere ritus, serviere ludicris

- Diis : ac, eorum mancipatî cultibus,
Tenuere puras à scelere nullo manus.
- 37 Quippe immolârunt filios ac filias
38 Ad dæmonum aras : et suæ propaginis
Tinxere sculptos sanguine innocuo deos,
Terramque sanctam polluerunt cædibus.
- 39 In scelera proni abominanda, dum suæ
40 Manûs adorant opera, patrium Deum
41 Justas ad iras provocârunt, ut suam
Hæreditatem abominatus, impiis
In servitutem manciparet hostibus :
- 42 Quorum severo penè contriti jugo,
Posuere sævam spiritûs ferociam.
- 43 Ac liberati sæpe Domino vindice,
Rursus rebelles spiritus in vindicem
Sumfere ; rursus ob scelera, pœnas sua
44 Dedere : mitis nec Dei bonitas tamen
In rebus arctis innocentium à prece
45 Avertit autem : foederis memor sui,
Pœnas remisit lenis et placabilis.
- 46 Quin et superba corda gentis barbaræ,
Cui serviebant dirutâ jam patriâ,
Lenivit : animos omnium ut perstringeret
Imago fortis flebilis vel hostibus.
- 47 Tu nos tuere, Domine noster et Deus,
Et è profanis gentibus recollige :
Ut te canamus, nomen ut sanctum tuum
- 48 Celebremus unum : populus omnis ut simul
Dicat, Deo, quem politeri Abrami colunt,
Sit laus, honorque in seculorum secula,
Amen, amen.

PSALMORUM

LIBER QUINTUS.

PSAL. CVII.

- 1 **C**ANTEMUS Dominumque bonum, facilemque
parentem,
Cujus habet nullas larga indulgentiæ metas.
- 2 Hunc grato simul ore canant, quos dira tyrannis
Quum premeret, sævo incolumes ex hoste recepit,
Et juga captivo excussit servilia collo :
- 3 Perque feras gentes sparsos, quæ surgit ab undis,
Et quæ diversas abiens se coadit in undas
Phœbus, ab arctœ campis glacialibus ursæ
Collegit, tepidoque domum revocavit ab austro.
- 4 Per steriles saltus et inhospita saxa vagantes,
Quæ nulla ad cultas ducunt vestigia terras,
- 5 Fracti animos mœrore, inopes undæque cibique,
- 6 Auxilium miseris imploravere querelis :
Audiit orantes, et opis miseratus egenos,
Omnibus exsolvit mœrentia pectora curis,
- 7 Montravitque viam cultas quæ ferret ad urbes.
- 8 Ergo canant Dominumque bonum, facilemque
parentem,
Et late ignotis pandant facta inclyta terris :
- 9 Quippe sitim victuque famem compescuit ægram,
Reddidit et membris vires animoque vigorem.
- 10, 11 Quique Dei monitis ingrata mente relictis,
Carceris in tenebris et sæcâ nocte jacebant, [tis,
- 12 Quum tremarent gelidæ exanimes formidine mor-
Afflictique malis humiles fractique jacerent,
- 13 Auxilium miseris imploravere querelis :
Audiit orantes, et opis miseratus egenos,

Omibus exsolvit mœrentia pectora curis :

14 Vincula manu validâ rupit, mortisque tîmorem
Reppulit, et tetrîs pavidos eduxit ab umbris.

15 Ergo canant Dominumque bonum, facilemque
parentem,

Et latè ignotis pandant facta inclyta terris :

16 Liminaque et portæ qui claustra refregit ahenæ,

17, 18 Delictis animi vires quum stulta libido

Affligit, corpusque gravi languore solutum

Stultitiæ pendit pœnas, et morte propinquâ

Rejiciunt omnem fastidia marcida victum ;

19 Auxilium miseris qui imploravere querelis,

Adspicit orantes, et opis miseratus egenos,

Omibus exsolvit mœrentia pectora curis :

20 Ereptisque suo lethi de limine verbo,

Restituit lætumque novat per mēbra vigorem.

21 Ergo canant Dominumque bonum, facilemque
parentem,

Et latè ignotis pandant facta inclyta terris :

22 Et meritis cumulent memores altaria donis,

Et gratâ acceptam testentur voce salutem.

23 Qui mare fluctisonum sulcat, curvisque carinis

Admoveret externas vaga per commercia gentes,

24 Non ignota illi divina potentia, nec quæ

Monstrat in immenso miracula sæpe profundo.

25 Quum jubet, irrumpunt venti stridente procellâ,

26 Et mare nunc spumis canentibus astra lacescit,

Et nunc tartarei subsidit ad ima barathri :

27 Pallent ora, metus trepidantia pectora pulsat,

Et velut oppressis vino vestigia nutant :

Callida nec cani juvat ars aut cura magistri.

28 At Dominum ut mœstis imploravere querelis

Exaudit trepidos, et opis miseratur egenos.

29 Jam venti ponunt, stratâque æqualiter undâ,

Arrident taciti tranquilla silentia ponti.

- 30 Jam posita læti gaudent formidine nautæ,
Cum lacera optatum portum tetigere carinæ.
- 31 Ergo canant Dominumque bonum, facilemque
parentem,
Et late ignotis pandant facta inælyta terris.
- 32 Hunc populi cætus laudent, sanctique senatus
33 Concilium super astra ferat, qui flumina ficcant,
Et riguos passim civis bollantibus agros,
Fontibus oclusis, sitienti damnat arenâ :
- 34 Et fecunda, sui facta ob scelerata coloni,
Arva jubet falsis subito sterilesce re glebis.
- 35 At contra in sterili campo male pinguis arenæ
Stare lacus, pinguesque facit stagnare paludes.
Et fluvius ficos rivisque fugacibus agros
- 36 Irrigat, atque inopi transmittit habere colono :
Quique novas sanctis moderetur legibus urbes,
- 37 Et scrobibus credat vites, et semina fuleis,
Unde legat dulces maturo in tempore fructus,
- 38 Quos pater omnipotens alit, et proventibus auget
39 Assiduus pecorum cæctus. Ubi nescia rursus
Commoda fortunæ modicè mens ferre secundæ,
Fræna dedit vitæ, retrahit sua munera justus
Arbiter : indomitos animos et corda superba
- 40 Cladibus affligit : sævis punire tyrannis
Tradit, et ignavo petulans sub principe vulgus
Contentum, populis prædam jubet esse propinquis.
Perque inopes victus terræ traducit, ubi ante
Nulla hominum tritam monstrant vestigia callem
- 41 Avertit mala pauperibusque, animique modestis,
Atque hilares multâ fecundat prole penates.
- 42 Hæc spectant gaudentque boni : male conscia
mussat.
- 43 Turba metu. Ast, animi quibus est solertia, curâ
Assiduâ volvunt, memorique hæc mente recon-
Luceat ut cunctis Domini clementia terris. [dunt,

PSAL. CVIII.

- 1 **M**ENS invicta malis, animi vigor integer, orbis
Te voce, rector, te celebrabit lyrâ.
- 2 Eia age, depositis mens expurgare curis,
Et tu canora barbitos cum nablis.
- Ocius auroræ quàm lucifer excitet ignes,
Aurora tantus quàm volucrum exfusetur.
- 3 Te pater almè canam: populos tua facta per om-
Quâcunque tellus panditur, vates feram. [nes,
- 4 Nam tua siderei bonitas fastigia cœli,
Fidesque, tractus nubium supervolat.
- 5 O Deus augustum nitido caput exferre cœlo;
Ostende terris gloriæ jubar tuæ.
- 6 Eripiasque tuos gelidi formidine lethi
Præsens, et opifer invocantes audias.
- 7 Audiit, ex adytoque Deus flammantis olympi
Vocem rependit gaudii prænuntiam.
- En tibi frugiferos Sichinæ dispertiar agros:
Vallem Sucothi metiar decempedâ.
- 8 Nonne mihi parent Jacobi pignora, quisquis
Vel pecore tondet arva, vel vomere fecat?
- 9 Oppida sub pedibus Syriæ calcabo superba,
Moabum, Idumen, et Palestinas domos.
- 10 Quis mihi pandet iter munus dactor ad arces?
Muros Idumes divitiis quis diructi?
- 11 Quis? nisi tu nostræ gentis, Deus unice, tutor?
Qui nos premendos hostibus reliqueras,
- Offensus vitiiis pravis: nec in arma ruentes
Nostros præibas dux, ut antè, exercitus.
- 12 Nunc pater auxilium rebus bonus adfer in arcis:
Humana fallax credulus spes decipit.
- 13 Te duce, victrici decorati tempora lauro,
Pedibus prememus hostis arrogantiam.

PSAL. CIX.

- 1 **N**E fileas, ne diffimula, mea gloria, neve
Sine veritatem supprimi mendacio.
- 2 **M**e scelerati oris fraus, et crudele venenum,
Proterva fictis lingua me premit dolis.
- 3 In me odia occultis acuunt sermonibus iras,
Et immerenti fabricant molestiam.
- 4 **Q**ui mihi debebant fidum solamen amici,
Probra ingerebant clanculum et convicia,
Ast ego, secretæ tibi qui penetralia mentis
Cernis, dolente corde fundebam preces.
- 5 **O**mnibus officiis culti mihi damna rependunt,
Remunerantur odio amore simplicem.
- 6 **T**u pater hunc sævo vexandum trade tyranno :
Vastator illi ad dexteram adstet Angelus.
- 7 **J**udicis adstiterit cum sordidus ante tribunal,
Damnatus aspris exeat sententiis.
Quum volet iratos animos inflectere fando,
Oratione iudices exasperet.
- 8 **A**nte diem fato pereat præreptus acerbo :
Locumque vacuum dominus occupet novus.
- 9 **O**rba fleat soboles, viduâ gemat uxor in aulâ :
- 10 **E**jecta proles patrio exulet solo :
Instabilis, mendica, vagis erroribus orbem
Lustret ; quietum reperiat nusquam locum.
- 11 **C**onturbetque domum miseram, inscribatque pe
Scrutatus omnes scenerator arculas. [nates,
Ignotusque hæres longo congesta labore
- 12 **R**apiat, operique nemo poscenti ferat :
Nullaque progeniem misratio sublevet orbam.
- 13 **M**ors falce totam demetat semel domum ;
Proxima gentem omnem cum nomine deleat ætas.
- 14, 15 **A**pudque Dominum, patris erratum, ut recens,
Ante oculos interque manus versetur et erret :
Nec vitia matris tollat ulla oblvio.

- 16 Utque erat oblitus miserandis oblivio gentem
Ejus perenni supprimat silentio :
Qui dejectum, inopem, et curis mordacibus et
Pertrahere mortis nixus est in retia. [etiam,
17 Semper ei veluti fuerat maledictio cordi,
Maledicta in illum et exstercatio cadent.
Ac veluti studio fugit benedicere pravo,
Sic nullus illi cupiat aut dicat bene.
18 Et velut obtegatur talari corpus amictu,
Totus miseriis ille sordeat oblitus :
Sic in cuncta illi passim se viscera fundant
Ut oleum in ossa penetrat, unda in viscera :
19 Hoc ergo incedat semper vestitus amictu :
Hæc zona lumbos cingat illi et ilia.
20 Ante Deum tales pendat detractio pœnas,
Et clam salutem quisquis oppugnat meam.
21 Alme pater, pater alme, tuâ me protege dextrâ,
Et invidorum libera calumniis.
Ut nomen latus omne tuum telluris honoret,
Et suavitatem sentiat clementiæ.
22 Eripe me invidiæ : sum pauper, egenus et exspes,
Animumque curæ turbidum urunt anxie.
23 Non aliter pereô, species quàm futilis umbræ,
Pallent tenebris sera quum crepusculâ :
Aut ubi decussis solerti indagine ramis,
Locusta tectis pulsa frondeis cadit.
24 Genua labant infirma : artus jejuniâ solvant :
Exsanguis siccis corpus aret ossibus.
25 Me tumidi probris hostes petiere superbis :
Me conspicati capita quassarunt sua.
26 Adfer opem, servumque tuum, pater optime, serva
Pro lenitate semper assueta tibi. [etiam :
27 Agnoscantque tuam, verum pater optime, dex-
Tuâque saluum me sciant clementiâ.

28 Dum maledicta voment hostes, dum probra loquentur,

Bonusque placidusque benedices tu mihi.
Dum confusa illis turpia pudor ora notabit,
Lætitia servi pectus hilarabit tui.

29 Hos pudor, ut talos à vertice vestis ad imos
Effusa latè corpus omne contegit;
Hos pudor, et mœrens turbato infamia vultu,
Qui me maligno dente rodunt, obruat.

30 Ast ego tum Domino grates memor ore sonabo,
Cœtuque laudes in ecclésiâ concinam;

31 Qui stetit auxilio dexter cum paupere, vitamque
Eripuit ejus hostium ludibrio.

♦ PSAL. CX.

1 Sic alloquutus Dominus est Dominum meum,
Affide dexteram ad meam,
Dum proterendos, ceu scabellum, sub pedes
Hostes tibi prœvolvero.

2 Ad orbis oras ultimas fasces tuos
Altâ ab Sione proferam:
Ut juris æqui vinculis coërceas
Fastus rebelles hostium.

3 Te pompa lætis quum reducet plausibus
Ad templâ votî compotem,
Sancto decorus apparatu exercitus
Lætum celebrabit diem.

Non roris imber ante lucem argenteis
Tot vestit arva gemmulis,

Quàm multa cunctis gentium de finibus
Ad te propago confluet.

4 Juravit et se adstrinxit immutabili
Dominus sacramento tibi,
Tete futurum Melchisedecis sibi.
Ritu sacrorum antistitem,

Sol inquieto lucis orbe dum diem,
Dum luna noctem illuminet.

5, 6 Ad dexteram ille semper adsistet tuam :

Ferro tyrannos vindice

Compescet : iram commodans suam tibi,

Gentes rebelles comprimet ;

Ducesque regnis imperantes ditibus

7 Sternet solo : torrentibus

E fortuitis, dum fugam premet, fitim

Victor levabit igneam.

Ergo subactis hostibus, cœlo caput

Tollet decorum gloriâ.

PSAL. CXI.

1 SIVE inter fidos tractem secreta sodales,

S Seu sancti stipante catervâ

Me populi loquar, alma parens, te pectore toto

Usque canam : tua munera grato

2 Ore feram, magna æternæ miracula dextræ :

Magna quidem, sed et inclyta certè,

Et manifesta bonis, studio scrutante fideli.

3 Quicquid enim gerit, omnia splendor,

Omnia divinâ majestas luce refulgens

Illustrat : dum sidera terras

Ignea lustrabunt, hunc justum semper et æquum

Sera agnoscent secula nepotum.

4 Nec quæ primævi quondam stupuere parentes

Attoniti, mirandaque natis,

Invida delebunt obliviam : parcere largus

Nempe parens, facilisque querelis

5 Flectere cor miseris : spoliis ex hoste superbo

Direptis decoravit amicos.

Nec cum gente sua percussis fœderis illum

Immemorem ulla redarguet ætas.

Ostenditque suas per facta illustria vires,

- Quum populatus regna superba,
 Dimensusque novis hostilia rura colonis,
 Dilectæ dedit oppida genti.
- 7 Quicquid agit loquiturque, fides immobilis actus
 Equi et regula dirigit omnes.
 Quæ jubet, æqua jubet, alloque interlita fudo,
 Aut tacitam celantia fraudem ;
- 8 Quæque nec æterno volventia secula lapsu
 Interimant, aut tempore carpanit.
 Quippe adstans fidei firmæ constantia et æquum
 Perpetuò rata iussa tuentur.
- 9 Quum premeret Phariæ imperium crudele tyranni
 Selectâ de gente nepotes :
 Excussitque jugum, et regis fera iussa superbi
 Exuit : æternæque beatis
 Libertate frui donarat, pignora fera
 Si jurata parentibus olim
 Intemerata piæ servassent fœdera legis :
 Fœdera nullis irrita scelis.
- Quippe Dei sanctum est et formidabile nomen,
 Ac sanctæ suæ pacta tuetur :
 Exigit et duras violato fœdere pœnas.
- 10 Hunc colere ex animoque vereri,
 Vivendi rectè fons et sapientia primâ est.
 Hanc cunctos qui dirigit actus
 - Ad metam, verè sapit : hunc ventura nepotum
 Semper dicent secula beatum.

PSAL. CXII.

- 1 **B**EATUS ille, qui Deum rerum patrem
 Pietate non fictâ colit :
 Deique gaudet legibus : mores suos
 Formare ad illas nititur.
- 2 Latè per urbes divites potentiam
 Ejus propago proferet :

- Prolem piorum numinis benignitas
Largâ beabit dextrâ.
- 3 Res affluenter suppetet, semper domi
Illi: nec ætas longior
Obliterabit æquitatis gloriam
- 4 Fructumque. Quum premet malos
Fortuna, sævo gestiens ludibrio
Mutare summis infima,
Benignitatis tum suæ justis Deus
Lucem in tenebris offeret.
Clemens bonusque in omnibus periculis
Stirpem piorum muniet.
- 5 Misertus inopis vir bonus, largâ manu
Succurret indigentiae;
Sic cuncta justo temperans examine,
Nec verba temerè ut excidant.
- 6 Non turbo fortis cuncta quatientis, loco
Movebit illum, nec dies
Suprema famam condet ejus invidio
Oblivii silentio.
- 7 Non livor illum falsa gaudens spargere
Terrebit, aut calumpnia;
Bellive rumor, aut egestas lurida,
Fragorque lethi proximi:
Sed mente firmâ provocat discrimina,
Deoque solo nititur.
- 8 Ceu cana rupes murmurantis æquoris
Spernit minaces impetus:
Sic ille certâ interritus fiduciâ
Sortis procellas sustinet:
Ac sustinebit, dum ruinas hostium
Salvus suorum adspexerit.
- 9 Opes volucris instar auræ mobiles
Largitus est egentibus;
Sibi æquitatis gloriam superstitem

- Servavit: omne gloriam
 Vivaciorem, nec senescit dentibus
 Aeruginosa ebrioxiam
 10 Dum laude clarum, rege lautum splendida
 Spectabit impius pium,
 Curæque mentem vollicabunt anxie,
 Succumque carpent corporis;
 Dentem fatigans dente ringetur, luc
 Sic macerabit tabida
 Dorsibus malorum nota ridet prius
 Spes ut modestus promovet.

PSAL. CXIII.

- 1 **P**SALLITE Dominum pauci, Domini
 Nomen fello taline cantu
 2 Nomen Domini sic celebratur,
 Ut seculorum in secula longi
 Nulla oblivia fentiat
 3 Primo in carcere solis Dei
 Ad purpureos usque occasus,
 Omnes Domini nomen adolent
 4 Qui gentes super arduis omnes
 Celfas ætheris incolit arces:
 Cujus longè gloria mundi
 Trans flammantia incipit recta est.
 5 O pietatis nescia veræ
 Pectora! ritu sacra nefando
 O qui fingitis, atque decorum
 Quenquam Domino similem nostro
 6 Nôstis? quem super ardua cœli
 Culminis positum nil latet inæ
 Sub cava clausum viscera terræ;
 Nil humano procul adpectu
 Trans multiplices ætheris orbes.
 7 Inopem terræ qui prostratum

Suscitat, et de pulvere egenum.

- 8 Tollit, ut alto positus folio.
Populi primos carpat honores.
9 Qui maternos sterili fructus
Exoratus donat, et orbos
Lætâ renovat prole penates.

PSAL. CXIV.

- 1 **Q**UUM domus Ifacidum patrias remearet ad oras,
Barbaraque invisa linqueret arva Phari:
2 Ipse Deus Judam cœlesti numine tutum
Fecit: erat populi signifer ipse sui.
3 Vidit et attonitas trepidum mare diffidit undas:
Jordânis refugas in caput egit aquas.
4 Dura per intonfos salierunt culmina montes,
Ut saturas gestit dux gregis inter oves:
Celsaque frondentes movere cacumina colles,
Agnus ut in pratis luxuriare solet.
5 Quid mare vidisti solito cur cesseris alveo?
Cur fugis in fontes fluminis unda tuos?
Cur ita concusso salistis vertice montes,
Ut satur exultat dux gregis inter oves?
6 Cur ita frondenti salistis vertice colles,
Agnus ut in pratis luxuriare solet?
7 Nempe Dei trepidum præsentia terruit orbem,
Cui cadit in Solymos victima multa focos.
8 Qui lapidum venas laticum laxavit in usum,
Cui fluxit large flumine dura silex.

PSAL. CXV.

- 1 **T**E, magne rector orbis, haud victoriam
Ex hoste sævo poscimus,
Nos ut per omnes fama gentes differat,
Nec apparatu ut splendido
Per ora vulgi nos triumphus aureo

Curru superbos transferat :

Sed impiarum ut secla gentium sciant

Te largum opis cultoribus

Tuis, fideque semper immutabili

Promissa promittum solvere.

2 Ne fortè rebus insolentes prosperis,

Ubi nunc Deus vester ? rogent.

3 Deus astra noster incolens, mortalium

Natu suo res temperat.

4 At impiarum finxit error gentium

Manu deos intiles :

Aurum caminis excoquens, aut malleis

Massa è sequaci bracteas

Ducens, figurà multiformi ludicra

Affixit aris numina.

5 Inane vocis os habent : oculos habent,

Orbes inanes luminis.

6 Naribus odores nec trahunt, nec auribus

Surdus sonores hauriunt :

7 Palpare manibus non queunt, torpentibus

Nec ingredi vestigiis.

Nec vox anhelis edita è pulmonibus,

Cavo recurrit gutture.

8 Quicumque tales fingit aut colit deos,

Diis ipse similis sit suis.

9 At tu Jacobi gens, loca fiduciam

Omnem salutis in Deo,

Qui te potenti sublevabit dexterâ,

Et in periclis proteget.

10 Et vos Aronis posterl, spem ponite

Omnem salutis in Deo,

Qui vos potenti sublevabit dexterâ,

Et in periclis proteget.

11 Quicumque cultor es Dei, fiduciam

Loca salutis in Deo,

- Qui te potenti sublevari dexterâ,
Et in periculis proteget.
- 12 Qui nos favore semper amplexus memor
Fovit fovetque sedulo:
Cunctos Jacobi qui fovebit posteros,
Aronis et sacrum genus.
- 13 Qui se colentes, sive juvenes, seu senes,
Fovebit et custodiet.
- 14 Qui nosque donis semper augebit novis,
Et liberorum liberos.
- 15 Nam nos profanis segregavit gentibus,
Cœli solique conditor;
- 16 Cœlum sibi ipse regiam fecit, solum
Sedem dedit mortalibus:
Remunerantes muneribus illum ut suis
Rerum parentem agnoscerent.
- 17 Neque ora laudes in tuas solvent, pater,
Quos mors tegit silentio.
- 18 Nos te parentem agnoscoimus, qui spiritu
Vitalis auræ vescimur,
Te prosequemur laudibus, dum lucido
Sol axe terras ambiet.

PSAL. CXVI.

- 1 **T**OTO pectore diligam
Unicè et Dominum colam,
Qui lenis mihi supplici
Non duram appulit aurem.
- 2 Aurem qui mihi supplici
Non duram dedit; hunc ego,
Donec pectora spiritus
Pulset, semper amabo.
- 3 Jam mors ante oculos erat,
Jam stabam super aggerem
Busti, jam dolor anxius

Omni ex parte premebata.

- 4 Exspes tum prece supplicis
Oravi Dominum : Pater,
Quæso, inquam, miserabilis, adque cæcis
Saltem confule vitæ.
- 5 O justum Dominum et bonam,
- 6 Et pronum veniæ ! auxilium
Is me et consilii indigum
Sævo-textit ab hoste.
- 7 Ergo mens tibi reddita
Mœrorem cohibe, juste Deus,
Quæ largâ tribuit manu
Donis læta fruare.
- 8 Vitam è faucibus eruit
Mortis, et lacrymas genis
Absterfit, stabili et pede
Firmavit tibi gressum.
- 9 Tutus præsidio Dei
Degam ; et polliciti fide
Fretus non dubiâ, canam
Grato pectore laudes.
- 10 Lassus, rebus et asperis
Afflictus, trepidâ fugâ
Vitæ prospiciens mœas,
Sic mecum ipse loquebar ;
- 11 Nulli certa homini fides ;
At rerum arbiter optimus,
Unus polliciti tenax,
Unus fallere nescit.
- 12 Tot liber toties malis,
Tot auctus toties bonis,
Quo tandem officio tibi
Coner solvere grates ?
- 13 Te festâ dape, te prece,
Te libamine prosequar,

Te vitæ còlumen mea

Gratâ voce facclama

14 Te vitæ còlumen mea

In cœtu populi tui

Gratâ prosequar hostiâ,

Damnatus sitis vos

15 Electos, genitor, tuos

Custos præsidio tegis,

Nec per vim pereuntibus

Manes linquis in altis

16 Tu servum Domini tuam,

Ancillæ sobolem tuam

Me, minacibus hostium

Vinclis eripuisti.

17 Te, rerum pater optime,

Semper laudibus effera;

Nomen in dubiis tuum

Usurpabo periclis.

18 Te voti reus, erutus

Morte, prosequar hostiâ,

19 Sacri limen ad atrii,

Sacræ redditus urbi.

PSAL. CXVII.

1 OMNES ubique geptam

Quos solis ambit orbita,

Rerum parentis optimi

Laudes libenter pangite.

2 Agnoscite indulgentiam

Benigniùs nos in dies

Foventis, et constantiam

Promissa certam reddere.

PSAL. CXVIII.

- 1 **E**ia Deum laudate, Deum facilemque bonumque,
Largum benignum semper indulgentia.
- 2 Eia Dei, soboles Jacobi, dicite laudes,
Largum benignum semper indulgentia.
- 3 Eia Deum canat Aronis numerosa progenies,
Largum benignum semper indulgentia.
- 4 Eia Dei puri cultor pietate, fatere
Largum benignum semper indulgentia.
- 5 Audist orantem Dominus me rebus in arctis;
Ac liberavit illic ex angustis.
- 6 Ille mihi assistat solus: non arma, nec ulla
Humana mi vis adferet formidinem.
- 7 Ille mihi auxilium sit solus: humilis damnis
Explebo (nec me decipit spes) hostium.
- 8 Tutius à rerum Domino est sperare salutem,
Considere armis quam virorum fortium.
- 9 Tutius à rerum Domino est sperare salutem,
Considere opibus quam potentum principum.
- 10 In me conjurent populi omni ex parte propinqui;
Dei faventis conteram cunctos ope.
- 11 Circudent omnique premant ex parte licebit,
Dei faventis conteram cunctos ope.
- 12 Circudent omnique premant ex parte licebit,
Quam nube densa vere se fundunt apes,
Non secus ac siccas ignis violentia spinas,
Dei faventis conteram cunctos ope.
- 13 Improbe quid frustra labefactum evertere tentas?
Dei potentis sustinet me dextera.
- 14 Ille meæ vires; illum mea carmina pangent
Unum; salutis unus auctor est meæ.
- 15 Cunctaque iustorum pariter tentoria plaudent:
Meæ salutis pariter auctorem Deum
Laudabunt: tantumque ferent ad sidera dextram
Belli potentem, divitem victoriæ.

- 16 Dextram armis, dextram præstantem robore, dex-
Bellī potentem, divitem victoriæ: Etram
17 Sæva quid insultas, mihi mors? tua tela reconde:
Frustra minaci territas, me, spiculo.
Vivo equidem, vivusque feram super æthera cantu
Rarum, benigni, numinis, clementiam.
18 Jure parens, bonus, ærumnâ, me, afflixit, acerbâ;
At imminentem, reppulit, mortem, tamen.
19 Pandite, pontifices, sacra, mihi, limina, templi,
Salute partâ, ut, laude, prosequar, Deum.
20 Hæc est illa, Deo, gratissima, janua, justis.
Votis, aperta, dehinc, factum, janua.
21 Te merito, pater, alme, canam: tu, rebus, in, artibus
Aurem, applicasti, supplici, placabilem.
Sospes, et, infesto, duce, te, sum, tutus, ab, hoste:
22 Et, molientum, tecta, queri, rejecerat.
Artificum, improbitas, lapidem, fastigis, summi.
Late, refulgens, jam, coronat, anguli.
23 Scilicet, arcano, factum, est, hoc, numine, nostra
Attonita, factum, quod, stupefunt, lumina.
24 O, lux, festa, ô, lux, jucunda, ad, gaudia, nata,
Cœlestis, in, nos, lux, favoris, conscia!
25 Usque, fave, custosque, tui, pater, optime, Regis
Sis, et, secundos, cœpta, duc, ad, exitus.
26 O, felix, iterum, ô, felix, quem, rector, olympi
Populo, salutis, misit, auctorem, suo!
Nos, quibus, est, sacri, custodia, credita, templi,
Vobis, precamur, cuncta, vertant, prospere.
27 Unus, enim, Dominus, rerum, moderatur, habenas,
Qui, gratiæ, in, nos, lumen, effundit, suæ.
Lætitiâ, celebrate, diem, fœtusque, bidentis
Tenellus, aræ, vinctus, astet, cornibus.
28 Te, Dominum, te, mentē, colam, te, voce, fatebor;
Tuumque, semper, laude, nomen, prosequar.

- 29 Eia Deum laudate, Deum facilemque bonumque,
Largâ benignum semper indulgentiâ.

PSAL. CXIX.

ALEPH.

- O BEATOS, qui sequuntur orbitam legis Dei :
O beatos qui monenti sponte parent numini,
Labe puri nec relinquunt lege iussam tramitem,
Quem severitate durâ nos tenere præcipis.
5 O gradum regas labantem sic, monenti ut pateam,
A tuis attentâ iussis nusquam ut errent lumina :
Tum ducem canam æquitatis candido te pectore.
Obsequar tibi : obsequentem tu tibi ne desere.

BETH.

- 9 Quid juventam, ne labasciat, servat æquè ac lex tua?
Hinc ne aberrerem, modo laboro : tu laborantem re-
Ne vacillet pes, meo tua verba condo pectore. [ge.
Rector orbis, æquitatis regulam tuæ doce
13 Me, tui oris verba semper ore mediter ut meo :
Illa longè cariora semper auro ut æstimem :
Illa cogitem, illa secter, illa mirer unice ;
Illa nulla è corde nostro deleant oblivia.

GIMEL.

- 17 Da tuæ legi obsequenti vivere : ut propius tui
Conspicer pacti æquitatem, pande mentis lumina.
Inquilinum iussa legis ne tuæ celaveris.
Fœderum leges tuorum ægra mens desiderat.
21 O, tuæ legis superbum qui premis fastidium,
Me tuæ legis sequacem vindica : cui divites
Arroganter obloquuntur, iussa quod servem tua,
E tuo sermone vitæ quod capebam formulam.

DALETH.

- 25 Eger animus languet : ægrum recrea verbo tuo.
Cordis arcanas latebras prodidi tibi : rudem
Tu doce, præferque lucem, scita mediter ut tua ;

Et cor anxium tui verbi erigas solatio.

- 29 Absque fūco fac tuarum scita legum ut diligam.
Recta sector, instituta spectro semper ad tua.
Lex tua animo sculpta inhæret: spem meam ne
desere.

Pande iter tuæ æquitatis: te comes lætus sequar.

HE.

- 33 Legum iter monstra tuarum: fœdus erudi tuum,
Fœdus ut legemque totis imbibam præcordiis,
Cuncta ut instituta rectâ sector usque semitâ.
Sordidis averte curis iussa pectus ad tua:

- 37 Flecte lumina, impias ne vanitates hauriant.
Languidum excita: face ut te timeat animus ac
amet.

Libera probro à pudendo, me benignus arbiter:
Tua statuta diligentem servet æquitas tua.

VAU.

- 41 Me bonus respice opiferque, fœderis memor tui,
Ora claudam ut exprobranti spem tuæ fiduciæ.
Spes salutis, veritatem ab ore ne tuam eripe.
Semper ut tuis statutis audiens, tuto gradu

- 45 Ambulem, tua iussa quæro sola. Coram regibus
Differam (nec me pudebit) de tuis sermonibus.
Hos amavi, et hos amabo, et obsequens his, bra-
chia [te cogitem.

Tollam: ut usque et usque volvam hos ore, men-

ZAIN.

- 49 Sis memor pacti, columna quæ meæ fiduciæ est:
Quod levat mœrentem, et ægrum è fauce mor-
tis eripit.

Rideant licet superbi, te sequar: legem tuam
Usque repetam, in rebus arctis hoc erit solatium.

- 53 Impios quum legis hostes cerno, totus horreo.
Carmen hæc erit mihi, orbem donec hospes hunc
colam.

Hanc ut observem tenebræ me silentes admonent :
 Illa mentem cura semper unice exercet meam.

ETH.

- 57 Obsequi tibi, mihi una est spes, opes, hæreditas.
 Ut bonus promissa præstes, unice unum id ambio.
 Actiones vitæ ut omnes ad tuam componerem
 Legem; ad hanc custodiendam quæ licet me con-
 61 Impeditus impiorum vinculis hanc cogito. [fero.
 Hujus ergo nocte surgens prosequar te laudibus.
 Qui verentur hanc, amicis utor; hanc, parens
 Qui tuâ benignitate cuncta reple, edoce. [bone,

ETH.

- 65 Domine ades, pollicita servo fac benignè appa-
 reant.

In tua lege acquiescam : me doce legem tuam.
 Vix malo coacta leges mens sequi didicit tuas.
 Scita, fons benignitatis, tuâ benigne me doce.

- 69 Me superbi criminantur : corde toto ego te sequar.
 Jussa me juvant tua; illis mens hebescit prosperis.
 Erudisti me malis, ut legi adhæream tuæ;
 Hæream ut legi, auri acervis gratiori ingentibus.

JOB.

- 73 Da manu tuâ, creato, nôsse vim legis tuæ.
 Me pii læti obsequentem legibus spectant tuis.
 Justa lex tua est : premis me jure justus arbiter.
 At libenter audientem jussa me tua recrea.

- 77 Tibi libenter obsequentem, præveni clementiâ.
 Servulum tuum prementem, comprime arrogan-
 tiam.

Me tuæ legi obsequentes obsequentem diligant.
 Nec ferat tibi obsecundans pura mens infamiam.

CAPH.

- 81 Deficit mens spe salutis, spes nec illam deficit.
 Lassa languent lumina : utris corpus instar aridi
 Tabuit : solare promissi in malis memorem tui.

Quis ferendi finis? hostem quando ponies meum?

- 85 Mihi tuæ legis superbus hostis effodit serobem.
Æqua lex, promissa certa sunt tua: hostes confice.
Qui premunt me, quod te in uno collocem aduersi.
Scita fac ut ad tua omnes actiones dirigam. [am.

L'AMEDI.

- 89 Certa eunt promissa, certa sunt tuis verbis fides,
Dum polo stellæ micabunt, herba terras vestiet;
Sempiterno quæ recurfa legibus parent tuis.
Obruissent me dolores, ni affuisset lex tua,
93 Lex salubris: nulla nobis tollit hanc oblitio.
Sum tuus, tua instituta diligentes diligo.
Impii mortem parabant scita meditati tua.
Cæteris est finis: illa sola semper permanent.

MEM.

- 97 O tuam quàm legem amavi! semper illam cogito.
Hostibus prudentiorem me meis hæc reddidit.
Factus huic fui obsequendo doctior doctoribus.
Huic quod audiam, senectâ astutior sum callidâ:
101 Huic ut obsequar, malorum flecto gressum à semitis.

Te docente non recedo paullulum à verbis tuis,
Fauibus meis suavi melle suavioribus.
Eruditus his, recedo à semita mendacii.

NUN.

- 105 Sancta lex, velut lucerna, dirigit pedes meos.
Obstinavi animum tuis ut obsequar sermonibus.
Obrutum malis, tuorum fœderum memor, leva.
Edoce me iussa, et oris hanc bonus cape victimam;
[mala:
109 Iussa non rejecta, quàmvis undique instarent
Hæc nec abjeci impiorum penè clausus retibus.
Hæc voluptas, hoc mihi unum gaudium, hæc hæreditas.

Hic scopus mihi manebit, vivus aurâ dum fruar.

SAMECH.

- 113 Diligo legem tuam, sicut malos abominor.
 Unica ea spes, una verbis in tuis fiducia.
 Ut Dei mandata servem, hinc impii faceffite.
 Me tuo sermone, fulci, ne sequar spes irritas.
 117 Te regente saluus usque iussa diligam tua.
 Perfugas calcas tuos, qui vana frustra cogitant.
 Legem amo tuam, quod ompes impioa extermines.
 Corpus horret quum severum cogito te iudicem.
 121 Aequa ne me diligentem desere opprimentibus :
 Iusta fac ameni superbo tutus à ludibrio.
 Dum salutem spero, scita spectro dum tua, lumina
 Lassa languent : tū benignus edoce servum tua
 125 Placita : legum fac tuarum intelligat mysteria,
 Tempus instat puniendi legis adversarios,
 At tuum foedus mihi auro est carius carissimo :
 Hoc amo, huc errore misso dirigo vitæ ordinem.

PE.

- 129 Mira rituum tuorum mens colit mysteria :
 Verba pectori imperito luminis sunt janua.
 Faucibus tua verba apertis duco, vitæ ut spiritum.
 Ceu splea te diligentes, intueri me bonus.
 133 Dirige ad tua verba gressus : tum scelus non op-
 primet
 Me, Tuæ legi, impiorum liber à calumnia,
 Obsequar : bonus intueri me, tuam ut legem se-
 quar. [crymæ.
 Si quis hanc spernit, fluunt mihi more fivi la-
 137 Justus es creator orbis : iusta iussa sunt tua.
 Plena, lex est æquitatis : certa verbis veritas.
 Rumpor irâ, quum scelestis impie contemnitur.
 Sermo purus instar ignis : servus hunc amat tuus.
 141 Impii spernant licèbit me, tuam legem sequar.

ZADE.

Jussa stant tua sempiterna mota nullo turbine.
 Turbidis mihi illa rebus animam cor recreant.
 Scire legem da tuam: vitam mihi donaveris.

COPIA. S. M. M. M. M. M.

145 Corde toto audi vocantem, legi ut obsequar tui.
 Invoco, adjuva invocantem, sedus ut colam
 tuum:

Invoco te manes, verbis in tuis adueta est.

Nocte vigiles anteverto, verba mediter ut tua.

149 Me benignè audi, ut soles, et fauce mortis eripe.

Impii me persequuntur, legis expertes tui.

Tu propinqua, Domine, jussa cuius beneficia iusta
 sunt.

Jussa firma sine nullo, firma nullo inordio.

Memoria tua meam vitam patronas afferre.

153 Adspice afflictum: leva me, fideiis memorem
 tui.

Fideiis memor meam vitam patronas afferre.

Impii male interibunt, jussa qui tua negligunt.

O bonus sine fine, roboris, ut soles, vitam faciam.

157 Me prementum multitudo à lege non flectit tuam.

Meret animus inveniende pacta qui sperant tua.

Tu bonus tua jussa amantem me vicissim recrea.

Cuncta promissa tua nullam fraus norant terminum.

SIN.

161 Me premit tyrannis: ut cor verba meditatur tua,

Verba gratiora gazis aureis animo meo.

Diligo legem tuam, ceu vanitatem abominor.

Septies tuam equitatem me caventem lux videt.

165 Legem amantibus tuam pax multa, nulla offensio.

Spectat à te mens salutem, nostra promissa tuis.

Mens amat promissiones unice et servat tuas.

Servo tua pacta, ut vicissim te vitam observas
 meam.

- 169 Invocanti da tuarum scire legum abscondita :
 Invocantem libera me, foederis memor tui.
 Te docente predicabit os tuas laudes : tua
 Jussa lingua annuntiabit, jussa longè squiffima.
 173 Dexterâ tuâ obsequentem jussibus jura tuis.
 Abs te opem spero : tuarum scire legum diligo.
 Sospita me, ut predicem te : lex juvabit me tua.
 Me, vagam ut perudom, requirere foederis memo-
 rem tui.

PSALM CXIX.

- 1 **H**INC me obsidebant bella, et hinc calumniae
 Livor faces admovebat :
 Ad te refugit destitutus omnibus,
 Rerum creator optime.
 Te voce supplex invocavi, tu meas
 Non lentus audisti preces.
 2 A fraudulentæ toxico linguæ Deus
 Me protege et mendaciis.
 3 O lingua fraudis machinatrix impiæ,
 Quâ spe meum oppugnâs caput ?
 4 Scythæ ferocis lingua pestilentior
 Tinctis veneno spiculis :
 Ignis voracis linguæ flammis acrior,
 Quum silva flagrat arida.
 5 Heu vita tristis, vita dura et anxiosa,
 Per invios erratica
 Montes, latrones inter, atque inhospita
 Gentis feræ mapalia !
 6 Mens ægra vitæ carpitur fastidio,
 Hostes quietis accolehs ;
 7 Hostes quietis, blanda quos oratio
 Ferociore efficit :

Quos innocentis mentio concordie
Ad bella sæva exasperat.

PSAL. CXXI.

- 1 **D**UM ferox armis inimicus instat,
Ad montes vaga lumina
Proximos circumfero, si quid illinc
Fortè appareat auxilium.
- 2 At mihi cœli Dominus solique
Certam solus opem feret.
- 3 Ille (quid vano trepidans tumultu
Cor pulsas mihi pectora?)
Ille sanctorum (mihi crede) custos
Noctes excubat et dies :
- 4 Victa nec blandi illecebris soporis
Unquam lumina dimovet :
- 5 Leniter passis tibi semper alis
Umbrae more supervolat ;
- 6 Ne cutem solis violentioris
Urant spicula de die,
Nocte ne lunæ nebulosioris
Artus degravet halitus.
- 7, 8 Seu domi clausus lateas, latentem
Clausis servat in ædibus :
Seu foris pacis obeas amicæ,
Seu belli fera munera,
Sospitem è cunctis Dominus periculis
Semper te bonus eruct.

PSAL. CXXII.

- 1 **O** LUX candida, lux mihi
Læti conscia nuncii :
Jam pleno stata tempora
Reddit circulus anno :
Jam festi revocant dies

Angustam Domini ad domum tuam

2 Jam sacri pedibus premam

Latus limina templi.

3 Jam vitam Serpente edita

Caelo culmina, et ædium

Moles nobilissimam, et suo

Angustam populo urbem

4 Urbem, quam procul ultimis

Terræ sinibus exenti

Petunt Israël, ut Deum

Placent more parentam

5 Jussam eosque oppidis

Urbem jus dare cæteris;

Et sedem fore Davidis

Cuncta in secula proli.

6 Mater nobilis urbium,

Semper te bona pax amet

Et te semper amantibus

Cedant omnia recte.

7 Semper pax tua incenia

Colat: semper in ædibus

Tuis copia dextera

Larga munera fundat,

8 Dulcis Israël domus,

Te pax incolæ sospitet:

9 Sedes numina, omnia

Succedant tibi fauste.

PSAL. CXXIII.

1 Ad te levavi, Rex, Pater, et Deus;

Ad te levavi lumina, qui procul

Contagio humano remotus,

Templa habitas radiata cœli.

2 Ut servus observat Domini manus,

Gestus et omnes lumine mobili;

Arguta cecinitus acutis

Serva oculis domine tueris :

Te nostra spectant, te, Domine et Deus,

Intenta mentis lumina, dum grates

Iras remittas, servulisque

Des veniam, bonus atque pacem.

3 Jam lenis in nos respice : servulis

Jam parce tandem, parce fidelibus.

Quos hostis insultans superbo

Ludificatque premitque vultu.

4 Contemptus hosti ac opprobrium fumus,

Vitæque tædet : ferre animus nequit.

Supercili factum superbi

Ludibriumque omnibus tumentum.

PSAL. CXXIV.

1 **N**i faventis affuisset numinis præsentia,

2 (Dicat Isaci propago) numinis præsentia

Ni faventis affuisset, quum veniret perditum

Nos superba multitudo, freta stultis viribus,

3 Fortè vivos devorassent, debileque et pauculos :

Ira fervidi furoris, avida nostri sanguinis,

4 Obruisset instar undæ nos procellâ cladium :

More torrentis nivali ab imbre turgidi, impetus

5 Nos repentè sustulisset : usque ad animam gurgites,

Usque ad animam transissent gurgites impervii.

6 Sempiterna laus Deo sit, qui suos non tradidit

Dentibus prædam cruentis perfidarum gentium.

7 Cassibus fractis dolosis sospites evasimus :

Capta veluti jam volucris rete fugit aucupis.

8 In Deo nostræ salutis spes reposta est unico,

Qui solum cælumque fecit, et potentis dextera.

PSAL. CXXV.

- 1 **S**IONIS arcem non aquilo impotens;
 Saxo fedentem perpetuo quatit;
 Nigrantibus non aufer: alia
 Imbriferas glomerans procellas.
 Quicunque verè spem locat in Deo,
 Non hostis huic vis, non quatiet dolus;
 Si fractus illabatur orbis,
 In oculis fugiet ruinam.
- 2 Ut civitatem incassum montium
 Sanctam tuerentur, sic Dominus suos
 Vt cingat arcana; nec unquam
 Præsidii viduos relinquet.
- 3 Nec impiorum perpetuo iugo
 Sinet piorum progeniem premi;
 Ne turpibus contaminetur
 Flagitia labefacta mentem.
- 4 Ut affluenter fac bona sint bonis;
 5 Ut continenter fac male sit malis,
 De calle quos recti illecebris
 Impietas malè sana flexit.
 Fac, sancte rerum conditor, ut domum
 Beata semper pax colat. Ifaci;
 Tranquillitas, secura pulchra
 Exhilaret Solymæ colonos.

PSAL. CXXVI.

- 1 **Q**UUM pater omnipotens captam remeare Sio-
 Dulcemque iussit patriam revivere; [nem,
 Attoniti stupuere animi, nec opinæque secum
 Metum librantés inter et spem gaudia,
 Vixque sibi credunt: veluti qui noctis opacæ
 Sopore pulso manè versat somnia.
- 2 Pro lacrymis redeunt risus; sua gaudia quisque
 Sermonè celebrat, patrium laudans Deum:

- Nec minus attonito stetit ad miracula vultu,
 Sic barbarorum turba secum muslitans,
 En pater ille Deum quot signa ostendit amoris!
 Hujus saluti gentis usque ut prospicit!
- 3 Nec falso: nam signa Deus monstravit amoris
 Præclara, nostræ dum saluti prospicit.
 Ergo alacres læto testamur gaudia plausu.
- 4 At tu benigne fac patens ut ceteri
 Jam redeant, plenique viis sic agmen inundet,
 Ut æstuosi quum fiat ausuri spiritus,
 Indignata suis cohiberi flumina ripis,
 Vagâ per agros murmurant licentiâ.
- 5, 6 Qui malè fecunda commisit semina terræ,
 Et corde tristes multa volvit anxio,
 Si venit uberior seges imbribus sucta benignis,
 Exsultat hilari cor metentis gaudio. [res,
 Nos quoque longa fugæ post tædîa, postque labo-
 Læti arva dulcis patriæ rectissimus. [num:
 Te patrium canimusque Deum, semperque cape-
 Agimusque memores atque agemus gratias.

PSAL. CXXVII.

- 1 Nⁱ cœpta Dominus juverit, frustra struis
 Moles superbas ædium.
 Ni Dominus urbem seruet, incassum excubat
 Muris vigil custodia.
- 2 Frustra antevertis manè solem, et vespere
 Sors domum revertaris:
 Victum labore vix parabis anxio,
 Ni Dominus admoerit munum.
 At ille amicis interim suis dabit
 Pecuniam soporem somniis:
- 3 Domumque dulci prole sortam liberum
 Præbebit: Hæc hæreditas,
 Hæc illa merces, quâ beat caros sibi

Rerum ille Dominus omnium.

4 Non sic timori est dexteram telis gravis
Bellator hostis hostibus,

Ut quem parentem masculæ propaginis
Favor beavit nutminis.

5 O ter beatum et ampliùs, qui talibus
Pharetram sagittis impleat !

Non ad tribunal erubescet iurgia
Procacis adversarii.

PSAL. CXXVIII.

1 **F**ELIX ô ter et ampliùs,
Quem timor Domini tenet,
Quem non illius à viâ
Flectit devius error.

2 Felix, et tibi prosperè
Cedent omnia : nam tuo
Carpes dulcia fercula
Comparata labore.

3 Instar palmitis uberi
Proventu gravidæ, et comæ
Cingentis viridi domum,
Te conjux hilarabit.

Ceu plantaria fertili
Pubescunt oleæ solo,
Jucundo tibi liberi
Cingent agmine mensam.

4 Quem timor Domini tenet,
Inter talia commoda
Vitæ tempora transiget.

5 At te ex arce Sionis
Ditabit Domini manus
Larga : et conspicias bonis
Florentem Solymam, tibi
Donec vita manebit.

- 6 Prolis adspicies tuæ
 Longâ stirpe propaginem :
 Festâ semper et Isaci
 Latos pace nepotes.

PSAL. CXXIX.

- 1, 2 **J**URE dicat grex bonorum, Mille me molestiis
 Factio preffit malorum: primâ ab usque ori-
 Factio preffit malorum mille me molestiis: [gine
 Nec tamen subvertere unquam quivit ullis machinis.
 3 Terga sævis exaravit verberum vibicibus :
 Terga longis secta fulcis, hostis ad fastidium :
 4 Sed parens rerum benignus vincla rupit impia,
 Mequē nervo liberavit servitutis asperæ.
 5 Qui Sionis non amico spectat arces lumine,
 Vota semper vana volvât, spes inanes nutriat :
 6 Marceat, cœd sole marcet herba languens torrido,
 Herba summis nata tectis, quæ repentè corrūit.
 Ante falcis plagam acutæ, sicca marcidis comis :
 7 Unde nec sinum replevit qui manipulos colligit :
 Nec manum messor perustus, præta tonsdens floreæ,
 8 Nec viator ominatus prospera est metentibus,
 Sic precatus, Arva læta, et arvâ lauta, et roscida,
 Hunc in annum, et usque in annos hunc sequentes,
 numinis
 Vos favor semper benigni fervet, ornet, augeat.

PSAL. CXXX.

- 1, 2 **C**URARUM rapidis fluctibus obrutus,
 Arcanis animi de penetralibus,
 Audi verba precantis,
 Clamavi, pater optime :
 Audi verba, pater, quæ tibi supplices
 Multo cum gemitu fundimus : applica
 Intentam bonus aurem

Tristes ad querimónias.

- 3 Si vindex tetricus facta nefariè
Pœnis cuncta velis plectere, quis sibi
Tam confidit, acerbum
Ut non horreat exitum?
- 4 At tu non furiis tristis es asperis,
Sed largus veniæ, et munificus parens:
Ut te jure colamus,
Legum et iussa salubria.
- 5 Nam spes polliciti me recreat tui,
Promissique fides fallere nescii,
Et fiducia certa
Mentem sustinet anxiam.
- 6 Non sic præcipiti nocte vigil diem
Observat roseum, non roseum vigil
Phœbi sic avet ortum,
Ut flagrat mea mens Deum.
- 7 Securi in Domino figite spem pii,
Non duro veniam supplicibus dare;
Et prompto dare pressis
Duro servitio manum.
- 8 Electi generis progeniem gravi
Pressam servitio ex hostibus asseret:
Et de morte redemptam
10 Noxis eximet omnibus.

PSAL. CXXXI.

- 1 Si spiritu impotenti,
Si humine insolesti
Elatus ambulavi;
Si virium mearum
Fiduciâ superbus
Despexerim minores:
Si mentis arrogantis
Sublimè vectus alis,

- Majora, quàm liceret
 Sperare, cogitavi :
 Ni vota temperavi
 Modestiâ salubri :
 Nil deprecor rogave,
 Nullam recuso pœnam.
 2 Qualis puer tenellus
 Vix lacte pulsus, unam
 Suspirat in parentem,
 Hanc spectat, hac ab unâ
 Dependet, ambit unam :
 Æterne rector orbis,
 Te mens mea intuetur
 Unum, uni adhæret, unum
 Te vindicem salutis
 3 Agnoscit. O piorum,
 Propago sancta patrum,
 Unum Deum parentum
 Spectate, spes in uno
 Locate, cuncta ab uno
 Sperate : spem nec unquam
 Fovebitis caducam.

PSAL. CXXXII.

- 1 **D**AVIDIS esto memor, genitor, memor esto labo-
 rum
 Quos tulit, in rebus tua jussa secutus egenis.
 2 Ille tibi, Hebrææ gentis Deus unice, votis
 Obstrinxit caput, et promissis ora reclusit :
 3 Non ædes prius ingrediar, mollive reponam [rem,
 4 Membra toro, aut oculis dulcem indulgebo sopor,
 5 Quàm sanum inveniam, et sacri fundamenta templi
 Designem, sanctisque locum dimetiar aris.
 6 Fama licet patriæ multum promitteret oræ,
 Inter saxa tamen silvestribus obliata dumis

- Monstravit Deus ipse locum. Deus ipse perenne
Hic templum, templique sacris sedem innuit aris.
- 7 Ergo alacres gratam Domino properemus ad æ-
dem :
- 8 Scamna pedum pronis veneremur vultibus : et tu
Sancte parens, bonus ac placidus cape vota, tuam-
Lætus adi sedem : ne dedignare penates [que
Qui memorem æterni ferabunt foderis arcem.
- 9 Templi sacerdotes casti tueantur, et omnes
Qui tua ritè piis venerantur numina sacris
- 10 Lætitiâ exsultent. Si David pectore puro
Te coluit, ne Davidicæ nunc respue prolis
Dona, tui populi cui fræna tenenda dedisti.
- 11 Davidi enim quondam (æque jam sententia vertet
Ulla tuam mentem) jurasti : E stirpe propago
Nata tuâ solium et sceptrum retinebit avitum.
- 12 Quod si posteritas servet meâ fœdera, pactis
Si steterit, leges si non temerârit avitas,
Nulla dies folio, vis nulla extrudet avito,
Et patos natorum, et qui nascentur ab illis.
- 13 Ipse mihi sedem elegi sine fine Sionem,
- 14 Quam colerem : hic mihi certa quies, hic certa
voluptas :
- 15 Hæc mihi grata domus : coeli indulgentia fruges
Faxo alat, et duros largè saturabo colonos.
- 16 Templi tuebuntur casti justique ministri,
Lætitiâque piis perfundam pectora certâ :
- 17 Davidicoque novum producam è semine germen,
Quod late in populos fundet sua brachia : stirpi
Prospiciam seræ solium qui illustret avitam,
Claraque per cunctas diffundat lumina terras.
- 18 At pudor, et turpes maculas infamia spargens,
Hostibus inficiet vultus. Jessea propago
Florabit, cingetque sacrum diademate crinem,
Transmittetque suam longæva in sæcula famam.

PSAL. CXXXIII.

- 1 **N**IL caritate mutua fratrum, nihil
Jucundius concordia;
2 Non aura suavis balsami, quum funditur
Aronis in sacrum caput,
Et imbre læto prolucens barbam et finus
Limbam pererrat aureum:
3 Non ros, tenella gemmulis argenteis
Pingens Sionis gramina,
Aut verna dulci inebrians uligine
Hermonis intonsi juga.
Fraterna quam pax incolit, domum juvat
Dominus benigna dexterâ:
Et opibus auget: filiorum et filios
Multis propagat seculis.

PSAL. CXXXIV.

- 1 **D**OMINI ministri, nocte qui custodiz
Sancti excubatis atrii,
Laudate Dominum, laudibus donec sacro
Nox annuit silentio.
2 Interque laudea mentibus puris manus
Cælo supinas tollite.
3 Et vos beabit Dominus invicem omnibus
Cæli solique commodis:
Dominus Sionem qui tuetur, unicus
Cæli solique conditor.

PSAL. CXXXV.

- 1, 2 **V**OS quibus est sacri custodia credita templi,
Eia Deum laudate: Deum celebrate mi-
Qui sacra assiduâ vigilatis ad atria curâ. [nistri,
3 Eia Deum laudate bonum, nomenque beatum
Tollite perpetuò vestro super æthera cantu.
4 Quippe Jacobum ultrò legit, lectumque dicavit

- Hunc sibi, ceu privam patrimoni in secula fortem.
5 Nota quidem Domini est immensa potentia; no-
tum Numen: quippe deos sub se premit altior omnes,
Quos alii stolidâ placant ceu numina curâ.
6 Versat enim nutu cœlo, terrâque, marique; I
Aut si quod cæcis clausum est penetrare tenebris
7 Naturæ, quodcunque libet: de viscere terræ
Evocat, et liquido suspendit in aëre nubes:
Fulguribusque vagis venientes prævenit imbres:
Deque suis promit ventorum flamina gazis.
8 Ille hominum primos fœtus pecudumque per arva
9 Digitis Ægypti stravit: regemque superbum,
Et quicumque bibunt septemflua flumina Nili,
10 Terruit ostentis: valida ille oppida moris
Turrita evertit: numerofo milite cinctos
Cupa stirpe exstinxit violento funere reges:
11 Stravit Amorrhæum validâ virtute Sconem,
Quique Basan Ogus magnâ ditione tenebat
Regnaque non uni Cananæia subdita scepro:
12 Arvaque, dejectis nuper viduata tyrannis,
Accepere novos Jacobi è stirpe colonos.
13, 14 Sancte parens rerum, qui justo examine nôsti
Parcere subjectis, et debellare superbos,
Posteritas te sera canet: tua splendida facta
Nulla unquam ex animis tollent oblivia nostris.
15 At sibi quæ variis finxit simulacra figuris
Vana superstitio, calidis fornacibus aurum
Argentumve liquans, nil sunt nisi ludiora dextræ
16 Humanae commenta: illis os vocis inane:
17 Lucis egent oculi: surdas sonus advolat aures:
Et patulas frustra nares jucundus odorum
Halitus incurfat: calidus non pectora pulsat
18 Spiritus. O quisquis ludibria talia fingit,
Aut colit, ipse suis similis diis exigit ævum,

Mentis inops, et lucis egens: non aure nec ore
 Accipiat reddatve sonos: nec nare sagaci
 Sentiat halantes per prata nitentia flores. [tum,
 19, 20, 21 Tu vero genus à magno Israele profec-
 Et domus Aronis, genitricque è sanguine Levi,
 Et quicumque pio rerum venerare parentum
 Obsequio, laudate Deum, qui tectis Sionis
 Ardux, qui sacram Solymæ bonus incolit ædem.

PSAL. CXXXVI.

- 1 **E**ia Deum laudate; Deum facilemque bonumque,
 Largâ benignum: semper indulgentiâ.
- 2 Eia Deum laudate: Deus namque ille deorum est,
 Largâ benignus semper indulgentiâ.
- 3 Cui domini rerum submitunt sceptrâ tyranni,
 Largâ benigno semper indulgentiâ.
- 4 Qui facit attonito solus miracula mundo;
 Largâ benignus semper indulgentiâ.
- 5 Qui nitidos mirâ arte polum convolvit in orbes,
 Largâ benignus semper indulgentiâ.
- 6 Qui liquidis terras emergere jussit ab undis,
 Largâ benignus semper indulgentiâ.
- 7 Qui vitreo accendit flammantia lumina coelo,
 Largâ benignus semper indulgentiâ.
- 8 Qui solem auricomum jussit dare jura diei,
 Largâ benignus semper indulgentiâ.
- 9 Qui lunam et stellas tenebris distinguere nocuis
 Jussit, benignâ semper indulgentiâ.
- 10 Pignora prima Phari qui fato exstinxit acerbo,
 Largâ benignus semper indulgentiâ.
- 11, 12 Macidas medio incolumes ex hoste recepit,
 Largâ benignus semper indulgentiâ.
- 13 Qui rubri Oceani torpentes diffudit undas,
 Largâ benignus semper indulgentiâ.
- 14 Perque undas fissas sobolem traduxit Abrami,

- Largâ benignus semper indulgentiâ.
 15 Pharonem et Pharios submersit gurgite currus,
 Largâ benignus semper indulgentiâ.
 16 Deduxitque suos deserta per avia tutos,
 Largâ benignus semper indulgentiâ.
 17, 18 Et validos meritâ prostravit clade tyrannos,
 Largâ benignus semper indulgentiâ.
 19 Stravit Amorrhæum validâ virtute Seonem,
 Largâ benignus semper indulgentiâ.
 20 Stravit et incalsum confisum viribus Ogum,
 Largâ benignus semper indulgentiâ.
 21 Metatusque novis agrum est utriusque colonis,
 Largâ benignus semper indulgentiâ.
 22 Isacidis habitare suis dedit hostica rura,
 Largâ benignus semper indulgentiâ.
 23 Qui nos in rebus miseros respexit egenis,
 Largâ benignus semper indulgentiâ.
 24 Avertitque ferum nostris cervicibus hostem,
 Largâ benignus semper indulgentiâ.
 25 Qui genti vitam humanæ victumque ministrat,
 Largâ benignus semper indulgentiâ.
 26 Astrigeros laudate Deum qui temperat orbem,
 Largâ benignus semper indulgentiâ.

PSAL. CXXXVII.

- i **D**UM procul à patriâ mœsti Babylonis in oris,
 Fluminis ad liquidas forte sedemus aquas;
 Illa animum subiit species miseranda Sionis,
 Et nunquam patrii tecta videnda soli.
 Flevimus, et gemitus luctantia verba repressit;
 Inque sinus liquidæ decedit imber aquæ.
 2 Muta super virides pendebant nâblia ramos,
 Et salices tacitas sustinere lyras.
 3 Ecce ferox dominus Solymæ populator opimæ
 Exigit in mediis carmina læta malis:

- Qui patriam exilio nobis mutavit acerbo,
 Nos jubet ad patrios verba referre modos,
 Quale canebamus, steterat dum celsa Sionis
 Regia, finitimis invidiosa locis.
- 4 Siccine divinos Babylon irrideat hymnos?
 Audiat et sanctos terra profana modos?
- 5 O Solymæ, ò adyta, et sacri penetralia templi,
 Ullane vos animo deleat hora meo?
- 6 Comprecor, antè meæ capiant me oblivia dextræ,
 Nec memor argutæ sit mea dextra lyræ:
 Os mihi destituat vox; arescente palato,
 Hæreat ad fauces aspera lingua meas:
 Prima mihi vestræ nisi sint præconia laudis;
 Hinc nisi lætitiæ surgat origo meæ.
- 7 At tu (quæ nostræ insultavit læta rapinæ)
 Gentis Idumææ tu memor esto, pater:
 Diripite, ex imis evertite fundamentis,
 Æquaque, clamabant, reddite tecta solo.
- 8 Tu quoque crudeles Babylon dabis impia pœnas
 Et rerum instabiles experire vices.
- 9 Felix qui nostris accedet cladibus ultor,
 Reddet ad exemplum qui tibi damna tuum.
 Felix qui tenero consperget saxa cerebro,
 Eripiens gremio pignora cara tuo.

PSAL. CXXXVIII.

- 1 **P**ECTORE te grato Dominumque Deumque fate
 Coram superbis regibus, [bor
 Et tua facta canam.
- 2 Ad tua templa oculis, animo ad tuâ numina specto
 Nomen celebrabo tuum, [tan
 Perpetuamque fidem:
- 3 Qui donis promissa novis cumulata rependis,
 Audis vocantem, robora
 Das animo trepido.

- Te, quacunque patet tellus circumflua ponto,
 4 Reges fatebuntur Deum,
 Quum sine labe fidem
 5 Audierint: ritusque tuos super æthera cantu
 Ferent, tuæque gloriæ
 Ad jubar attoniti,
 6 Nam liquidi quanquam trans ignea mœnia mundi
 Beatus in te permanes:
 Attamen haud humiles
 7 Despicias; elatosque premis: discrimina mille
 Passim mihi circumstrepant,
 Te duce tutus ero.
 Tu validâ obsistes dextrâ furialibus ausis
 Qui me laceffunt hostium:
 8 Incolumique dabis
 Quod superest, si quid superest: bonitate perenni,
 Quo cœperas gradu, tuæ
 Facta tuere manûs.

PSAL. CXXXIX.

- 1 **M**OMENTA vitæ nulla te latent meæ,
 Rector benigne cœlitum.
 2 Seu sedeo, sive surgo, seu quid cogito;
 Tu cuncta præsens adspicis.
 3 Lux sive curam, seu quietem nox tulit,
 Curam et quietem temperas.
 4 Nec te minutæ voculæ fugit sonus,
 Quam lingua temerè fuderit.
 5, 6 Et os et humeros, totiusque corporis
 Sic arte mirâ fabricam
 Finxisti, acumen nullum ut humani ingent
 Ratiove possit assequi.
 7 Quonam ergo vultum fugero tuum? quibus
 Clausus latebris occular?
 8 Petamne cœlum? præstò es hic: ad inferos

Demergar ? illinc non abes.

9 Aurora curru me volucris ut deferat

Ad occidentis limitem,

10 Hic deprehendes me, nec hic tutus tuæ
Vitabo fulmen dexteræ.

11 Incauta mens si fortè secum cogitet,

Nox me tenebris occultet,

Obscura tenebris nostra nox luce est tibi
Meridianâ clarior :

12 Tibi nec tenebræ sunt tenebræ, nec tuæ
Nox ulla providentiæ est.

13 Arcana mentis tu tenes, qui pectoris
Arcana fabricatus es.

Qui me parentis ventre conditum, cutis
Tenello amictu involveras.

14 Compago mira corporis nostri, tuæ
Miraculum est solertiæ :

Stupenda cujus opera nec nostra assequi,
Sed nec negare mens potest.

15 Nam nulla nostri tam minuta est corporis
Pars, ut tuam scientiam

Fugiat : nec ulla claustra pectoris latent
Te conditorem pectoris.

16 Massæ recentis rudia adhuc primordia,
Rudisque massæ semina,

Ceu scripta haberes, corporisque lineas,
Motum statumque noveras.

Et membra nondum quum forent, quid adderent
Dies sciebas singuli.

17 Hæc mente tacitâ cogitanti mihi, stupor
Torporque sensus alligat :

Animus labascit quum tuæ miracula
Perpendo mecum dexteræ.

18 Citiùs inibo numerum, arenæ in littore
Quot volvat æstus corpora :

- Quamvis ocellis pervigil nunquam meis
Dulcem soporem indulsero.
- 19 O quando perdes impios, rerum parens?
O quando sanguinarios
- 20 A me repelles, qui scelesti nomini
Et numini illudant tuo?
- 21 Te quisquis odit, non ego odi? non tuos
Hostes habebam pro hostibus?
- 22 Odi profectò: nec tuis ex hostibus
Amicus est quisquam mihi.
- 23 Revolve mentis intimos sinus Deus,
Latebrasque nostri pectoris;
- 24 Nisi hìc amorem videris tui, nisi
Animum obsequi nunquam pigrum,
Si par scelestis scelere sum, vitæ parem
Da cum scelestis exitum.

PSAL. CXL.

- 1 **Æ**TERNE rerum conditor, à malæ
Linguae veneno me bonus affere,
Meamque perjuri tuere
Hostis ab insidiis salutem,
- 2 Qui fraude tectâ bella nefaria
- 3 Ciet: nec atris mitior anguibus
Vibratque linguam virulentam, et
Ore vomit rabido venenum.
- 4, 5 Averte fraudem, et me violentiæ
Hostis scelesti subtrahe, qui mea
Vestigia observat, scrobisque
Objiciens, laqueosque tendens.
- 6 At tu, salutis præsidium meæ,
- 7 Audi precantem: Tu Dominus mihi
Deusque; tu me liberâsti
Incolumem crepero è duello.
- 8 Idem impiorum nunc bonus irrita

Fac vota : sævam frange superbiam :

9 Virusque linguæ pestilentis
In domini exitium refunde.

10 Dejecta cælo flammea perfidos
Procella fundat præcipiti fugâ,
Cæcosque propellat profundas
Perpetui in barathri tenebras.

11 Linguæ loquacis perfida vanitas
Nunquam quieto deget in otio :
Sed impiè dignum patratis
Exitium domino parabit.

12 At imptorum à vi Dominus suos

13 Et fraude vindex asseret : ut pii
Numen Dei præsens potensque
Perpetuo celebrent honore.

PSAL. CXLI.

1 **A**UREM vocanti da parens properè, meas
Audi preces salutifer.

2 Quum verba fundo tristis, et puras manus
Attollo, sic preces meas

Manusque puras respice, ac si thureo

Odore manè te colam :

Ac si colam te victimâ et libamine

Sero rubente vespere.

3 Fræno coërce linguam : ad oris janua.

Fac excubet custodia.

4 Fac mens sequatur recta, fac in lubricam

Ne flectat erroris viam.

Fac ne scelesto gaudeat cœtu, neque

Mensâ fruatur impiâ.

5 Me malo justus increpet, me verberet,

Quàm palpet impius, comam

6 Quàm rore nardi spargat. Impii, precor,

Et impiorum præfides,

De rupis altæ quum ruent specula, sui
 Supplicia sceleris ut luant ;
 Tum subeat animum conscium, salubriter
 Quòd me morientem spreverint.

- 7 Sic mortis horror ossium compagine
 Mihi laxat, ut cæssæ jacent
 Fagi per arva fissa cuneis fragmina.
- 8 Tu sancte rector cœlitum,
 Spes una nobis es salutis, unicum
 Agnoscimus te vindicem.
- 9 Vitam tuere ab impiorum cassibus,
 A fraude quam struunt mihi.
- 10 Compos salutis impios fac in sua
 Cernam ruentes retia.

PSAL. CXLII.

- 1 INVOCO supplex Dominum, manusque
 Tendo ad sidera supplicæ.
- 2 Mentis huic pando lacrymas : querelis
 Imploro miseris opem.
- 3 Pectus afflictum dolor obruebat :
 Quamvis, Rex bone cœlitum,
 Puriter vitæ mihi tu peractæ
 Effes arbiter optimus ;
 Quum domo gressum tamen efferebam,
 Tendebant mihi retia.
- 4 Nec mihi notus, nec amicus usquam,
 Quoquò lumina verteram :
 Exitus nusquàm, fuga nulla, nemo
 Qui me sospite plauderet.
- 5 Ergo te, rerum pater, invocavi,
 Unum præsidium in malis :
 Tu meæ vires, mea spes, opesque,
 Dum sedes hominum colo.
- 6 Da meis aurem facilem querelis

Fracti cladibus ultimis :
 Affere à sævi manibus tyranni,
 Qui me fortior opprimit.
 7 Carceris vitam rape de tenebris,
 Ut te laudibus efferam :
 Teque conventus celebret piorum,
 Promptum ferre piis opem.

PSAL. CXLIII.

- 1 **A**UDI vocantem rebus in asperis,
 Et lenis aurem da precibus meis,
 Rerum creator : quâque soles fide
 Et æquitate ex hostibus eripe.
- 2 Juris severi ne trutinâ meam
 Expende vitam : nemo hominum innocens
 Sic est, tribunal possit ut ad tuum
 Se profiteri crimine liberum.
- 3 En hostis atrox imminet, et premit
 Stratum : tenebris tristibus abditus,
 Et lucis exsors dego, velut specu
 Quos in sepulchri mors fera condidit.
- 4 Mens penè curis obruta volvere
- 5 Priora cœpit tempora, quum patres,
 Spes quos fovebat præsidii tui,
 De fauce lethi sæpe revelleres.
- 6 Hac recreatus rursus imagine,
 Imploro supplex auxilium tuum,
 Intenta mens te respicit, arida
 Tellus ut imbres sub cane torrido.
- 7 Non lentus audi, nam mihi spiritus
 Vix fessa pulsat pectora : si tui
 Avertis oris lumen amabile,
 Mors atra ficcis faucibus imminet.
- 8 Spe mens labores auxilii tui :
 Fert : spectat unum te, pater optime.

Audi precantem lenis, et exitum
Jamjam obruturis pande periculis.

- 9 Ab hoste sævo protege me, mæe
10 Custos salutis : prava repellere
Mentem manumque, et recta capessere
Doce, unicum te qui veneror Deum.

Arcana fac vis numinis ut tui
Per plana gressum dirigat, ut tua
Mandata secter : neu male credulum
Error malorum vertat in orbitam.

- 11 Ut nulla numen non celebret tuum
Et æquitatem natio, recrea
Me destitutum præsidio : et malis
Hostis scelesti libera ab artibus.
12 Favoris umbrâ me solitâ tege,
Et, qui me acerbis usque doloribus
Affligit, hostem perde nefarium,
Servumque serva perpetuò tuum.

PSAL. CXLIV.

- 1 **Q**uo te Rex hominum carmine prosequar ?
Qui firmas animum robore, qui manum
Et bellare doces, et dubii regis
Per discrimina prælii.

- 2 Quòd vivo et valco, tutus et hostium
A fraude, eximiâ fulgeo gloriâ :
Quod latè validis impero gentibus,
Totum muneri id tui est.

- 3 O rerum genitor, quantulus est homo,
Hac quem prosequeris munificentia.
Et curas patriâ sollicitudine !

- 4 Figmentum fragilis luti,
Quo nec bulla levis vanior est, neque
Quæ mentes agitant somnia turbidas,
Nec serum fugiens umbra crepusculum,

Nec fumi volucris vapor.

- 5 Cœli pande fores, Rex bone cœlitum,
Ac de fidereis labere sedibus :
Montes nube operi ; per liquidi aëris
Campos fulgura trajice.
- 6 Turbatos trepidâ sparge fugâ impios,
Et sparfos jaculis perde sequacibus :
- 7 Porrectâque manu me, pater optime,
Sævis eripe fluctibus.
Hostis pelle malam vim bonus impii :
- 8 Linguae vaniloquæ reprime toxica ;
Assuetæque dolis pestiferis manûs
Vires contere viribus.
- 9 Ut te nostra novo carmine barbitos
- 10 Dicat, subsidio qui recreas tuo
Reges : qui gravibus sæpe periculis
Vitam Davidis eripis.
- 11 Hostis pelle malam vim procul impii :
Linguae vaniloquæ reprime toxica ;
Assuetæque dolis pestiferis manûs
Vires contere viribus.
- 12 Natorum soboles crescat, ut ubere
Surgit silva solo laurea : virgines
Cultu sic niteant, ut laquearibus
Templorum tholus aureis.
- 13 Stipentur gravidis horrea frugibus :
Pleno cuncta penu copia suggerat :
Fœcundi pecoris non capiant greges
Latis pascua saltibus.
- 14 Pingues plaustra boves et nitidi trahant ;
Nec tristi resonent compita classico,
Nec fletu plateæ : nec furor hosticus
Clauis affremat oppidis.
- 15 Felicem populum, inter bona talia
Qui vitam in tacito transigit otio ;

Felicem populum ter quater, omnium
Cui rerum pater est Deus.

PSAL. CXLV.

- 1 **T**E Regem Dominumque canam dum lucida vol-
Lucidus astra polus, [vet
Et unicum colam Deum.
- 2 Luce canam te, nocte canam te : nulla carebit
Laudibus hora tuis,
Rerum creator et salus.
- 3 Magne parens, nullo cui clausa potentia fine est,
- 4, 5 Secula cuncta tuas
Laudes sonabunt : et patres
Longævi tua facta canent, seræque nepotum
Per seriem soboli
Prodent : nec ætas gloriam
- 6 Nesciet ulla tuam : mirandaque facta decusque
Ille memor referet ;
Hic magnitudinem canet :
- 7, 8 Ille bonum feret et iustum, et placabilis iræ,
Et veniæ facilem, et
Largâ benignum dexterâ :
- 9 Totque inter decora, et laudum præconia nullo
Emoritura die,
Nil clarius clementiâ.
- 10, 11 Ergo, parens rerum, stellantis machina cœli
Cuncta suo gremio
Complexa prædicat tuum
Robur : et intacti scelerum contagio nefandâ,
Te celebrant alacres,
Tuique vires imperi
- 12 Per populos latè vulgant : ne nescia sceptri
Terra sit ulla tui,
Et gloriæ et potentiæ.
- 13 Imperium sine fine tibi ; nec legibus ævi

Subdita sceptrâ tenes,

Aut clausa metis temporum.

14 Tu lapsos rursus attollis, firmasque labantes
Incolumesque foves

Vitæ beatæ commodis.

15 Te volucrum pecudumque genus, te sæva
Secula respiciunt

Unum, suoque tempore

16 Accipiunt victum : tu dextram pandis, et omnes
De locuplete penu

Animal benignè recreas.

17 Quicquid agis, justèque et sanctè agis : impig-

18 Supplicibus facilem

Præbes : opisque compotes

19 Dimittis puro qui pectore cunque precantur :
Auxilioque piis

20 Præsens es, et periculis

Eruis è cunctis qui te venerantur amantque :

Cumque suo scelere

A stirpe vellis impios.

21 Ergo omnes te jure canent, nomenque tacebit

Natio nulla tuum

In seculorum secula.

PSAL. CXLVI.

1, 2 **T**u, magne rerum conditor, et tuas
Sonabo laudes, factaque posteris

Miranda prodam, dum recurret

Per calidos mihi sanguis artus,

3 Securitatem ne stabilem tibi

Promitte, regum præsidio : neque

De stirpe mortali et caducâ

Pone tibi columen salutis.

4 Ut membra liquit spiritus, in suam

Terrenâ moles terram abit ; et diu

Consulta vanescunt, et auras
Irrita per vacuas feruntur.

5 O ter beatum, quem Deus ætheris
Fido tuetur præsidio, suas

Qui spes opesque omnes in uno
Constituit Domino Deoque ;

6 Qui terram et æquor condidit et polum,
Et quicquid æquor terraque continet

Polusque : qui promissa præstat
Perpetuo stabilis tenore.

7 Qui nec tyranni vi sinit opprimi
Infirmiorem, aut esurie premi :

Qui carcerum exemptos tenebris
Compedibus levat innocentes.

8 Qui nocte pulsâ luminis aurei
Cæcis refundit luminibus jubar ;

Gressusque firmat claudicantes,
Justitiamque amat æquus æquam.

9 Curâ fideli qui fovet advenam,
Orbæ marito qui viduæ favet,

Orbos puellus qui tuetur,
Et scelerum labefactat artes.

10 Rex ergo habenas imperii tuus,
Sion, tenebit, fidera dum polum

Pingent, et obliquum per orbem
Sol rutilos agitabit axes.

PSAL. CXLVII.

1 **E**IA Deum laudate, Deo date carmina digna :
Certè erudito dignus ille est carmine : [bem

2 Qui Solymam instaurat rursus, passimque per or-
Sparfos reducit exules Abramidas :

3 Qui fractos animi levat, et corda anxia lenit ;
Mulcet dolores, mitigatque vulnera :

4 Qui numerat tacito labentia fidera mundo,

Suisque quæque nuncupat vocabulis.

- 5 Magna Dei virtus, immensa potentia; nulla
Quam lingua fari possit, aut mens cogitet.
- 6 Qui mite ingenium fovet, allevat, auget honore;
Humique sternit impiam superbiam.
- 7 Eia Deum cantate, Deo perfolvite grates;
Grato benignum canite patrem barbito:
- 8 Qui cælum obnubit tenebris, terram rigat imbre,
Montesque læto vestit altos gramine:
- 9 Qui pecudum genti largâ dat pabula dextrâ,
Corvoque victum se roganti sufficit.
- 10 Quem neque magnanimûm delectat robur equo-
Nec vis ferocis aut lacertus militis: [rum,
- 11 Sed pietas animi simplex, et in illius unâ
Quæ spem salutis collocet clementiâ.
- 12 Eia, Dei laudes Solymæ pangite turre: :
Benignitatem mons Sionis prædica.
- 13 Qui portarum aditus claustris firmavit ahénis,
Civesque cunctis commodis auxit tuos.
- 14 Qui te pace beat lætâ, et defendit ab hoste:
Et messe flavâ tritici campos tegit.
- 15 Cujus ad imperium fundit sua munera tellus:
Natura cujus prompta paret jussibus.
- 16 Qui nivibus celsos operit, ceu vellere, montes:
Densas pruinas cineris instar dejicit.
- 17 Et glacie lapsus solidarum frænât aquarum;
Cujus rigorem quis feret mortalium?
- 18 Quum libuit, molles glacies tabescit in undas,
Adspirat aura mitior, rivi fluunt.
- 19 Ostenditque suam per signâ illustria mentem:
Legesque Abrami tradidit nepotibus.
- 20 Non ita se populis aliis monstravit amicum,
Qui scita legum nesciunt cælestium.

PSAL. CXLVIII.

- 1 **L**AUDATE Dominum cœlitum
Chori beati, qui procul
Contagio mortalium
Tēpla ætheris tuemini.
- 2 Laudate Dominum, quos sibi
Adeſſe juffit angelos :
Laudate Dominum exercitus
Parere prompti juffibus.
- 3 Laudate Dominum, qui diem
Sol, luna noctem illuminas :
Laudate Dominum lucidis
Stellæ decoræ flammulis.
- 4 Laudate eum rotatiles
Tot orbium compagineſ,
Et unda longè celfior
Campis nitentis aëris.
Huic cuncta laudes dicite,
Numenque cuncta pangite,
Quod cuncta nutu condidit,
Et cuncta nutu ſuſtinet :
- 6 Fixitque firmo cardine,
Ne vi fenectæ corruant :
Certisque vinxit legibus,
Quas transgredi non audeant.
- 7 Laudate Dominum ſub ſpecus
Terræ dracones abditi :
Et vaſta cete, quæ ſinus
Ponti repoſtos ſinditis.
- 8 Ignes, nives, et grandines,
Vaporque, et auræ ſpiritus,
Ad juſſa Domini mobilēs
Circumrotanteſ turbineſ :
- 9 Colles feraces, et feri
Montes, et omnes arbores ;

Seu montibus rigescitis,
Seu cultibus mansuescitis :

10 Mites feræque bestiarum,
Humique lentè reptiles,
Et quæ liquentes aëris
Campos volando carpitis :

11 Reges et orbis præfides,
Et nationes liberæ,
Et pauperi plebeculæ
Qui jus ab alto dicitis :

12 Et vos juventutem florentem
Læti puelli et virgines,
Senesque vitæ in ultimo
Jamjam exituri limine,

13 Laudate Dominum : numini
Sit ejus uni gloria,
Unumque noscat omnium
Cælum solumque principem.

14 Hunc omne in ævum laudibus
Propago tollat Isaci :
Sibi dicatam qui bonis
Gentem beavit omnibus.

PSAL CXLIX.

1 CANTATE Domino canticum
Novum : sonet laus illius
Cœtus per omnes, qui sacris
Non se profanis polluunt.

2 Oblectet Isaci genus
Auctore se suo : suo
Regi Sionis arduæ
Congratulentur filie :

3 Nomen celebrent illius
Lætis choris et tympanis ;
Ejusque laudes accinant

Blandè canoro pectine.

- 4 Gentem bonus parens suam
Amore sancto amplectitur,
Mitemque mansuetudinem
Firmat salute immobili :

- 5 Cœtus piorum ut gestiant
Foris paratu splendido,
Domique secum clanculum
Latentur in cubilibus.

- 6 In ore, rerum præsidis
Laus continenter personet ;
Utrique acuti in dexteris
Vibrentur enses vindices.

- 7 In se ferarum ut gentium
Crudelitatem vindicent :
Et in futurum iras, minas,
Superbiamque comprimant.

- 8 Reges suorum ut hostium
Arctis catenis alligent ;
Et ferreis coercant
Vinctis feroces principes.

- 9 Poenas secundum cœlitus
Præscripta ab iis ut exigant,
Et laus piorum pervolet
Omnes per orbis cardines.

PSAL. CL.

- 1 LAUDATE Dominum, lucidum
L Templum colentem siderum,
Qui vi suæ potentiz
Firmavit orbis cardines.

- 2 Laudate Dominum fortiter
Ubique gestis inclytum :
Laudate magnitudinem
Captum supra mortaliū,

- 3 Laudate Dominum bellis
Claris tubæ clangoribus :
Laudate Dominum nablis,
Lyrisque blandè garrulis.
- 4 Laudate Dominum tympanis,
Choriquè festi cantibus :
Laudate Dominum fidibus, et
Sonore dulci tibis.
- 5 Laudate eum tinnitibus
Lætis canori cymbali.
- 6 Hunc cuncta laudent, quæ trahunt
Vitalis auræ spiritum.

FINIS